

ANNVS SACER  
POETICVS,

SIVE

Selecta de Diuis Cælitibus

EPIGRAMMATA

In singulos Anni dies tributa.

*TOMVS SECVNDVS.*

I V L I V S,

A V G V S T V S.

S E P T E M B E R.

O C T O B E R.

N O V E M B E R.

D E C E M B E R.




P A R I S I I S,

Apud IOANNEM HENAULT, Bibliopolam  
Iuratam, viâ Iacobæâ, sub signo  
Angeli Custodis.

---

M. DC. LXV. 3

*Cum Privilegio Regis Christianissimi.*





CLARISSIMO  
ILLVSTRISMOQVE VIRO D.  
DOMINO DE MACHAVLT,  
IN AMPLIORI REGIS  
CONSILIO PRÆSIDI  
MERITISSIMO.  
P. F.

**N**ON egebat Admissionali  
ANNVS. HIC SACER,  
PRÆSES AMPLISSIME,  
*ut diuenteret ad Te, cui iam heredi-  
tatis nomine pridem obuenerat. Non  
erat opus commendatitijs, ut hac Edi-  
tione posthumâ prodiret in lucem, qui  
suâ se satis ac Nominis Tui Claritu-  
dine proderet. Equum tamen fuit, ut  
intelligerent Posterî, eâ olim IVSTVM  
PETRVM SAVTEL fuisse in Te ob-  
servantiâ dum viueret, ut moriens  
Opellam hanc suam, quod Mihi pa-*  
â ij

## EPISTOLA.

lām apertēque significauit; Tibi uni,  
 Testamento legarit. Intelligebat nīmī-  
 rūm vir prudentissimus, Te qui tam  
 sapienter ad Iuris & aequi trutinam  
 alienae rei momenta soles expendere,  
 non iniquum ac difficilem fore Patro-  
 num, imo Iudicem Tua. Nouerat in-  
 super rei Te Poëtica peritissimum esse,  
 nec minus in Poëtarum Senatu, quā  
 in Ampliori Regis Consilio Praesidem  
 meritissimum: Atque adēd optauit  
 Prolem hanc suam, extincto Patre in  
 sinu Tuo quiescere commodiūs feliciū-  
 ve, quā vspiam alibi. Coercuit ille  
 quidem in Poëtica breuitatis angus-  
 tias Sanctorum Elogia: Tūm quia  
 suos etiam numeros habent Iustorum  
 virtutes, quarum in Te suauis concen-  
 tus & amabilis decor existit: Tūm  
 quia voluit IUSTVS, vt eorum facta  
 incundiūs ac breuiori temporis impen-  
 dio decurreres; nec effugeres vūquam,  
 quā ubiquē Teipsum, veluti natiuo  
 quodam parabilique in speculo, nec si-  
 ne sensu pietatis agnisceres. Feccrunt



## EPISTOLA:

*hac aliâque non pauca, ut IUSTVS ANNI SACRI Te nuncuparit Haredem, PRÆSES AMPLISSIME. Fauet, si mea Me spes & vota non fallunt, Tua olim in eum beneuolentia atque humanitas singularis, fauet stylus Opusculi Latinus & Castus, elegantem quamdam præ se indolem ferens, non anxie, non moleste diligens, magisque similis negligenti, ne repulsam à Te quantumuis accuratissimo patiatur. Accipe igitur hoc qualecûmque symbolum Obseruantie, quâ Te olim coluit IUSTVS; pro grauissimi, quod sustines muneris amplitudine, paruum; pro argumenti dignitate pretiosum; pro Autoris in Te reuerentiâ non contemnendum; pro Tua in Societatem nostram propensione non iniucundum; pro Tua denique in Me, qui Testamentaria procurationi prepositus ab Autore fui, humanitate non ingratum. Id certè si Tibi placuerit, Nemi-  
ni displicebit: aut si quem fortè Zoi-*

EPISTOLA

*lum nanciscatur ; hoc in præcipuâ felicitatis suæ parte reponet, quòd Tenetum sit defensorem. Vale & me Ama,*

DOMINATIONI TVÆ

Addictissimum

P. CALMELS.  
è Societate IESV.

Εὐχαριστήσιον

LVD. DE MACHAVLT,  
CONSILIARII CONSISTORIANI,

& in magno Regis Antiquioris  
Præsidis Consilio,

de legato Reuerendi Patris

SAVTELLI è Societate Iesv  
relictò.



ILERE accepto beneficio, & grati animi significationem premere, hominis est. inuitis Gratijs nati & planè *ἀχαριστοὶ*: at vero id prædicare tenuiter, frigidè laudare, nec satis pro dignitate & merito efferre, est eiusdem beneficij magnitudinem imminuere. Ea cogitatio dum subit animum, anceps hæreo in rependenda gratia, quam debere me profiteor *πρὸς μαργε. τῇ* SAVTELLO, qui me non modò viuens officiosè coluit, sed moriens grati animi hoc *μνημόσυνον* ad me deferri supremis verbis cauit, mandauitque. Verùm in reddenda gratia quo eloq. iij genere hominis de me benè meritoriam exornabo? An vernaculâ linguâ & patrio sermone? Ita pauci intelli-  
a iij

gent quantum homini debeam: An Latini  
& Romano? Ita quidem magnitudo benefi-  
cij hoc à me exigit, plures vt resciant. Sed  
ætas quam ago iam inclinans, vitæ genus  
rebus forensibus occupatum, & velut vn-  
dis negotiorum ciuiliūmersum, non fe-  
runt patiunturque eam esse in me sermo-  
nis Latini elegantiā, quam mihi suppe-  
tere optarem, ad exornandam hominis  
beneficentissimi memoriam. Fateor enim  
ingenuè dūm ætas melior erat & vire-  
rent gēua, calētibz ipsis Rhetorum stu-  
dijs, habuisse in delicijs, & quæsijsse om-  
nes dicendi vñeres & lepores, atque in-  
pectēda & comēda cum cura oratio-  
ne operam: fortassis non pœnitendam po-  
fuisse; sed cum iam ex paupertate Latini  
sermonis laborem, cuius diuitias si non ali-  
quando domi habui, saltem expetiui, cum  
illa Latinè scribendi facultas quæ à me plu-  
rimū fiebat, iam pridem exaruerit, ab eo  
scilicet tempore quo per amplissimos pu-  
blicorum munerum gradus, decurso me-  
liore vitæ spatio, huic tandem foro tan-  
quā ad scopulū affixus atque adhæres-  
cens, Gallica nostra pessima, Romanis &  
Græcis longè optimis cogor antepōnere,  
metuo ne dūm officiosus haberi cupio, in-  
comptus minúsque elegans deprehendar.

Quidquid sit, certum est cum famæ & estimationis periculo, iudiciorum aleam licet dubiam experiri, malo in referenda gratia rudis & indifertus, quàm officiperda audire. Si quid mihi in prædicando beneficio *ἀνθρώπων* exciderit; si quæ scribigo inter scribendum irrepsit, ætas apud rerum æquos æstimatores facile veniam impetrauerit. Solæcum fecisse, oscitantis est & aliud quasi agentis; ingrati animi crimen incurrisse, hominis est improbè nati. Itaque ut agnoscendo beneficium, debiti partem exsoluam; lubens & ingenuè fateor, me amicissimo SAVTEELO duplam gratiam debere, & quòd ipso munusculo omni auro cariore me bearit; & quòd moriens tam magnificè de me senserit: cum enim videatur non aliud esse solatium mortis, quàm voluntas ultra mortem, probèque intelligeret vir meritissimus, testamenta hominum esse quæ omnem fatentur affectum, ita supremas tabulas ordinauit, ut ex his liqueret quàm sincerè & ex animo nos amarit, nec amplius meo iudicio mutui amoris & beneuolentiæ testatius argumentum edere potuit, quàm quod in ima eius cera habetur expressum: ita namque naturâ comparatum est & fieri amat in vita, ut amicitia vinculum, quo homines

inter se mutuis officijs colligati tenentur, dum inter viuos agunt, remissiùs & solutius; instante verò fatali horâ intensius sit: sicque qui aliàs tepebant & frigebant amoris igniculi, sub ipsùm vitæ tempus extremum recalescant, atque nouas flammâs concipiant. Debere nos insuper plurimùm agnoscimus venerandorum Patrum sollicitudini, quos SAVTELLVS habuit supremæ suæ voluntatis fidos interpretes; illi namque cùm intelligerent præcipuum munus amicorum esse, defunctum non ignauo questu prosequi, sed quæ voluerit meminisse, quæ mandauerit, exequi, nullam moram interponentes, Legatum ad me deferendum curarunt, sicque illis eo nomine gratiam habeo sempiternam.

Atque vt aliquid dicam de tersis illis & limatis Versibus, quos vir pijssimus posteritati reliquit, cùm lucubrationes hominum fœturæ sint ingeniorum, morum specula, in quibus non adumbrata modò, sed expressa vitæ hominis spirans imago elucet, verè & audacter asseuerare possumus, *καταείπον*, breuibus illis lineis delineasse & tanquam in compendio & tabella exigua exscripsisse omnem antea vitæ suæ rationem; etenim morum sinceritas & candor cum vitæ integritate & sancti-

monia in Reuerendo illo Patre , pareni inter se mixturam fecerant, dubium vt esset, ytra earum potior haberetur. Nihil illo viro grauius & sanctius vniuersus Ordo agnouit ; homo virtuti simillimus , qui numquam recte fecit vt facere videretur, sed quia aliter facere non poterat ; cuique solum idipsum visum est in vita rationem habere, quod haberet iustitiā. Ausim meo periculo spondere futurum , vt hoc egregium Viri optimi monumentum, non modò apud pium, sed & eruditum Lectorem recto stet talo, plausum & ὁπποῦναι σίαι ferat, dùm Religio Catholica stabit ; dùm boni mores valebunt, hoc elucubratum opus plenis gloriæ velis feretur, fiet per ipsa quæ scripsit sibi superstes Vir immortalitate dignissimus , neque fugientis æui & omnia obliterantis iniurias vniquam sentiet. Et enim Annus Sacer, Sanctorum qui per anni currentis singulos dies occurrunt, elogia & πεινηντικοὶ λόγοι, mirum dictu quantum hi valeant ad benè moratos homines efficiendos, cum in singulis habeant Religionis Candidati, pietatis studiosi cultores quod imitentur ; nullum siquidem potentius incentiuum ad bene agendum & res magnas aggrediendas , quam dùm eorum , qui nos in stadio virtutis præcesse-

tunt, vitam anteaſtam recolimus, & res ab  
iſdem præclarè geſtas, memoriâ repeti-  
mus. Hæc ſi ſemel animo ſedeant altius in-  
fixa, numquam à recto tramite declinabi-  
mus. Etenim Deus Optumus Maximus no-  
biles illas animas exciuit, præſtantes illos  
Heroas, verè *παρασπέναι ἐκ τοῦ ἔργου* robora  
virtutis eſſe voluit, qui nobis exemplo ſuo  
præluſcerent, animos adderent ad altiora  
capeſſenda, & nobis in hæc ſtatione mor-  
tali poſitis, in iſſis adhuc palæſtræ carce-  
ribus ſudantibus, in hoc ſcammate an-  
helantibus, emeriti illi & nobiles Athletæ  
decoro puluere ſordidi, & plurimis palmis  
inſignes, lampadem traderent. Proinde  
frugifera lectio iſtius Anni Sacri futura  
omnibus qui in virtute proficere laborant,  
atque iſs in maximè, qui lubricum Iuuentæ  
ingreſſi fuerint, cùm in eo ætatis flexu, ho-  
mines ſuoſte genio in vitia propendeant,  
iſſis voluptatum illecebris tum blandien-  
tibus & ad omne nefas & illicitum etiam  
inuitos & reluctantes pellicientibus. Nec  
modò ætas ea cothurno verſatilior & præ-  
ceps in omne nequitia genus, & quam faci-  
lè vel leuiſſimi perturbationum venti de  
gradu virtutis facilè dejecerint, ex ea le-  
ctione plurimùm adiumenti inuenerit; ſed  
& ſenilis, eaque inclinans & compoſita,



quæ rebus omnibus voluptuarijs iampridem deferbuerit, obfirmata aduersus quæque ingruentia, ex lectione istius Anni Sacri fructum non mediocrem perceptura. Et certè in hoc Autumno ætatis meæ, senectutis limine ac vestibulo, hunc Annum Sacrum mihi à Religiosissimo Patre simul & amicissimo, dono legatum, habere consilium est pro solatio & fomento grauiorum, quæ in hanc malam ætatem breui affuturam incurrere solent, hunc legere, imò relegere iuuabit, illiusque lectioni adhærere & immori certum est, morésque meos ad eorum quorum vitas scripsit exempla componere, ab his vitæ regulam omnem petere æquum est, hos tanquam benigna sidera de cælo collucentia Dioscuros salutare spectare, intueri par est, & exorare vt fragilem hanc nostram ratem, mare hoc aliàs iratum & procellosum sulcantem, regere & moderari clauumque in ea tenere dignentur, vt fauentibus ventis, secundo cursu ad eum quem spiramus & speramus portum, salui & incolumes enaremus.



ELOGIVM FVNEBRE  
R. PATRIS  
PETRI IVSTI SAVTEL  
E SOCIETATE IESV,  
*Ætatis huius voftra Poëta Clariffimi.*

I.

**P**ETRVS IVSTVS SAVTEL è So-  
cietate Iefu, Delphinus Patriâ, domo  
Valentinas, maturâ fi virtutem, imma-  
turâ, fi ætatem fpectaueris, morte præ-  
reptus eft. Turnoni octauâ die Iulij anni 1662.  
quadragefimum nonum vitæ annum, ingenti om-  
nium luctu, nec fine opinione fanctitatis, facris  
omnibus ritè procuratus, placidiffimâ morte con-  
clufit. Indeque vt piè credere fas eft, *Iuftum de-  
duxit Dominus per vias rectas, vt oftenderet illi  
Regnum Dei.*

II.

Vir fuit Ingenij politiffimi, literifque humanio-  
ribus apprimè exculti. Poëticam ac Rhetoricam  
per annos plures magnâ cum laude profeflus eft.  
Natus in primis Apolline non irato, facilem He-  
liconis aditum pullifque vepribus impeditum in-  
uenit, & viam, fi quis alius, nouit quâ fit eundum ad  
carmen.



# MENSIS IULIVS.

---

## PRIMA IULII.

S. RUMOLDV<sup>S</sup> Episc. Dublinensis, è fluuio in  
quem à Pradonibus fuerat coniectus, à  
Piscatore extrahitur.

### I.

**S**acrilego, Rumolde, iaces malè proditus ictu,  
Dùm sibi fur largas sperat auarus opes.  
Hei mihi! tergeminus sceleris sunt præmia nûmus,  
Qui tibi, non ingens gaza, superstes erat.  
At trepidi dùm crimen auent celare lattones,  
Mitteris in cæcum, nemine teste, vadum.  
Insolitâ nox visâ fuit clarescere nocte,  
Ilicet indicium criminis illa dedit.  
Continuò Piscator adest, missâque sagenâ,  
Quæritat occultas, quas tegit amnis, opes.  
Quas simul inuitis traxit feliciter vndis,  
Testatur paribus gaudia festa sonis.  
Sæpè fuit captura frequens, sed gurgite nullo  
Tâm bona præda vnquàm, quàm modò capta  
Qui prius exiguos piscabar in æquore pisces, (fuit.  
Piscatorem hominum me modò nemo neget.

S. GALLVS *Claromontanus Episc. suavi vocis  
modulatione diuinum Officium peragit.*

## I.

Dùm Chorus assueto celebrat mysteria ritu,  
Et canit alternis Cantica sacra sonis:  
Antistes modulis miscet modulamina: Nullo  
Tàm benè qui cantet tempore, Gallus erit.

S. GALLVS *à peste per vicinas regiones grassante  
gregem suum liberat.*

## II.

Finitimas contage lues grassatur in oras,  
Inque tuum serpit iam prope, Galle, gregem.  
At precibus, res mira! tuis lethale venenum  
Sistis, & ulterius serpente fata vetas.  
Non hominis fuit vnus, dignissime Præsul,  
Non fuit vnus Numinis illud opus.  
Numinis est hominisq; simul, cum Numine nullus  
Te commune aliquod Numen habere neget.

## I. IVLII.

S. SIMEON SALVS *sanctè stultitiam  
simulat.*

## I.

Dùm fatuum sapienter agit, togulàmque decoro  
Incedit Simeon sparsus, & ora luto;  
Stultitià meritis se callidus inserit astris,  
Crede mihi, qui sic desipit, ille sapit.

S. SIMEON

# POETICVS.

S. SIMEON SALVS *stultitia sapiens  
simulator.*

## II.

Græcia quos genuit, quos mirabantur Athenæ,  
Septenis vnus plus sapit iste Sophis.

S. SIMEON SALVS *Puellam energumenam sanat  
oblato à puella patre ad eius aram  
mellis fauo.*

## III.

Vexabat teneros miserandæ Virginis artûs,  
Qui malus obsessi corporis hospes erat.  
Votiuas, examen, apes Apiarius vltro,  
Diue, aris donum dat pater esse tuis.  
Nimirum infelix genitor, de corpore natæ,  
Vt fucos velles pellerere, tradit apes.

## II. IVLII.

VISITATIO BEATÆ MARIAE VIRGINIS.

## I.

Hospes vbi notas accessit in hospitis ædes;  
Diuinâ Virgo prole futura parens:  
Mutua vi x solitæ dederant sibi signa salutis,  
Quæ paritura Deum est, quæ paritura virum:  
Cum puer arctati maternâ repagula claustrî  
Non tulit, & vetitâ tentat abire viâ.  
Ter saluisse suam mirata puerpera prolem,  
Ter gestire suum conscia sensit onus.  
Cur nondum genitus sine more tripudiat infans?  
Cur ciet hos visâ Virgine Matre modos?  
Coram arcâ (nam Virgo solet hac voce vocari)  
Hebræi choreas Principis instar agit.

Tom. II.

Bb

# ANNVS SACER

Ad D. ELISABETHAM.

## II.

Postquam longa diu fleuisti tempora, Mater;  
Visa inter steriles semper habenda Nurûs:  
Tandem prole nouâ tumuit tibi fertilis aluus,  
Magnam præ reliquis quam fore quisq; putat.  
Et meritò fore quisque putat; quis iure repugnet?  
Is magnus, cui Rex obuius ipse venit.

*Gemini Pueri cum geminis Matribus se  
quoque salutant.*

## III.

Dùm pressos it in amplexûs par nobile Matrum,  
Ibat vterque sua cum Genitrice Puer.  
Ibat in amplexûs, at vbi se carcere claudi  
Sensit, & oppositos Matris obesse sinûs;  
Abscedit, tacitéque suos testatus amores,  
Ire, Maria, tuus cessat; Elisa, tuus.  
Plus aliquid Baptista mouet, dùm brachia circum  
Se videt hospitibus non dare posse suis:  
Exiliit, motûque agitât sua membra loquaci;  
Scilicèt oblatae signa salutis erant.  
Dicere cùm nequeat, linguâ vel voce salutem,  
Iure fuit toto corpore dicta salus.

*BAPTISTA ab Adami labe exemptus  
nascitur.*

## IV.

Impatiens vteri leuibus Baptista choreis  
Exilit, & motu gaudia teste probat.  
Nempè premunt reliquos genialis pondera noxæ;  
Baptisten similis sarcina nulla grauat.

POETICVS.

*VIRGO post salutatam ELISABETHAM in diuinæ  
laudes erumpit.*

V.

Vix permenſa viam, charòſque ingreſſa penates;  
In primo poſuit limine Virgo pedem:  
Et linguam, & vocem diuina in Cantica ſoluit:  
Nam quî iam Verbo plena ſilere queat?

*Exultauit Infans in utero.*

VI.

Cur pede ſubſultat venturi Antecambulo Regis;  
Maternique agitât Puſio clauſtra ſinûs?  
Pertimuit tanto non poſſe præire Giganti,  
Carpere feſtinum nî properaret iter.

II. IVLII.

SS. PROCESSVS & MARTINIANVS Iouẽ  
*diuinum cultum exhibere iuſſi, in eius  
ſimulacrum inſpiciunt.*

I.

Fiſtilium raptatus adit delubra deorum,  
Vt Superùm Regi Martyr utrøque litet:  
At Iouis in faciem ſputat feliciter audax;  
Illis dignus erat fordibus ille locus.

III. IVLII.

S. LANDFRANCVS *Episc. Cantuarienſis &*  
*Poëta inſignis, dùm in Gallias tendit, ab ho-*  
*ſtibus interceptus vinculis oneratur.*

I.

**T**E, Landfrance, chori docilem ſolertis alumnũ  
Nutrit in caſto turba Nouena ſinu:

Bb ij

Nec solito rigat ora cohors infantia lacte,  
 Sed tibi Castalias dat, vice lactis, aquas.  
 Ecquis enim, nisi mentis inops, à Virgine turbâ,  
 Sôrbilis optaret munere lactis ali?  
 Ergo sacer Phœbique simul, Christi que Sacerdos,  
 Doctus eras junctisnectere verba modis.  
 At dùm Francigenûm peregrinas tendis in oras,  
 Indita sunt pedibus vincula dura tuis,  
 Sæpè quidem Musas numerosa in vincla vocasti,  
 Non tamen hâc ideò compede dignus eras,

## III. IVLII.

S. VDALRICVS *Episc. Augustanus, dùm sacrum facit, manus è calo delapsa cum ipso operatur.*

## I.

Nobile Parthenij decus, Vdalrice, pudoris,  
 Peius Acidalias angue perose faces:  
 Te castis operante sacris, delapsa parenti  
 Dextra polo, dextræ jungitur apta tuæ.  
 Vos quibus est puras operari munus ad aras,  
 Et parere arcanum voce potente Deum:  
 Poscendum est, vestrâ similis quoq; dextera dextrâ  
 Adjuuet, vt tantum sustineatis onus.

## IV. IVLII.

S. ELISABETHA *Lusitanorum Regina, cuius in pauperes munificentia insigni miraculo est comprobata.*

## I.

A Vrea fert inopi Regina numismata turbæ,  
 Condit in arcano clàm tamen illa sinu.  
 Nimirum Christus prohibet, ne conscia norit,  
 Si benè quid peragat dextra, sinistra manus.



Obuius est, Princépsque petit, quid veste recondat?  
 Illa refert, Vernas gesto, marite, rosas.  
 Dixerat, & versis in ferta recentia nummis,  
 Exhibuit veras carbasus alba rosas.  
 Nulla pares vnquam peperere rosaria flores,  
 Nulla suo tellus fudit Ibera sinu.  
 Quàm tibi diuitiæ pulchros vertuntur in vsus!  
 Nam quæ aliis spinæ, sunt tibi, Diua, Rosæ.

---

V. IVLII.

S. VILHELMVS ABBAS *suas opes egenis hauritis  
 nec tamen exhaurit.*

I.

**A**vrū supplicibus spargit Vilhel mus egenis,  
 Nullus enim vacuâ visus abire manu.  
 At quod supplicibus Vilhel mus sparserat aurum,  
 Lucro iterum longè diuitiore redit.  
 Nam quæ ieiunis depleuerat horrea turbis,  
 Complet inexhaustâ messe parata seges.  
 Haud mirum est, omni cùm tempore semina iactes,  
 Omni si pariter tempore, Diue, metas.

---

VI. IVLII.

S. GOAR *adulterij falsò accersitus, ab infante  
 cuius parens dicebatur absoluitur.*

I.

**D**amnat adulterij Goarem temerarius Index,  
 Projectæque reum virginitatis agit.  
 Infontem absoluit causæ datus arbiter Infans,  
 Et patre, quem perhibent, se negat esse fatum.  
 Quoque scelus pateat, quò sit manifestus adulter,  
 Indicibus signum voce, manûque dedit.

Infantem sibi nemo licet velit esse Patronum;  
 Infante hoc melior nemo patronus erat.

## VI. IVLII.

S. GODELEVA M. *quo in loco supplicium est  
 passa, humus egesta rosas & gemmas  
 peperit.*

## I.

Quo moreris, Godeleua, loco, suffossa pudicas  
 Progeniuit tellus sanguinolenta rosas.  
 Nec satis est peperisse rosas, pretiosa, lapillos;  
 Munera, prouentu nobiliore parit.  
 Hos flores, has fundit humus tibi prouida gemmas,  
 Vt micet hinc capiti bina corona tuo.

## VII. IVLII.

S. VILLIBALDVS Eystetensis Episc. *abdicato  
 Anglia Regno, Hierosolymam, pietatis  
 causâ, contendit.*

## I.

Nos patriæ obliti, nec honoræ laudis amantes,  
 Turpiter exilio turba moramur iners.  
 Non ita Vilbaldus, Regum pulcherrima proles,  
 Qui retrò innumeros penè recenset auos.  
 Vix mundi illecebras, irritamenta malorum,  
 Regius agnouit mente sagace puer;  
 Protinus exuto trabecæ regalis amictu,  
 Induitur laceræ vilia scruta togæ;  
 Armatusque manum baculo, tenuique galero  
 Tectus, Idumeam cogitat hospes humum:  
 Et Solymas, vbi Christus erat perpeffus, ad oras,  
 Veste peregrinâ dissimulatus adit.  
 Chara soror, seniorque parens, fraterq; gemellus;  
 Esse piæ comites non renuere viæ.

Sic bene posthabitâ paruis magalibus atulâ,  
 Et patriâ & patriæ finibus exul abit.  
 Regno exi, quicunque sapis, nisi spreueris vitrò,  
 Ipsa suum fallax Regia spernet herum.  
 Fastidita fugit palatia Regius hæres,  
 Hæremus luteis nos, pigra turba, calis.

## VIII. IVLII.

S. PROCOPIVS *M. matrem ad Christum  
 adducit.*

## I.

**P**rogenerant reliquæ terris sua pignora matres:  
 Matrem astris peperit filius iste suam.

## VIII. IVLII.

S. LANDRADA *V. ut pudorem seruet in  
 solitudinem secedit.*

## I.

Seruatura tuî gemmam Landrada, pudoris,  
 Tesqua petis nullis peruia facta procis:  
 Hanc vigili studio, vigili tutare labore,  
 Nulla tibi seruat Dactylothea parem.  
 Nâ quanquàm numerosa manū tibi gēma coronet,  
 His ego tam clarum non reor esse iubar.

*Ad D. LANDRADAM.*

## II.

Abdita sylvarum latebris, Landrada, recedis,  
 Puraque sepositi gaudia ruris amas.  
 Cœtus adest superûm, qui te comitetur, Amorum;  
 Et tuus est illo Præsîde tutus honos.  
 Ne metuas pretiosa tui dispendia floris,  
 Hos modo custodes virginitatis habe.

B b iij

## IX. IVLII.

S. ANATOLIA *Virginitatem Martyrio  
exornat.*

I.

**V**irgo pudoris amans, & honesti sedula custos;  
 Vivere vult lecto cælibe, vultque mori;  
 Et geminum sociare decus; cum Virgine Martyr,  
 Et cum laurigerâ Martyre Virgo placet.  
 Sanguinis infecit niueos aspergine flores,  
 Et sociis iunxit lilia casta rosis.  
 Nam benè conueniunt (vtriûsque insignia fortis)  
 Lilia Virginibus, Martyribusque rosæ.  
 Dat Martyr tibi, Christe, rosas, dat lilia Virgo:  
 Gratiôr est oculis nulla corolla tuis.

## X. IVLII.

SEPTEM FRATRES MM. *filij* S. FELICITATIS  
*item M.*

I.

**P**lena animis, annisq; parens stans ante tribunal  
 Carnificum, nullo palluit ora metu.  
 Stant Matrem intrepidi circum, sua pignora, Nati:  
 Clarior hâc certè nulla corona fuit.  
 Proh dolor! in proprias fœcunda Puerpera clades,  
 Hos peperit gladio, non sibi, facta parens:  
 Nam dilecta sibi laniari viscera sensit,  
 Septeno genitrix funere visa mori.  
 Fertiliora tamen cuperet connubia mater,  
 Pluribus vt Natis iret ad astra comes.  
 Et quotiès peperit, totiès enixa gemellos,  
 Parturiisse duplo pignora plura velit.

At quos illa tulit, fortes hortatur alumnos,  
 Ne quis Martyrij laude repulsus eat.  
 Et dixit, postquàm audentes in prælia vidit;  
 Degeneris turbæ non ego mater ero.  
 Occidit appendix præeuntibus vltima Natis,  
 Si potuit, totiès ante perempta, mori.

## X. IVLII.

SS. RUFFINA & SECUNDA sorores,  
 VV. & MM.

I.

Martyrij sociant, Germana, accerfe sororem,  
 Tu Ruffina ibis prima, Secunda soror.

## XI. IVLII.

S. PIVS Pontifex Maximus M.

I.

**B**landus adulator titulo pietatis honestat,  
 Quos facinus maculis inficit omne suis.  
 At te fama Pium celebrat, te nominat orbis,  
 Quem nullâ vitii labe litura notat.  
 Sic nomen pietatis erat certissimus index,  
 Et pietas index nominis ipsa fuit.

## XI. IVLII.

S. GOLINDYCHA M. in specum à Dracone  
 in sessum compingitur.

I.

Solis inaccessis radiis includeris antro,  
 Obsidet infomni quod vigil ore Draco.  
 Iure, Puella, tuum servat custodia limen,  
 Nam specus hæc raras occulit intus opes.  
 Poma olim Hesperidum custos servauerat anguis,  
 Quæque suo quondam vellere fulsit, ouem.  
 Vt pretium est extra virtus, plus diuite lanâ,  
 Plus horto Hesperidum, possidet iste locus.

B b v

## XII. IVLII.

S. IOANNES GUALBERTVS *Abbas, cui imago  
suffixi in Cruce Christi capite annuens gratias  
habet ob veniam inimico petenti  
non negatam.*

## I.

IN gladium, cædémque ruit Gualbertus, at hostis  
Territus amplexos procidit ante pedes.  
Te per ego Christi, exclamat, per vulnera posco,  
Parce, nec in nostro sanguine merge sitim.  
Vt dulce insonuit nomen, Gualbertus ab irâ  
Temperat, & posito liberat ense manum.  
Ille sub hæc vicinum adiit de more facellum,  
Solennes solitus ferre tributa preces.  
Eccet tibi ! Domini de stipite pensilis Icon  
Annuat, & motu verticis acta probat.  
Scilicet Archetypum verax imitatur imago,  
Ipsaque, quod Christus fecit, imago facit.

S. GUALBERTVS *Religiosorum hominum Or-  
dinem in Valle-Vmbrosa instituit.*

## II.

Quo celebrem instituis pietatis, Diue, palæstram,  
Hic locus Vmbrosæ nomina Vallis habet.  
At licet obscuro lateat tenebrosa recessu,  
Illa tibi lucem Nominis ymbra dedit.

## XIII. IVLII.

S. ANACLETVS *Pontifex Maximus M. PETRI  
Apostolorum Principis tumulum piè  
ac magnificè exornat.*

## I.

**E**Rigit immensas moles Anacletus, honore  
Vt sita sit Petri Principis vrna loco.  
Vix Babylon par vidit opus, vix barbara Memphis  
Pyramidum moles viderat ante pares.  
Quem famuli lambunt posito diademate Reges,  
Conditus hoc tumulo debuit esse cinis.

*De eodem sepulchro.*

## II.

Pyramidum mole insana quid, Nile, superbis?  
Piscator tumulo nobiliore iacet.

## XIII. IVLII.

S. IUSTINA V. & M. à Fabiano Praside plagis  
& virgis afficitur.

## I.

Ne labem patiare tui, Iustina, pudoris,  
Heu! pateris validâ verbera torta manu.  
Id leuius, multoque magis tolerabile vulnus,  
Quàm quod lethiferâ cuspide figit amor.  
Vt reus est, vt amor puer est, & corpore nudus,  
Verbera quæ pateris, debuit ille pati.  
Nimirum ingenuam non hæc laniena puellam,  
Sed Veneris puerum talia flagra decent.

*Iustina pro Christo moritura Zenoni Amasio hortis  
fætus promittit, & mortua mittit.*

## II.

Ore suburbanos quo nuper adiuerat hortos,  
Hoc loca supplicij Virgo decenter adit:  
Ridentique Proco, florésque, & poma petenti;  
Pacta tulit, Nymphæ nomine, dona Puer.  
Cœlestis fuit ille Puer, quo pulchrior alter  
Non erat ætherei missus ab arce poli.  
Qualis purpureo ridet Tithonia vultu,  
Qualis ab æquoreâ Lucifer exit aquâ;  
Talis erat croceo puer ille decorus amictu,  
Talis in ingenuo purpurat ore rubor.  
Zenonem accessit propius, donisque reiectis,  
Purpureæ limbum vellicat ille togæ.  
Et dixit, Te Virgo suos inuitat ad hortos,  
Vt præsentem legas mala, rosâsque manu.  
Audiit, & dictos quâ Nympha tetendit in hortos,  
Hâc pariter visus tendere Zeno viâ est.  
Nam caput exertæ subdens, collumque securi,  
Iustinæ voluit Martyris ire comes.  
Ite pares animæ, paribusque per æthera votis,  
Carpite victrici munera verna manu.  
Et date, pomorum superis quæ carpit horti,  
Nos sapor, & florum nos quoque tangat odor.

## XIV. IVLII.

*S. BONAVENTURA primum D. Francisci Affecta,  
dein Episc. Albanensis & Cardinalis, mo-  
rem quo ad aris campani pulsum  
ter Virginem salutamus,  
primus induxit.*

## I.

**T**Er pulsâ, ter sumit Aue Virgo aurea, nolâ;  
Diue, tuæ solers id pietatis opus.



Virgineos hominum linguâ reticente triumphos;  
 Ferrea in auxilium prouidus ora vocas.

D. BONAVENTURAE, *cùm vomitu laboraret, admotâ  
 Eucharistia stomachum penetrauit.*

## II.

Hospitij Dominum dum morbus ab ædibus arcet,  
 Nec finit optatos posse subire lares:  
 Ipse viam faciet, nisi factam inuenerit vltro,  
 Nam Dominû in propria quis vetet esse domo?  
 Improbâ vis morbi! quid inaniter ostia claudis?  
 Legitimôque aditus quid prohibetur hero?  
 Ille catenatos impunè effringere postes,  
 Quâque domum libuit parte, subire potest.  
 Et subiit, nam quando aditûs ægrâ ora recusant,  
 Per latus insolitam repperit ille viam.  
 O quicunque vacas nostris quandôque libellis,  
 Temporis exiguas dùm finis ire moras,  
 Tàm cupidè tuus hospes erit, rupto obice, Christus,  
 Tu quoque si Christi tàm bonus hospes eris.

## XIV. IVLII.

S. HENRICVS *Imperator in prosperâ fortunâ  
 humilis, in coniugio castus.*

## I.

Præcingunt, Henrice, tuam diademata frõtem,  
 Et replet Augustam Regia virga manum.  
 At rerum dominas quamuis modereris habenas,  
 Non tamen insano vanus honore tumes.  
 Et quanquàm tibi pulcher Hymen cõnubia donet,  
 Viuis in intacto, caste Marite, toro.  
 Mirentur reliqui latè dominantis honores,  
 Téque triumphanti sceptrâ tenere manu:  
 Miror ego in mediis te non tumuisse triumphis,  
 Miror & in medio non caluisse foco.

## XV. IVLII.

S. IACOBVS *Nisibenus Episc. Nebulonem fingentem se mortuum, verâ morte affectis, vitæque deinde reddidit.*

## I.

**F**Inxerat exanimum mendax se Ludio funus,  
Et nudam immoto corpore prestat humum,  
Quam simulat, veræ dignus succumbere morti;  
Fingere mentitos destitit ille jocos:  
Nam subito vacuas mens ire iubetur in auras,  
Et iacuit toto corpus inane solo.  
At mox attonitâ surgit rediuius ab urnâ,  
Viuerè, te, visus, teque volente mori.  
Quidquid id est quod, Diue, velis, já crede peractû,  
Imperio subsunt vitæque morisque tuo.

*Ad Morionem mortis simulatorem.*

## II.

Nil opus est simulare tibi, levis Histrio, mortem,  
Hoc age si mortem dissimulare potes.

S. IACOBVS *fontem exsiccatur, & flauas procacium puellarum comas in canitiem vertit.*

## III.

**H**ic ubi muscarum pauefacta examine Persis,  
Se dedit in trepidam, quâ via facta, fugam;  
Turba puellarum salientem fontis ad undam  
Ludebat, crocèâ conspicienda comâ.  
Nec prohibet veneranda senis præsèntia Mystæ,  
Quin peragat cœptos lingua petulca iocos,  
Sed quos virginèâ non addecet aure probari,  
Et quos virgineo non licet ore loqui.

Audiit, & iustam Præful succensus in iram,  
 Digna verecundo Præfule vota facit.  
 Nam petiit refugæ cedant vt fontibus vndæ,  
 Et nix virgineas pingat vt alba comas.  
 Nec mora; cesserunt refugæ siphonibus vndæ,  
 Et nix virgineas inficit alba comas.  
 At lacrymis querulæ fontem reparare puellæ,  
 Et vetulas tentant, arte iuuant, niues.  
 Sed neque vel lacrymis primi rediére liquores,  
 Nec rediit primus verticis arte color.  
 Quàm longus fuit ille dies, qui mane Puellas  
 Viderat, & sero vespere vidit Anûs!

---

## XVI. IVLII.

S. ATHENOGENES M. *Ceruam quam alebat  
 dimisit liberam, sed illa quotannis hinnulum  
 quem pepererat, tanquam victimam,  
 ad eius aram deferrebat.*

## I.

**A**ltor Athenogenes Ceruam nutriuit alumnam,  
 Quam dein in proprium iussit abire nemus.  
 Hæc dapis acceptæ memor, acceptique diurni,  
 Signa animi grati non dubitanda dedit.  
 Nam partu Hinnuleum syluis enixa recenti,  
 Martyris ante aras, annua dona, tulit.  
 Ite homines, quos nulla solent benefacta mouere,  
 Hæc vos officij Cerua magistra docet.

## XVI. IVLII.

S. ROSALIA *Sicula V. & M.*

## I.

Trinacriam Aufoniæ qui dixerat horrea terræ,  
 Quantum esset Siculi nouerat vber agri.  
 Hæc modò virgineum dùm parturit area florem,  
 Terra mihi posthac Sicelis, hortus erit.

S. ROSALIA è *Regibus Gallia stirpem ducit.*

II.

Regibus è Gallis oriunda Rosalia stirpem  
Traxerat, in Siculo nata puella solo.  
Atque ita Francigenùm pulchro regalia nexu  
Lilia, cum Siculis junxit amica rosis.

S. ROSALIA in *Ætnâ monte sepelitur.*

III.

Nemo suis jactet monumenta tegenda ruinis,  
Quæque ferit summum Pyramis alta polum:  
Et Mausolei moles operosa sepulchri,  
Cedat in aërias crescere iussa vias.  
His sibi nobilius fortita Rosalia bustum,  
Conditur Ætnæo post sua fata iugo.  
Nempè tegunt alios effossi fragmina montis,  
Vel quæ sunt Pario saxa reuulsa solo:  
At quæ virgo Rosâ deducit amabile nomen  
Condenda est mediis, quas parit Enna, rosis.

XVII. IVLII.

S. VITALIANVS *Episc. Capuanus, cui dormienti  
vestes solitas inuidi auferunt, & muliebres  
sufficiunt.*

I.

**D**Vm placidi Antistes fruitur lenimine somni,  
Subtrahitur tacito suæ lacerna dolo:  
Inque locum stola sufficitur, tegiménque capilli,  
Condere fœmineas nata calypha comas;  
Nescius ille humeris alienum indutus amictum,  
Fœmina fit subito, qui modò Præsul erat.  
Ponè peplum, longæque trahit sinuamina pallæ,  
Et latam ignoto syrmate verrit humum.

Horruit, vt primùm se cultu agnouit in illo,  
 Séque virum, nè quis non putet esse, timet.  
 Diue, nihil metuas ne fœmina fortè puteris,  
 Nam tua facta virum te satis esse probant.

## XVII. IVLII.

S. ALEXIUS C. in paternâ domo hospes  
 incognitus.

## I.

Ignotus patriâ dum viuit Alexis in aulâ,  
 Aduenaque in propriâ creditur esse domo;  
 Mœsta parens sobolem delamentatur ademptam,  
 Ingemit in viduo Sponsa relicta toro.  
 Heu! vbi, Sponse, lates? vbi te, mi Nate, requiram?  
 Ingeminant querulis Nupta, Parénsque sonis.  
 Quem quærunt, inuentus adest, tamẽ vtraq; plangit,  
 Orba suo Genitrix pignore, Sponsa Viro.  
 Luminibus captum quis jure negarit Amorem?  
 Quem videt, ex oculis mœret abesse suis.

*Error Amoris in D. ALEXI.*

## II.

Per mare jactatum fingit sibi mater Alexim,  
 Aut per inaccessæ deuia resqua plagæ.  
 Et pater, & conjux in Alexi nescit Alexim,  
 Absentémque oculis credit vtérque suis.  
 Hunc miseranda videt mater, conjúxque patérque  
 Veraque diffisam ludit imago fidem.  
 Ecquis in hæc oculos error ludibria mittit,  
 Nè cernendo putent cernere? Cæcus Amor.

D. ALEXIVS *sub gradibus paternæ domûs  
decubat.*

## III.

Sub scalâ, gradibûsque domûs versaris, Alexi,  
Ignotus patrij qui laris hospes eras.  
Si bene vaticinor, nec me deludit Apollo;  
Hæc te scala, gradus hi super astra ferent.

---

## XVIII. IVLII.

S. SYMPHOROSA *M. septem filiorum MM.  
parens, appenso ad collum molari, in undas  
deijcitur.*

## I.

V<sup>T</sup> mediis immersa vadis, septena præires  
Pignora, septenâ prole beata parens;  
Cervicem appendix onerat tibi prægraue saxum,  
(Torquis erat collo non satis apta tuo.)  
Hoc præcelsa tamen vectaris in astra molari,  
Nec moles in aquas mergit, ad alta leuat.  
Ah! nescis quid agas, tortor temerarie, nescis:  
Quod fore credebas pondus, id ala fuit.

---

## XIX. IVLII.

SS. IUSTINA & RUFFINA *VV. & MM.  
fractum Veneris simulacrum in puluerem  
redigunt.*

## I.

V<sup>I</sup>ribus imbelles, Iusta & Ruffina, pue'læ,  
Signa Dioneæ comminuere Deæ.  
Iudicio Paridis quæ Pallada vicerat, vnam,  
Nunc jacet à geminâ Pallade victa Venus.

## XIX. IVLII.

S. ARSENIUS *ex aulâ in eremum  
fcedit.*

## I.

Vade, quiesce, tace, vox hæc tibi fertur ad aures :  
 Vox iterum repetit, vade, quiesce, tace.  
 Et paritur fugiendo quies, pariturque tacendo ;  
 Quid trahis ergo pigras non fugiendo moras ?  
 Audiit Arsenius tacitumque recessit in antrum,  
 Nil illâ expertus dulcius esse fugâ.  
 Nam sibi, non reliquis viuit pius hospes eremi,  
 Viuere qui reliquis, non sibi, visus erat.  
 Quid casa despicitur, quid amantur limina Regum,  
 Et quas incrustat bractea summa trabes ?  
 Sæpè dedit siluestre pedum, quod sceptrâ negarunt,  
 Sæpè dedit vilis caula, quod aula negat.

*Nobilis quadam Matrona venit Româ, ut ARSE-  
 NIUM in suâ solitudine inuideret.*

## II.

Mille per anfractûs, per mille pericla viarum,  
 Arsenij princeps Fœmina eremon adit.  
 Mouerat hanc pietas, & totum sparsa per orbem,  
 Quæ magnum celebrat garrula fama Senem.  
 Sermones miscere pios inceptat vterque,  
 Et trahere exiguas per bona verba moras.  
 At reditura, inquit mulier, dùm Numen adoras,  
 Suppliciter memorem te precor esse mei.  
 Retulit Arsenius, (quod tu mirabere, Lector)  
 Inò tui memorem non sinat esse Deus.

## III.

Credite, jam multis si quid valet vsus ab annis,  
 Rura colit pietas, regnat in vrbe scelus.  
 Curia curarum mater, nutritque dolorum,  
 Siue sit ille dolus, siue sit ille dolor.  
 Huc subeunt artes, & plaustra ingentia fraudum,  
 Sola tamen pietas limine pulsa fugit.  
 Esse pius quicumque volet, prius exeat aulâ,  
 Cuncta ibi cum liceant, non licet esse pium.

D. ARSENIVS *cruciatuum aeternorum memor,  
 ubertim lacrymatur.*

## IV.

Diue senex, obiecta tuis Acherontis imago  
 Ex oculis pluuias jugiter haurit aquas.  
 Excipiunt humecta pios sudaria fletûs,  
 Nè bibulam feriat nobilis humor humum.  
 Pelle tuo, lacrymose Senex, è corde pauorem,  
 Non vno resident ignis & vnda loco.  
 Vt quid enim metuat flammaram incendia, fidas  
 Quicumque in promptu tam propè seruat aquas?

## XX. IVLII.

S. MARGARETA *V. & M. è suppliciis pulchrior  
 emergit.*

## I.

M Argaris à rutilis nomen sortita lapillis,  
 Nobile Martyrij fulget adepta decus.  
 Splendet inhumani plagis attrita Tyranni,  
 Vt nitet aurificis bacca polita manu.  
 Vilescunt aliæ, sunt quotquot in æquore, gemmæ,  
 Gemmarum æquiparet si quis vtrûmque decus.



Nam reliquas Ganges mittit, vel mittit Hydaspes,  
At micat in rubro sanguinis ista mari.

S. MARGARETA *Cacodamonem Draconis  
specie sibi insidiantem debellat.*

## II,

Margari, virginæ pellucida gemma coronæ,  
Fortis auernales perdomuisse minas;  
Nam pede profubigis Colubrū, stygiumq; Cerasten,  
Tartareæ rursū trudi in antra plagæ,  
Quis modò laruato fugiat perterritus Orco,  
Quem victum imbelli cernimus esse manu?

S. MARGARETA *stygium Draconem efficto  
Crucis signo fugat.*

## III,

Diua, tuam tentat vanâ sub imagine mentem  
Fallere terribili lubricus ore Draco.  
Sed Crucis opposito visus vanescere signo,  
Qui te tentabat ludere, lusus abit,  
Cur positâ fugit Orcus iners sub tartara larvâ?  
Nempe Crucem timuit, qui cruce dignus erat,  
S. MARGARETA *Orcum triumphat.*

## IV.

Debellat stygiū quæ Nympha minaciter Anguem,  
Exuperat veterum fortia facta Ducum.  
Nodosæ Alcides fileat miracula clauæ,  
Præualet Herculeis viribus ista manus,  
Cerberus Alcidae cessit, Dis ipse puellæ,  
Plus canis est dominum, quàm domuisse canem.

## XX. IVLII.

S. VILGEFORTIS V. *barba repente  
enascentis miraculo castitatem tuetur.*

## I.

Virgineo metuens formosa puella pudori,  
 (Nam nitet eximio pulcher in ore decor : )  
 Quotquot in empyreo Superos agnorat Olympo,  
 His rogat, aut paribus supplice voce sonis :  
 O Superi, quibus est curæ virtutis honestas,  
 Quosque pius tangit Virginitatis amor :  
 Vos precor, vt nostro species abscedat ab ore,  
 Quæ solet infestos sollicitare procos.  
 Non ego deformes vetulæ curis abnuo rugas,  
 Nec quæ gibboso tubere terga tument.  
 Nullum ego, Cælicolæ, quodcûmq; est, respuo mon-  
 Dùm meus egregio cedat ab ore nitor. (strum,  
 Audiuerè preces Superi, namque insita mēto  
 Hirsutis cœpit crescere barba pilis.  
 Spectantûm insolitus præcordia perculit horror,  
 Séque fugit comitem jungere virgo comes,  
 Abdicat & mater sobolem, soror ipsa sororem,  
 Nec proprio nota est hispida Nata patri.  
 At Virgo lætatur ouans, dùm turba procorum  
 Excidit, optatis non fruitura suis.  
 Namque viro vt propior facta est barbata Virago,  
 Cœpit ab impuro tutior esse viro.

## XXI. IVLII.

S. VICTOR M. *multarum palmarum Athletæ*

## I.

VICTOR, qui nomen factis ingentibus imples,  
 Quisque coronandum tollis ad astra caput :  
 Cinge triumphales lauru victrice capillos,  
 Sit nisi Victoris laurea ; cujus erit ?

S. VICTOR *iussus diuinos honores exhibere Ioui,*  
*eius statuam manu dirigit.*

## II.

Signa Iouis dextrâ audaci procul impulit Heros,  
 Nec timet extentâ quæ gerit arma manu.  
 Quin etiam flammæ, trucidis instrumenta furoris,  
 Quæque Iouis gestat fulmina, fregit auem.  
 Vincere terrigenæ quem non potuere Gigantes ,  
 Vnius vincit Militis vna manus.

S. VICTOR *statuam Iouis deiecit am pede proculcat,*  
*qui à tortore amputatur.*

## III.

Procidui simulacra Iouis pede proterit Heros,  
 Et victo exultat numine Victor ouans.  
 Nè tamen id facinus pulchrâ mercede careret,  
 Amputat intrepidum carnificina pedem,  
 Terrarum Dominum pressit qui vindice plantâ,  
 Sydera debuerant hoc pede sola premi.

*Ad S. VICTOREM Iouis statuam pede*  
*conculcantem.*

## IV.

Et brutos sonitus, & inania fulmina sperne ;  
 Qui tonat, en pedibus subditur ille tuis.

Pes tantum æthereis insistere debuit astris,  
 Qui fragilem pressit vindice calce Iouem.

## XXI. IVLII.

S. DANIEL *Propheta lasciuos Senes mendacij  
 conuincit,*

I.

Bis gemini, Susanna, Senes socialia jurant  
 Iura maritalis te violasse tori.  
 Præmatura tamen pueri solertia, vanos  
 Insimulare probat non nisi vana Senes.  
 Non solis, mihi crede, subest sapientia canis,  
 En Senibus geminis plus sapit iste Puer.

*De Senibus Susanna pudicitiam attentantibus.*

I.

Sæpè gerant canos licèt albo vertice crines,  
 Mente solent canâ non tamen esse Senes.  
 Nam quanquàm albescat niuium sub vellere vertex,  
 Condita sub niuibz flamma subindè latet.  
 Nullus ab insidiis tutum se speret Amoris,  
 Seu iuuenis, seu vir, siue sit ille senex.  
 Quamlibèt exsuccis vetus ætas areat annis,  
 Arida materies ocys igne calet.

## XXII. IVLII.

S. PLATO M. *in ignem innocuum conijcitur, ex  
 quo suauissimus odor afflatur.*

I.

ERrat amabiliter roseos vaga flamma per artûs,  
 Ludere, nec corpus lædere visa fuit.  
 Quin etiâ flammâ absumptus dùm creditur Heros,  
 Non nidor, sed in corpore mirus odor.

Effect

Effet odorato reputatus in aggere Phœnix,  
In cineres versus si prius igne foret.

*De suavi odore è corpore D. PLATONIS in  
medijs flammis diffuso.*

## II.

Cernite præteritis portenta incognita sæclis,  
Fragrat, & in medio non flagrat igne Pugil.

## XXII. IVLII.

S. MAGDALENA *Pœnitens. Stetit retrò secus  
pedes eius. Luc. 7.*

## I.

CVR tacito tua ponè subit vestigia motu,  
Nec stetit ante oculos Magdala, Christe, tuos?  
Quæ prius insidiis homines versuta fefellit,  
Nonne tibi insidias hâc quoque parte parat?  
Insidias tibi, Christe, parat, tibi retia tendit,  
Quæ prius est placitis tendere visa procis.  
Dùmque piè fallax te verticis implicat auro,  
Præda volens prædæ factus es ipse tuæ.

D. MAGDALENA *in conuiuio resipiscens.*

## II.

Vina inter, lautâsque dapes, vbi more recepto  
Desipiunt reliqui sæpius, ista sapit.

D. MAGDALENÆ & ABSALONIS  
*comparatio.*

## III.

Quàm benè Daudidis puerum pater Magdala reddit?  
Quàm benè Magdaliden exprimit ille puer!

C c

Concolor hic niueis, est concolor ista columbis,  
 Ille nitet roseis, & nitet ista genis,  
 Molliter aureolos alit alter & altera crines;  
 Degener ille patrem læserat, ista Deum.  
 Implicat effuso per eburnea colla capillo,  
 Arboris hic ramos, Numinis ista pedes.  
 At quanquàm sint ambo pares, tamen exitus illos,  
 Principiis paribus non finit esse pares.  
 Nimirum vnus mors perfida crine triumphat,  
 At sacer alterius crine triumphat amor.

*Ad D. MAGDALENAM.*

*Alluditur ad vulgarem Paremiam; Sine Cerere &  
 Baccho Venus friget.*

IV.

Et Bacchi & Cereris fuerat Cytheræa sodalis,  
 Esse sibi comites non tamen vsque finis.  
 Ecce epulis exclusa Venus procul acta recessit;  
 Ardet vbi reliquis, hinc tibi friget amor.

*De D. MAGDALENA in Galliam nauigante.*

V.

Vidit vt vndarum domitricem Gallia puppim,  
 Quâ super indomitæ Magdala fertur aquas;  
 Protinus emissam vitreis Nereida regnis,  
 Credidit immenso velificare freto.  
 Ecquis enim rate tam fragili, nisi Numen aquarum,  
 Temneret æquoreas, quas ciet vnda, minas?  
 Quin potius dicenda Dryas, nam more Dianæ  
 Incolit vmbriferum jam noua Nympha nemus.

D. MAGDALENA *saxo incubat.*

## V L.

Molliculis tibi nulla tumet modò culcitra pennis,  
 Sed saxo imponis semi-supina caput.  
 Vidit Amor, puerique parens id vidit Amoris,  
 Et duro vnanimis indoluere toro.  
 Si patiare, suas Ales tibi vellicet alas,  
 Cercial capiti commodet ille tuo.  
 Sed renuis, puerumque abigis, puerique parentem,  
 Nec tibi vis rigidum molliat ille torum!  
 Debuerant geminæ velli radicitus alæ,  
 Mollis vt exciperet penna recline la tus.  
 Quàm benè consultum miseris Mortalibus esset,  
 Postmodò deplumis si foret ille puer.

DD. PETRVS & MAGDALENA *lacrymantes  
in eâdem tabellâ depicti.*

## V I I.

Pectus inexpletis Petrus sibi fletibus vndat,  
 Pectus inexpletis Magdalis vndat aquis.  
 Tu quisquis spectator ades, qui flumina cernis  
 Currere fulcatis trita per ora genis:  
 Causas, inquis, habet cur sic lacrymetur vterque,  
 Tu quoque, tu verum si fatearis, habes.

## XXIII. I V L I I.

S. BRIGITTA V. *adhuc septennis à Deiparâ  
telam texere docetur.*

## I.

VIX tibi transférant septem, Brigitta, Decēbres,  
 Texitur indocili cum tibi tela manu.

C c ij

At visa est sociare tibi, Tyruncula, dextram,  
 Incumbens operi Virgo Magistra tuo.  
 Dúmque rudi depingis acu ver futilé florum,  
 Hos quoque subtili Virgo figurat acu,  
 Vicinæ accurrunt, texti nouitate, puellæ,  
 Se vinci à tenerâ Virgine fassa cohors.  
 Iure præit reliquas hâc nobilis arté puellas,  
 Quæ fuit à tali Pallade docta manus.

S, BRIGITTA *cibis amarulentis vescitur.*

## II,

Diua, tuo sit amara licet, sapit esca palato,  
 Nimirum hanc opifex nectare condit Amor,  
 At modò delicias Superum genialiter hauris,  
 Æthereos inter Virgo recepta choros.  
 Non meruit dulci Ambrosiâ super astra beari,  
 Quisquis amara suis non bibit ante labris.  
 Nec nisi quos nostris spinæ pupugère rubetis,  
 Carpere sydereas non meruère rosas.

## XXIV. IVLII.

S. CHRISTINA V. & M. *Christiana doctrina  
 rudimenta ab Angelo tutelari edocetur.*

## I.

**M**Ore alias solito matres docuère puellas,  
 Tu cœli Aligerum, quo docearis, habes.  
 Sperne nouem docuit quas priscus Apollo Sorores,  
 Te nouus, at veteri major Apollo docet.



S. CHRISTINA à parente turri includitur inter  
aurea deorum simulacra, quæ pauperibus  
elargitur.

## I.

Te, Christina, parens turri conclusit ahenâ,  
Hic ubi sunt fragiles, aurea signa, Ioues.  
Tu Iouis, & leuium frangis simulacra Deorum,  
Inque inopes spargis ditia frustra sinûs.  
Oppositum Danae, Virgo, fortiris honorem,  
Præda tua est factus Iuppiter, illa Iouis.

S. CHRISTINA ex igne & aqua  
incolumis euadit.

## III.

Et flammis Christina simul torquetur, & vndis,  
Pœna mares animos non satis vna probat.  
Nil saluæ tamen ambo nocent tormenta puellæ,  
Imò iuuant, quamuis tortor obesse velit.  
Purior è flammis, & purior exit ab vndis,  
Scilicet hanc ignis purgat, & vnda lauat.

D. CHRISTINA perstat in flammis illa sa-

## IV.

Per medias impunè salis, Christina, fauillas,  
Tuta per edomitos vt Salamandra focos.  
Indicibus dubium spectatur vt ignibus aurum,  
Hoc tua spectari debuit igne fides.

## XXV. IVLII.

S. IACOBVS *Apostolus dictus Boanerges, pro  
Christianis pugnare visus.*

## I.

CONspicitur medio cataphractus in aëre ductor,  
Qui dedit in trepidam barbara castra fugam.  
Tàm citò tàm validæ cur terga dedere phalanges?  
Nimirum tonitru filius ista patrat.

S. IACOBVS *ab Herode conscientia stimulis  
agitato occiditur.*

## II.

Occidat, Herodes clamat, nostro occidat ense.  
Dixerat, & iussâ morte Iacobus obit.  
Filius est Tonitru, jure hunc necat ense Tyrannus,  
Post Tonitru, Fulmen conscius ille pauet.

## XXV. IVLII.

S. APOLLINARIS *Episc. Rauennas M. silen-  
tium indixit Serapidis oraculo, vsum lingua  
Bonifacio viro Nobili restituit.*

## I.

Abnegat antiquas fortes referare Serapis,  
Exilio Præsul nî procûl actus eat.  
At qui perdiderat, vocis dein repperit vsum,  
Fudit vbi validas Præsul ad astra preces.  
E muto facundum hominem qui reddidit, idem  
Mutum è facundo reddidit ille deum.

S. APOLLINARIS *ignes illaesus calcat.*

## II.

Per medios sine fraude rogos exultat eundo,  
Cui clarus clarum nomen Apollo dedit.  
His graditur super astra viis, illustrius illo  
Ad Superos nemo carpere possit iter.

## XXV. IVLII.

S. CHRISTOPHORVS, *qui Christum sub Pueri  
specie trans flumen vexisse dicitur.*

## I.

Aspicias Heroem truncâ nixum arbore, cuius  
Vix tetigit summos fluminis vnda pedes:  
Sustinet hunc humeris, totum qui sustinet orbem,  
Quique suâ terras librat, & astra manu.  
Hunc ego pinxissem Christumq; orbemq; ferentē,  
Sed breuior tantum charta refugit onus.

*Ad D. CHRISTOPHORVM Atlante ipso  
validiorem.*

## II.

Subcollante humero Christum gestare volentem,  
Atque illum qui fert omnia, ferre potes.  
Diue, mihi posthâc Atlante videre major,  
Nempè poli Dominum subuehis, ille polum.

S. CHRISTOPHORVS CHRISTI *Baiulus.*

## III.

Transuehitur fluuium Pueri sub imagine Christus;  
Diue, sedens humeris sarcina grata tuis.  
Non oneri, sed erat potiùs tibi pondus honori,  
Non honor hic onerat te, sed honorat onus.

*Ad D. CHRISTOPHORVM suo onere  
securum.*

## IV.

Vade age, ne metuas tanto sub pondere fluctūs,  
Nempè vel in portu tutior esse nequis.  
Sarcina sæpe alios rapidas demersit in vndas,  
Fluctibus in mediis ista leuamen erit.

*Ad eundem.*

## V.

Vecturæ pretium non est quod inutile poscas,  
Grande tibi naulum Pusio paruus erat.

S. CHRISTOPHORVS capite minuitur.

## VI.

Colla dedit Martyr duræ refecanda securi,  
Dùm videt angustas ætheris esse foris:  
Tantus in ostiolum Capito subiturus olympi,  
Vertice deposito debuit esse minor.

## XXV. IVNII.

S. VALENTINA V. & M. deorum simulacra  
calcibus deiecit.

## I.

Numina sacrilegas populus veneratus ad aras,  
Incensis adolet thurea dona focis.  
Aversata nefas, ritusque exosa profanos,  
Diruis explosos vindice calce deos.  
Ludis, Virgo, operam, fractas faber eriget aras;  
Si velit, & Numen quælibet arbor erit.  
Gens hominum felix, quorum cariola refingit,  
Numina, fabrili mota dolabra manu!  
Credideram(& verum est) homines à Numine fingi;  
Fortunata suos Gens facit ista deos.

## XXVI. IVLII.

S. SYMPHORIANVS *M. simulacrum Martis  
suo aspectu liquefacit.*

## I.

**Q**uam tibi, nulli vnquam continget adorea ma-  
Quam tua, nullius laurea maior erit. (jor,  
Marte Duces alij retulere trophæa secundo;  
Tu Marte aduerso, Symphoriane, refers.

## XXVI. IVLII.

S. SIMEON C. *Padum pedes traiecit.*

## I.

Stabat arenosæ Simeon in margine ripæ,  
Dudum actâ cupiens vltiore frui:  
Nec pons vllus erat, nec quæ sine remigis vsu,  
Publica trajecto fune carina vehat.  
Ergo triumphæis audax se credidit vndis,  
Certus in incertas ire viator aquas.  
Mobilis Eridanus plantis se subdidit vltro,  
Ceruleæque gradam sustinuere viæ.  
Dû nque pias Vector premit immerfabilis vndas,  
Non tetigit summos spuma modesta pedes.  
Nulla premunt animum grauioris pondera noxæ,  
Cuius erat liquidis tam leue corpus aquis.

## XXVI. IVLII.

S. ANNA *magna Virginis Mater.*

## I.

De te alij quæcunque velint miracula narrent;  
Tu mihi Matris eris Virginis, Anna, Parens.  
**Q**ui tacet hoc vnum de te, tacet omnia; de te  
Id quicunque vnum dixerit, id sat erit.

MARIA ANNAE *Matris unica filia.*

II.

Vna est, sed numeri damnum Virguncula pensat,  
 Quæ fuit è sterili progenerata sinu.  
 Tantùm alias superat Iesseïa Nympha puellas,  
 Quantùm aliis præstat matribus Anna Parens.  
 Cur tamen hæc soboles longos differtur in annos?  
 Non erat exigui temporis illud opus.

XXVII. IVLII.

S. PANTALEON *M. Medicina arte præstitit,  
 deorum simulacra diruit.*

I.

Pantaleon vt erat Medicâ memorabilis arte,  
 Cultor & vnius Numinis acer erat;  
 Morborum fugat examen, febriûmque cohortes,  
 Et ruit intrepidâ faua, deosque manu.  
 Exitium superis & opem mortalibus affert,  
 Quique homines sanat, vulnerat ille deos.

S. PANTALEON *puerum à Vipera interceptum  
 vita reddidit, viperam morte affecit.*

II.

Dùm puer herbosis innoxius errat in aruis,  
 Ausa est indignum Vipera dira nefas:  
 Námque venenato fundens nigra toxica morsu,  
 Lethifero tenerum sauciat ote pedem.  
 Languescit puer emoriens, vt marcidâ languet,  
 Dùm rosa formosæ carpitur vngue manûs.  
 Pantaleon mortemque feræ, Pueroque salutem  
 Attulit: hic iussus viuere, & illa mori est.  
 Iustus utrîque dedit pretium, quo dignus utrîque  
 Et puer & pueri morte Colubra nocens.

Redditus est vitæ puer, est data vipera morti,  
Ille fuit vitâ dignus, & ista nece.

## XXVII. IVLII.

SEPTEM DORMIENTES FRATRES MM. *qui seuients  
in Christianos Decio, cùm intra specum  
se abdidissent, duo sæcula & ampliùs  
dormierunt, postea pro Christo  
necati sunt.*

## I.

Dulcius obscuro, Pugiles, dormistis in antro,  
Quàm vel in Attalico qui jacuere toro.  
Vos tandem Frater prædam dedit esse Sorori,  
Nam sopor est frater, morsque gemella soror.  
Antra prius dederant longum requiescere tempus,  
Non requiem vobis antra, sed astra dabunt.

## XXVIII. IVLII.

SS. NAZARIUS & CELSVS eius discipulus MM.

## I.

PRÆficitur tibi Nazarius, monitorque salutis,  
Celse, piâ mores instruit arte tuos.  
Æmulus insequeris morientis amabile fatum;  
Nam prior indignam pertulit ille necem.  
Quis nouus hic Doctor? reliqui, præcunte Magistro,  
Discipuli discunt viuere, at iste mori.

SS. NAZARIUS & CELSVS post tolerata  
aquarum supplicia, securi feriuntur.

## II.

Experti rabiemque maris, terræque furores;  
Quidquid & infani Cæsaris ira parit;  
Cc vj

Nazarius, Celsúsque pares moriuntur utrúq;  
Iste necis comitem se dedit, ille ducem.

His duro caput ense cadit, quibus vnda pepercit,  
Nimirum ferro mollior vnda fuit.

Par tamen est in utrúq; decus, nam Martyras ensis  
Monstrat, & expertes criminis vnda probat.

SS. NAZARIUS & CELSVS capite orbantur.

### III.

Morte pari cecidere duo, calybsque sub ictu  
Vnanimes sectum deposuere caput.

Causa latet, cur Nazario caput auferat ensis,  
Cur Celfo collum demetat, illa patet.

Celsus erat, valuásque humiles radiantis olympi  
Ut subeat, capitis debuit esse minor.

Non tamen utiliter caret alto verrice Martyr,  
Námque vel exciso vertice Celsus erit.

### XXIX. IVLII.

S. HOLAVS M. *Rex Noruegia, Ariolos & Incantatores, vel regno abigit, vel flammis punit.*

#### I.

EXigit Astrologos, gentem Rex fallere doctam,  
Aut merito pœnas cogit in igne pati.  
Vaniloquâ solitus fumos qui vendere linguâ,  
Et fumo plecti dignus, & igne fuit.

### XXIX. IVLII.

S. LVPVS *Trecensis Episcopus.*

#### I.

Tam benè sollicitus qui curat ouilia Pastor,  
Dicite, cur vobis dicitur ille Lupus?



## XXIX. IVLII.

S. MARTHA V. CHRISTI *hospita.*

## I.

Martha, Deus propriis cui factus in ædibus hospes,  
 Degere dum nostro visus in orbe fuit :  
 Ignibus extremis cum deflagrauerit orbis,  
 Hos tibi, vel nulli proferet ille sonos.  
 Esurienti escam, sitienti vina parabas,  
 Dumque domus egui tegmine, tecta dabas :  
 Tu mea, nè paribus meritis par gratia desit,  
 Hospes eris posthac, quæ prius hospes eras.

## XXX. IVLII.

SS. ABDON & SENNEN *M M. nobiles Persidis  
 Principes pro Christo vinculis onerantur.*

## I.

Vos prius Eois strinxere monilia gemmis,  
 Quos modò vincloꝝ pōdera dura grauant.  
 Est tamen hoc ferrum primo pretiosius auro,  
 Et manicæ radio splendidiore micant.  
 Sæpè trahit stygias auri graue pondus ad vndas,  
 At leue vos ferri pondus ad astra vehet.

SS. ABDON & SENNEN *prius auro, mox  
 ferro onusti.*

## • II.

Vos onerat ferrum, quos antè ornauerat aurum,  
 Aurum debuerant ferrea sæcla sequi.

## XXX. IVLII.

S. IGNATIVS DE LOIOLA C. Societatis Iesſe  
Fundator, in bello ſalubriter vulneratur.

## I.

**A**rmigeri graue Martis opus Loiola parabat,  
Castraque militiæ ſanguinolenta ſequi.  
At pius inquit Amor; Satis eſt, Mauortis agones  
Deſerat, & caſtris militet ille meis.  
Nec mora; vulgari prætentat arundine pectus  
Figere, quam pharetrâ traxerat ante ſuâ.  
Sed cor tam leuibus ſtat inexpugnabile telis,  
De tanto non eſt obuia palma viro.  
Ergo nouis molitus Amor cor vincere telis,  
Tormenta ingenti bellica mole parat:  
Ferreque indomitū dūm fulmina torquet in hoſtē,  
Crura ſalutifero contudit iſta globo.  
Procubuit, ceſſitque volens, & Amoris adorat  
Victoris poſito Numina magna genu.  
Nequicquā imprudens animi, Loiola, reſſas,  
Cedendum eſt volucer dūm mouet arma Deus.  
Nempè peritus amor, vel Marte, vel vitur arte,  
Marte capit, ſi quis non velit arte capi.

*Ad D. IGNATIVM ſaucium.*

## II.

Vulnera militibus tollunt accepta ſalutem;  
Tu contrā accepto vulnere ſoſpes abis.  
*Venetiis & aliis in locis Ignatiſ ſanctitas variis  
oſtentis prodiit.*

## III.

Schemate ſub vili tegeris, Loiola, tuūque  
Supprimis occulta nobilitate genus.

Vfque licèt lateas, cælo tamen indice prodīs,  
 Lux quanquàm in tenebris, non tamè vlla later.  
 Si taceant homines, tua te miracula prodent,  
 Nec plaga terrarum non erit vlla loquax.

S. I G N A T I V S *in mari tempestate iactatur.*

## I V.

Complexus gremio, votisque capacibus orbem;  
 Loiola, infensâ Nerea puppe secat.  
 Sed grauis insolitâ sub mole carina fatiscit,  
 Iâ nque procellasas cymba receptat aquas.  
 Ah! cessa trepidare miser, si mergitur Alnus,  
 Plura Deum, quàm te, Nauita, damna manent.

S. I G N A T I V S *Iuuenem ab impuro amore, nouâ  
 arte retrahit.*

## V.

Fortè cupidinei perculsus arundine totū  
 Ibat, quò turpis flamma trahebat, amans.  
 Pons erat euoluens glaciatas frigore lymphas,  
 Quà Procus, vt Veneri seruiat, ire solet.  
 At pius indignos damnans Ignatius ignes,  
 Hybernis collo se tenus abdit aquis:  
 Et Iuuenē aggreditur lymphis immersus amantē,  
 Ostencans medio pallidus ora lacu;  
 I miser, in Paphis totus cineresce fauillis,  
 Hoc ego dūm flammās frigore plecto tuas:  
 Obstupuit Iuuenis, gressumque repentē repressit,  
 Et propè frigidior, quàm foret vnda, fuit.  
 Cessit amor Veneris, sacra fax successit Amoris,  
 Et Iuuenile nouo pectus ab igne calet.  
 Quid agat sumptis Ignatius acer in armis!  
 Dūm fugat infamem Cyprida, nudus erat.

S. I G N A T I V S *Montis Oliueti culmen bis  
conscendit.*

## VI.

Eoas obiens Ignatius aduena terras,  
Cur bis oliuiferi culmina montis adit?  
Non vidisse semel satis est, sed rursus amatam,  
Et rursus felix hospes adorat humum.  
Impressit geminas signato in marmore plantas,  
Dùm volat è summo Christus ad astra iugo.  
Hæc totiès Loiola redux vestigia viſit,  
Nè pede tritam alio quæreret ille viam.

S. I G N A T I V S *Lutetia Parisiorum prima iacit  
Societatis I E S V fundamenta.*

## VII.

Hic vbi Sequanicæ lambunt Regalia lymphæ  
Mœnia, finitimis imperiosa locis;  
Gens Ignatiadum felicibus edita cunis,  
Cœpit in hoc nuper crescere nata solo.  
Nil poterat meliùs, tanti nam gignere Regni  
Debuerat talẽm Pallada talẽ caput.

S. I G N A T I V S *nocturno syderum aspectũ  
recreatur.*

## VIII.

Dùm nox cæruleo stellata superbit amiçtu,  
Crebraque sydereâ deuehit astra rogâ:  
Flammarumque minor populus, magniq; Planetæ,  
Percurrunt liquidi festa theatra poli:  
Quid totiès oculis spectas lacrymantibus axem?  
Quid pleno illecebrâs ætheris ore bibis?  
Exangues secreta coquit tibi flamma medullas,  
Vt rosa, quæ nimis solibus vsta riger.

Dùmque per affduos oculorum liqueris ìmbres,  
 Vix superant siccis pellis & ossa fibris.  
 Impatiens jàm lumen hebet; jam ferre recusat  
 Æthereum, pleno dùm micat axe, iubar.  
 Claude oculos astrorum oculis, ne forrè perennem  
 Noctem oculis pariat nox oculata tuis.

*In hac verba à D. I G N A T I O prolata;*  
 Quàm sordet tellus dùm cælum aspicio!

## IX.

Dùm rutilum lacrymis labentibus æthera spectas,  
 Purà tibi rident sydera, sordet humus.  
 Non miror, si sordet humus, si sydera rident,  
 Terra lutum lacrymis fit madefacta tuis.

I G N A T I V S D E L O I O L A ,

Anagramma;

I G N I S A D E O I L L A T V S .

## X.

Ignati(neque enim quenquam tua nomina fallunt)  
 Illatus nobis cælitùs ignis eras.  
 Ignis eras, reliquis sed purior ignibus ignis;  
 Nullus enim tali fumus ab igne venit.  
 Ignis eras, gelidis nam frigora mentibus arces,  
 Et flammis animis inferis, ignis eras.  
 Extinctus placidâ tandèm sub morte quiescis,  
 Inque leuem cinerem desinis, Ignis eras.

*Non vocatis ad se Sociis piè moritur.*

## XI.

Cur Loiola silens vinclis è corporis exit?  
 Dùm fugit effracto carcere, quisque silet.

*Ad D. I G N A T I V M puerperis propitium.*

## X I I.

Diue, laborantes partu miserate puellas,  
Dùm Lucina suam ferre recusat opem;  
Non pateris fœtûs vtero retinente morari;  
Æquius est multò ne patiare mori.

*Ad D. I G N A T I V M nocturnas Striges è Collegio  
Lauretano fugantem.*

## X I I I.

Diue, cohors Lemurum pauefactas territat ædes,  
Nec requies Sociis traditur vlla tuis;  
Percutis horrificum validi vi fulminis hostem,  
Laureto rectus quamlibet ille foret.

## X X X I. I V L I I.

*S. G E R M A N V S Altissiodorensis Episcopus, iniecto  
oleo maris tempestatem sedat.*

## I.

Neptunî rabies jacto placatur oliuo,  
Nec positis audet surgere pontus aquis.  
Quæ prius inuictis tantùm præfederat armis,  
Anamaris in fluctûs ius quoque Pallas habet?

*S. G E R M A N V S Rauennam petit nocte concubiâ;  
vitandi populorum concursûs causâ, qui  
tamen accensis facibus obuiam prodeunt.*

## I I.

Nequicquàm obscurâ vis tendere nocte Rauennâ,  
Dùm plausûs resonæ plebis, & ora fugis.  
Nam tor inextinctis rutilat funalibus aër,  
Luceat vt mediâ nocte serena dies.



# MENSIS. AVGVSTVS.

---

## PRIMA AVGVSTI.

*Festum S. PETRI ad vincula.  
Ad Herodem.*

### I.

**Q**uid vestes, validæq, iuuant munimina portæ?  
Quid centumgeminis ostia iuncta seris?  
Cui cœlos, erebûmque datur referare potestas,  
Carceris hunc dubitas pandere posse fores?  
*Erat PETRVS dormiens inter duos milites, vinctus  
duabus catenis. Act. 12.*

### II.

Liber in ostrinâ vigilat Iodice Tyrannus;  
Captivus dominâ dormit in arce Petrus.  
Postmodò somniferæ si vis dare membra quieti,  
Induat arcta tuos, Petre, catena pedes.  
Tu vigiles vt longa trahas per tædia noctes,  
Molliter attalicum sterne, Tyranne, torum.  
*Tibi dabo claves regni cœlorum. Matth. 16.*

### III.

Quem dedit esse sui Pastorem Christus ouilis,  
Compede nequicquàm, Tortor inepte, grauas.  
Cui data soluendi, cui sunt data jura ligandi,  
Nemo ligare Petrum, solvere nemo potest.

D. PETRVS è carcere liber.

## IV.

Exiit incolumis reſerato carcere Petrus ;  
A Domino claues ſumpſerat ante ſuo.

## I. AVGVSTI.

*Septem Fratres MACHABAEI MM.*

## I.

Occidit vnus ſoboles ſeptena parentis ;  
Quam peperit gladio, non ſibi, clara parens.  
Hos ſeptem Heroas, ſeptem velut æthra Planetas,  
Non impar, numero compare, terra colit.  
At minùs æthra ſuis fulget, quàm terra Planetis,  
Hæc ſiquidem fixos poſſidet, illa vagos.

## I. AVGVSTI.

SS. FIDES, SPES, CHARITAS VV. & MM.  
S. SOPHIAE filia.

## I.

Tres Sophia ex vtero peperit ſœcunda puellas,  
Hæc Spes, illa Fides, tertia dicta Charis.  
Si decuit Sophiam fieri de virgine matrem,  
Certè huius ſobolis debuit eſſe parens.  
*Tergeminus S. SOPHIAE partus.*

## II.

Tergeminæ Sophiâ naſcuntur matre Puellæ ;  
Virtutum terno nomine dicta trias.  
Si tot virtutes pariat, quot pignora, partu  
Soluere debuerat fertilior ſinus.  
Antè vtero triplicem peperit Sapientia prolem ;  
More Iouis, cerebro nunc parit illa ſuo.



## II. AVGVSTI.

S. STEPHANVS *Pontifex Maximus M. Nemesij  
Tribuni filiam à cecitate liberat, ac  
Lucillam vocat.*

## I.

**E**Rrat inops lucis, baculóque innixa regente,  
Cespitat in patriâ cæca puella domo.  
Sacrorum id Præses vidit, iussitque coruscantem  
Protinus expulsâ nocte redire diem.  
Lucillam te, Virgo, vocat jam luce receptâ,  
Nomina non poterant aprius vlla dari.

## II. AVGVSTI.

S. THEODOTE *Martyr cum duobus filiis item  
Martyribus.*

## I.

Hæc ego non terris peperî, sed pignora cælis,  
Dicebat geminâ prole beata parens.  
Præ, Pueri, vos ite mei, matrique rubentem  
Sternite, conscendat quâ super astra, viam.  
O ego fertilium fortunatissima matrum,  
Quas tulit, aut vnquam quas feret vlla dies;  
Antè ego quàm moriar, gemino si funere detur  
Fortiter in geminâ bis mihi prole mori!  
Dixit, & accensas subiens cum prole fauillas,  
Extremum medio clausit in igne diem.  
Thariades hæc matre minùs decerpit honoris,  
Ynum Thariades immolat, ista duos.

## III. AVGVSTI.

*Inuentio S. STEPHANI Proto-Martyris.*

## I.

**I**Am longo celata situ, meliore fategit  
 Componi tumulo Martyris ossa Deus.  
 Quorum animæ super astra æuo felice fruuntur,  
 Non brevis hos cineres vrna, sed ara decet.  
 Ergo pias Stephano sacrate fideliter aras,  
 Nè iaceat turpi puluerulentus humo.  
 Iam saxa, & lapides, moles quibus ardua surgat,  
 Verporum ignarâ contulit ira manu.  
 Nam quo subruitur tormenta per horrida Martyr,  
 Plurimus hic poterit condere templa lapis.

## III. AVGVSTI.

*S. PETRVS Episc. Agnaniensis Michaellem Imperatorem pronuntiato Maria nomine  
 à morbo liberat.*

## I.

Pharmaca, cùmque suis dimitte Machaonas herbis,  
 Ecce sacer Medicus, quo releueris, adest.  
 Ille suam tibi, Cæsar, opem reualefcere iussu,  
 Auxilium mirâ præstitit arte suum.  
 Sed quæ cura tulit, vel quæ panacea salutem?  
 Suppetias nomen dulce, Maria, dedit.  
 Discite, quàm validæ sint totâ in Virgine vires,  
 Si tantum in solo nomine robur inest.

## IV. AVGVSTI.

S. DOMINICVS C. Ordinis Prædicatorum Fundator, etiam ante ortum prodigiis clarus.

## I.

Clausus adhuc inerat genitricis in ilibus infas,  
 Fronte suâ stellam prætulit, ore facem.  
 Illicet ostentis ipso declarat ab ortu,  
 Vita quibus radiis nobilitanda foret.  
 At postquam accreuit, lustris labentibus, ætas,  
 Liberat impletam præuia fama fidem:  
 Nam Deus irato dum fulmen ab axe coruscat,  
 Ille repellendis ignibus Ægis erat:  
 Et quoties ruitura labat conterrita tellus,  
 Collapsurum humero pondus utroque tulit,  
 Quas reliqui attollunt caput in sublime Tiaras,  
 Suppositas pedibus proterit iste suis.  
 Allegit socios, totum quibus æqua per orbem  
 Christiadam latè iura, Fidémque serat.  
 Sed quid ego per multa vagor præconia rerum,  
 Ut celebris memorem grandia facta viri?  
 Tot laudum titulos versu cumulabis in vno,  
 Si referas, tanti Corporis esse Caput.

S. DOMINICI mater gravidâ visa est sibi per  
 somnum continere in aluo Catulum ore  
 facem præferentem.

## II.

Cum tua te genitrix gravidâ gestaret in aluo,  
 Flammiiferum visa est parturiisse canem.  
 Cresce, Puer, totumque replens latratibus orbem,  
 In stygios aude cominus ire lupos.  
 Exussit Trojam igne Paris, melioribus vrbes  
 Accendes studiis, tu modò cresce Puer.

Si qua fides Vati, quem visa est edere mater,  
 Caelestem Erigones credo fuisse canem.  
 Tu sol, corda hominum flammis caelestibus vrens,  
 In cane sol calidam semper adurit humum.

*Innocentius Pontifex Maximus D. DOMINICVM  
 subijcere humeros ruinam minitanti  
 Lateranensi adi vidit.*

## III.

Ille orbis clarum lumen, columenque labantis,  
 Cui Domini nomen nomina ferre dedit:  
 Dum fulcit Lateranam humeris vestantibus aedem,  
 Stellifero maior visus Atlante fuit,

*Damon à D. DOMINICO cereum ardentem  
 gestare iussus.*

## IV.

Ille gregis sacri custos atque Ordinis auspex,  
 Qui sibi de Domini nomine nomen habet,  
 Attentus, tacitas dum nox agit humida bigas,  
 Exarat appposito seria senfa libro.  
 Ecce tibi tubulo nigri delapsa camini  
 Adfuit è stygio ludicra larua lacu.  
 At postquam in varias monstrum versatile formas  
 Se retulit, tandem Cercopithecus erat.  
 Inque viri pluteum, cui vespertinus adhæret,  
 Inuolat audaci bellua mima pede.  
 Siste, inquit Scriptor pius, & vestigia firma,  
 Luminaque hirsuta cerea sume manu.  
 Paruit infelix Nebulo, mox iussus abire,  
 Præcipiti leuior se rapit indè Noto.  
 Dum tulit ardentem Phlegetontius histrio ceram,  
 Tunc certè, aut nunquam lucifer ille fuit.

## V. AVGVSTI.

*Dedicatio S. M A R I A E ad Nives , quo die Ioannes  
Patricius Virginem ex asse heredem fecit.*

## I.

**Q**uas rerum Natura parens seruauerat olim,  
Mutauit veteres jam nouus ordo vices.  
Antè parentis erat morientis filius hæres,  
At modò nati hæres cernitur esse parens.

*Intempestiua nives è cælo delapsa Templi ex ædifi-  
candi aream Ioanni Patricio demonstrant.*

## II.

Ardet & æstiferas vomit vsta Canicula flammæ,  
Sólque Cleonæi terga leonis adit :  
Nix tamen è tacito delapsa per aëra cælo,  
Æstiuam hyberno vellere texit humum.  
Scilicèt hæc habilis Templis, hæc commoda sedes,  
Quâ condenda piæ Virginis ara foret.  
Illa tuo instituet pariter sub pectore Templum,  
Si castas inibi viderit esse nives.

*Mira niuium , & æstatis concordia.*

## III.

Hic vbi conspicui moles patet ardua Templi,  
Horruerant rigidis culmina fenta rubis:  
Donec ab æthereis nix deflua sedibus, aprum  
Signauit sacris ædibus esse locum,  
Immodico passim quamuis semiusta calore,  
Torreret nimîa Sirius arua siti.  
Miraris calidos æstiuis solibus ignes,  
Cum niuibz stabilem consociasse fidem :  
Mireris potiùs sociatum Matris honorem ,  
Et niueum castæ Virginis esse decus.

Tom. II.

D d

S. OSVALDVS *Rex Anglorum, cuius manus,  
qua argenteum discum fregit ac in pauperes  
diuisit, à morte non extabit.*

## .II.

Cætus egens poscebat opem, tibi nummus egenti  
Quem tribuas, nullus fortè superstes erat.  
Scinditur in varias tibi lanx argentea partes,  
Inque inopes spargis ditia frustra sinûs.  
At postquàm tibi Parca breues scidit Atropos annos,  
Dextra diu nullam sensit adesa luem.  
Quæ tribuit partita inopi chrysendita turbæ,  
Integra post obitum debuit esse manus.

D. OSVALDI *munifica in egenos manus, longo  
post funus tempore integra perstitit.*

## II.

Accepto non rara manus corrumpitur auro,  
Incorrupta, aurum quòd daret, ista fuit.

## V. AVGVSTI.

S. AFRA M. *pro Christo flammis exusta.*

## I.

Ad sacra dùm Veneris te rursùm adducere tentat,  
His te compellat Caius, Afra, sonis:  
Elige Vulcani, vel Cypridis ignibus vri,  
Alterutro certa es, Nympha, calere rogo.  
Sic Prætor; sed Nympha sui studiosa pudoris,  
Intrepido tales rettulit ore sonos:  
Vrite Mulciberi, Veneris mihi parcite flammæ;  
Nam minùs Idalio Mulciber ignè nocet.  
Dixit, & attonitum simul Afra incurrit in ignem,  
Et simul attonito friget in igne Venus.

POETICVS.

55

Vreris, Afra, fuis nè te Venus ignibus vrat,  
Quis modus hic, flammæ, ne patiare, pati?

SS. AFRA & MAGDALENA *resipiscentes.*

II.

Afra Cupidineos, & Magdalis arsit amores,  
Hæc lacrymis flammæ expiat, illa rogis.  
Vtraque solerter, sed enim solertiùs ègit  
Magdala, dùm fufis mergitur ignis aquis.

VI. AVGVSTI.

TRANSFIGVRATIO DOMINI NOSTRI IESV CHRISTI.

*Resplenduit facies eius sicut sol, &  
vestimenta eius facta sunt alba  
sicut nix. Matth. 14.*

I.

MONSVBI sydereis Tabor est conterminus astris,  
Nubilaque aërius trans vaga surgit apex;  
Tres numero Proceres Christus sibi legit ab omni,  
Arcanæ socios quos iubet esse viæ.  
Illic frons radiis præcinctæ micantibus ardet,  
Et nouus insolito fulgor ab ore venit.  
Quâque indutus erat, primum mutata colorem,  
Æmula fit nitidæ penula tota niui.  
Sol micat in vultu, nix candida vestibus albet,  
Et neque sol niuibus tam præpe junctus obest.  
Quis, (nisi rem Vatum sacrata oracula firment)  
Contiguas soli crederet esse niues?

VI. AVGVSTI.

S. XI STRVS Pontifex Maximus M. cùm esset pro  
Christo moriturus, D. Laurentij operâ opes  
in egenos elargitur.

I.

Iam nece vicinâ, largum tibi funditur aurum,  
Vt releues turbæ pauperioris onus:

D d. ij

Iustorum pretiosa solent si funera dici,  
Conueniet morti dos magis illa tuæ,

## VI. AVGVSTI.

SS. IUSTVS & PASTOR *pueri & fratres gemini,  
spreto ludo literario, ad Martyrium  
conuolant.*

## I.

Expectate, rudes pueri, quò nobilis ardor,  
Quò vos incensi pectoris æstus agit?  
Expectate iterum, Christo plus sanguinis olim,  
Major cum fuerit victima, plaga dabit,  
Sed quid ego moror intrepidus? Ite, ite volentes,  
Quò vos afflatu cælite flamma rapit.  
Sæpè probans modico Numen sibi thure litari,  
Magnum animum magno corpore pluris habet,  
*Calum gemellis fratribus, tanquàm nouis syderibus  
audum.*

## II.

Bis gemini radiant prisca int er sydera fratres,  
Hic Pollucis agit, Castoris ille vices.  
Sorte tamen meliore, poli super alta feruntur,  
Quàm Lacedemoniæ frater uterque deæ.  
Tantum illi alternis cælóque, crebóque fruuntur;  
Hi simul æthereis sedibus ambo micant,

SS. IUSTVS & PASTOR *flosculi demessi,*

## III.

Vix benè literulas fratres didicere gemelli,  
Iàmque gerunt validis bella timenda viris,  
Ite leues calami, clamant, procul ite libelli,  
Pingenda est alio nostra liquore cutis.  
Collaque nudarunt gladio, crudique Tyranni  
Hos grauis impacto messuit ense furor.



Plus tamen è collo lactis quàm sanguinis iuit,  
 Plagaque non vulnus, sed magis vber erat.  
 Crescite bis-gemini, candentia lilia, flores,  
 Nì ruber inficeret lilia pura cruor.  
 Crescite, nec gelidæ metuatis frigora Brumæ,  
 Nam dein Elysi vos alet vber agri.  
 At tu Christiadam sitiens, Deciane, cruorem,  
 Quem rapit insanus crimen in omne furor :  
 I nunc bella viris inferre ferocibus aude,  
 Cum tua bullatus rideat arma puer.

## VII. AVGVSTI.

S. DONATVS *Aretinus Episc. rerum  
 mirabilium effector.*

## I.

Imbribus arua natant, siccis tu vestibis imbres  
 Excipis, & nullo prorsus ab imbre mades.  
 In partes diffractus abit, qui ritè litanti  
 Sacrifico fuerat commodus antè calix :  
 Frustra legis, partésque suis cum partibus aptas,  
 Sectilis in primum pars redit apta scyphum.  
 Exanimum sine luce jacet, sine voce cadauer,  
 Lux fuit imperio reddita, vóxque tuo.  
 Cùm tibi tot portenta operum miranda patrentur,  
 Nil mirabilius te tamen esse potest.

S. DONATVS *Parentis Martyris Martyr filius.*

## II.

Christe, litat geminum tibi victima bina cruorem,  
 Te puer & genitor sanguine teste colunt.  
 Nam Martyr soboles est Martyris ipsa parentis,  
 Est sobolis Martyr Martyris ipse parens.  
 D d iij

S. ALBERTVS C. *Carmelita suauissimum  
odorem è tumultu afflat.*

I.

Ambrosios spiras, Alberte, sepultus odores,  
Vt hos ex ipso caudice raptus olet.  
Scilicet halantem rapuit mors inuida florem,  
At manet erepto flore superstes odor.

*In obitu D. ALBERTI æ campanum spontaneum  
sonitum edidit.*

II.

De te homines quamvis fileant, nec fama loquatur,  
Sponte tuas laudes tinnula nola sonat.

# VIII. AVGVSTI.

SS. CYRIACVS, LARGVS & SMARAGDVS  
*MM. post præclaram necem, à Lucinâ Matronâ  
honorificè sepeliuntur.*

I.

CVM vos intulerit Pario Lucina sepulchro,  
Mors vobis obitus non erit, ortus erit.

*Aliud de eadem Lucinâ.*

I.

Quæ pueris Lucina aderat nascentibus olim,  
An peragit partes jam, Libitina, tuas?

## VIII. AVGVSTI.

S. MYRO *Episc. mirè in pauperes liberalis;*

## I.

Non tibi, sed miseris tua rura coluntur egenis,  
 His etenim locuples, sed tibi pauper eras.  
 Perge, Myro, totàmque exhauri funditus arcam,  
 Inque inopum fidas munera sparge manus.  
 Extra fortunam est, quidquid donatur egenis:  
 Has neque flamma rapit, nec latro tollit opes.  
 Debitor vsuram mendax tibi sæpè negabit,  
 Sæpe recusabit reddere semen ager.  
 Seruet inoffensas inopum tibi dextera gazas,  
 Fallere depositum non solet illa manus.

## IX. AVGVSTI.

SS. FIRMVS & RVSTICVS MM. *negatum  
à Tyranno victum à Superis accipiunt.*

## I.

(trum,

Clauserat Athletas geminos graue carceris an-  
 Quos premit & longus pædor, & arcta fames.  
 Qui ferat è superis analecta cibaria mensis,  
 Missus ab æthereâ sede Minister adest:  
 Cœlestesque epulas, nostróque ignota palato,  
 Attulit Angelicâ liba parata manu.  
 I nunc, claude fores, & inania claustra, Satelles,  
 Dùm pluat è patulo dapifilis esca polo.

DD. FIRMO & RVSTICO *Superi  
victum prouident.*

## II.

Quas negat Athletis feritas humana duobus,  
 Prompta recusatas prouidet æthra dapes.

Dd iij

Sæpè iuuando nocet tellus, prodèstque nocendo,  
 Plus modò, quàm victum si daret. illa dedit.  
 Ergò, nè noceas, geminis Heroibus escam  
 Sæpè nega, tellus, sydera sæpè dabunt.

---

## X. AVGVSTI.

S. LAURENTIVS *M. matrem habuit nomine  
 Patientiam.*

## I.

**D**ive, tibi vitam dederat Patientia mater,  
 Dùm tener in nostro nasceris orbe puer.  
 At cùm suppositos pateris tàm fortiter ignes,  
 Illà te genitum matre fuisse probas.

D. LAURENTIVS *craticula ferrea imposuit  
 lento igne torretur.*

## II.

Quis domitas durat rediuius Scæuola flammæ?  
 Quis nouus attonito regnat in igne Pugil?  
 Laurenti, laus illa tua est, quem ferrea crates  
 • Sustinet, & lento torret adusta foco.  
 Sed tamen egregiam cedit tibi Scæuola palmam,  
 Tu totum exuris corpus, at ille manum.  
 Quoque minor sola est, quàm totū dextera corpus,  
 Hoc tua, Laurenti, gloria maior erit.

---

## XI. AVGVSTI.

S. SUSANNA *M. cuius sanguinem velo capitis  
 excepit Serena Imperatrix.*

## I.

**C**V M gladio truncata caput Susanna, cruorem  
 Funderet, arcano plena Viragò Deo :

Cúrrit, & irriguæ liquefacta corallia plagæ,  
 Flammeolo excepit prompta Serena suo:  
 Tùm roseo regale caput velauit amictu,  
 Murice non poterat nobiliore tegi.

## XII. AVGVSTI.

S. SYMPHORIANVS M. *Iussus est hic adoles-*  
*dens Bercynthiam, magnam deorum matrem*  
*colore, sed eam constanter irrisit.*

## I.

Diuino Cybelen venerari iussus honore,  
 Hanc minimè, quamuis magna feratur, habes.  
 Erectas capitis tot in vno vertice cristas  
 Dùm rudis oppugnas, Symphoriane, puer;  
 Impia degenerum properanter turba deorum  
 Auxilio matri debuit esse suæ.

## XII. AVGVSTI.

S. CLARA V. *opposito sacra Eucharistia ferculo*  
*hostes Assisium obsidentes in fugam vertit.*

## I.

Velatum obijciens Cereris sub fragmine Numen,  
 Territat hostiles Clara, fugátque globos.  
 Terrificæ nemo mihi Palladis ægida jactet,  
 Armisonæ nemo bellica facta Deæ.  
 Clarior hâc posthâc mihi nulla Viragine Pallas,  
 Nulla mihi hoc clypeo fortior ægis erit.

S. CLARA *ferculum Eucharisticum radijs  
cinctum pra se fert.*

## II.

Ciuius à patriis cognomine Clara, vocaris,  
Nominis id genitrix, id dedit esse pater.  
Cum rutilum gestas ipso pro pectore Numen,  
Clara, tibi nomen conuenienter habes.

## XIII. AVGVSTI.

S. CASSIANVS *apud Brixenses Episc. & M. in  
exilium electus pueros erudit.*

## I.

**E**Ducat externos teneris in ouilibus agnos,  
Cum nequeat proprias pascere Pastor oues.

S. CASSIANVS  *suis discipulis traditur  
enecandus.*

## II.

Formabat teneros studijs puerilibus annos,  
Cassia cui clarum nomen origo dedit.  
Ad mortem rapitur trucibus permissus Ephebi s  
Nempe Magisterij triste minerval habet:  
Friuola quòd nollet venerari numina, nollet ●  
Perfida sacrilegis quòd dare thura focis.  
Qui sonus intentas vt ludicis impulit aures,  
Exemplò in rabiem versus & arma, furit.  
Tradite, ait, rudibus cruciandum, tradite turbis,  
Vt repetat pœnas, quas dedit ante, puer.  
Accelerat Pygmæa cohors, graphiùmque stylùmq;  
Apraque hgendis exerit arma notis.

Pars capiti illidunt tabulas, pars vulnera punctim,  
 Pars casum verso crebra dedêre stylo.  
 Non aliter furit agmen apum, dùm cominùs hostê  
 Impetit, & tenui vulnera figit acu.  
 Heu! Senior fert mille neces, fert vulnera mille,  
 Mille per imbelles mors venit vna manûs.  
 Námque trucidando Pumilorum turba Magistro,  
 Hoc nocet illa magis, quo minus illa nocet.  
 Crudelis Pietas! Tandem miseresce necando,  
 Nec longâ, si vis parcere, parce morâ.

## XIII. AVGVSTI.

S. HYPPOLITVS M. à quatuor equis  
*membratim discerpitur.*

I.

Hyppolite, admissis lacer in diuersa quadrigis,  
 Supplicio debes nomina rite tuo.  
 Næ mentis solertis eras! qui celsa, quaternis,  
 Vt citiùs peteres sydera, curris equis.

## XIV. AVGVSTI.

BEATVS STANISLAVS KOSKA Societatis  
 IESV, dùm morbo laboraret, à Christo, Christi-  
*que Matre visitur, & sanatur.*

I.

DVM dubius teneræ jacet æger Sarmata vitæ,  
 Ferre requisitam terra recusat opem:  
 Aduenêre suis, tellus vbi desit, ab astris,  
 Cum Puero Genitrix, cum Genitrice Puer.  
 Illa vtero Genitrix peperit quæ virgine Prolem,  
 Et Proles vteri virginis ille Puer.  
 Nec mora, nescio quò procùl agro corpore morbus,  
 Et Matre, & visâ Prole fugatus abit.

Dd vj

Rursus ut hi Medici redeant, puro, Koska, precaris  
Sæpius ut redeat corporis ille dolor.

HELIAS à coruo in solitudine pascitur, STANISLAVS  
ab Angelis sacro epulo reficitur.

## I I.

Per memorum deserta fugit, per inhospita Vates  
Ifacius pauido cursitat erro gradu.  
Nimirum timet ille necem, quam fœmina Princeps  
Instruit armatis insidiosa dolis.  
Vix tandem effugijs seclusus ab omnibus, exul  
Antra cauernosæ rupis adesa subit.  
Hic Superum moniti, Seniori coruus alumno  
Triticæam gerulo detulit ore penum.  
At modò syderei pennæ candentis olores,  
Apposuerunt sacras, Stanesilæ, dapes;  
Diuinumque tibi paterâ gemmante cruorem,  
Porrigit aligerâ candida turba manu.  
Tu tantò meliora refers, quò vilior ales,  
Qui sua Thesbitæ fercula ferret, erat.

B. STANISLAVS ager ab Angelis sacrum Epulum,  
à Deiparâ Christum Puerum accipit.

## I I I.

Numen edule tibi superis dat Ephebus ab astris,  
Stringendum amplexu dat quoque Virgo tuo.  
Tradere nil Genitrix majus, nil possit Ephebus,  
Nam Genitrix Natum tradit, Ephebus Herum,

B. STANISLAVS duos inter Angelos depictus.

## IV.

Si tibi quis geminas humeris accommodet alas,  
Aut habitus Superis donet habere pares;



Aligeróſque inter medius ſtátuaris Ephebos,  
Te ſocium meritò juret utrúque ſuum.

*Ad Pictorem.*

V.

Cernis vt æthereos ſtet candidus inter olores,  
Par habitu, formâ, moribus, ore Puer.  
Tu ſimul ac geminas humeris implumibus alas  
Addideris, Pictor, tertius Ales erit.

XV. AVGVSTI.

*Aſſumptio Beatae MARIAE Virginis.*

I.

Iam meritos Reginâ potens conſcenderat axes,  
Iámque ſui nullâ parte ſuperſtes erat.  
Nobilis inter humum lis ſurgit, & inter olympum,  
Illa ſibi corpus vendicat, iſte ſibi.  
Terra ſacras petit exuias, & inania pandit  
Mauſolea, quibus Virginis oſſa legat.  
Ætherei renuêre Chori, pompâque frequenti,  
Quò mentem intulerant, corpus in aſtra ferunt.  
Aſtra ſuper remane, remane ſuper æthera, Virgo,  
Terra tibi tumultum non habet iſta parem.  
Quàm tibi pollutas inhumandæ ponimus aras,  
Tangere quæ cineres non meruêre tuos!  
Debueras toto tumulari condita cœlo,  
Vrna, niſi cœlum, par tibi nulla fuit.

*Ad Apoſtolos.*

II.

Biſſeni Proceres, ſacri gens lecta Senatûs,  
Quos grauis ereptâ Virgine mœror habet;

Mittite funereos tumuli Marialis honores,  
 Nam polus has partes officiosus ager.  
 Ex quo terra suo primùm prodiuit ab ortu,  
 Par nullum in terris vidimus esse decus.  
 Sunt Superi comites ; Christus deductor ouantis ;  
 Vrba polus ; nubes currus, & astra faces.  
 Quæ tanto instruitur rerum diuersa paratu,  
 Non erat hæc tumuli pompa, triumphus erat.

*De VIRGINE in cælum assumptâ.*

### III.

Virgo leues Zephiris inuecta curulibus auras,  
 Quò suus anteuolat Filius, astra petit.  
 Ergo dies sine sole, & erunt sine sydere noctes,  
 Si neque Sol terris, si neque Luna manet.  
 Nec Lunæ, nec Solis erat locus infima tellus,  
 Iure micant supero Lunaque Solque polo.

### XV. AVGVSTI.

S. ARNVLPHVS Episc. *Augustodunensis dùm  
 solitudinem peteret, à lupo itineris duce,  
 iterùm in urbem ductus est.*

#### I.

In nemus ingreditur, cæcùmque Arnulphus in antrū,  
 Vt sibi, non gregibus viueret ille suis.  
 Se lupo adjunxit comitèmq; ducèmq; viarum,  
 Sylua tiuces inter quas alit illa feras.  
 Hoc duce desertam Præsul petit inscius urbem,  
 Séque illuc subitò, venerat vndè, videt.  
 Quàm gregis illius felix, quàm prospera fors est !  
 Pastorem amissum reddidit ecce lupo.

## XVI. AVGVSTI.

**D. ROCHVS** *Alexicacus & pestilentia domitor,  
Hæreseos luempeius peste virus, Monspelio  
Patriâ sua exturbat.*

## I.

Diue, salutari tellus quem sospita dextrâ,  
Pestiferam sensit sæpe fugare luem;  
Monspelio si longa salus, si purior aër,  
Pustula si nullo tabida pure fluit:  
Viuida si nitidis dudùm stat gratia membris,  
Hæc patrio præstas comoda, Roche, solo.  
Altera pugna tibi, tibi restat & alteta laurus;  
Deterior multò est exsuperanda lues.  
Hæresis hanc fœto furialiter euocat antro,  
Hâc procul è templis cessit auita Fides.  
Exige de patrijs monstrum illætabile terris  
Diraque victrici concidat Hydra manu.  
Sic tibi, Roche, pios diuorum instauret honores,  
Terra ortu multùm facta beata tuo.  
Sic tua Mygdonio radiantia marmore templa,  
Creber adorator thuris honore colat:  
Et titulos addat plaudens tibi fama perennes,  
Pellere queis geminam te probet vrbe luem.  
Maximus & pestis, noscaris & Hæresis ultor,  
Et statuas forti bina trophæa manu.

**D. ROCHO** *peste & fame laboranti Angelus &  
Canis appinguntur.*

## II.

Roche tuos grassata lues depascitur artûs,  
Et jeiuna vorax lancinat exta fames:  
Ecce tibi rutilis Medicus volat Ales ab astris,  
Ecce, ferat Cereris qui tibi dona, canis.

Ille luem fugat, iste famem, cùm prosit utrque,  
Dic mihi, dic cujus gratia major erat.

*A D. ROCHO pestem fugat Angelus, famem  
canis.*

## III.

A patriâ profugus, dum peste famêque laboras,  
Est cane pulsa fames, Cælite pulsa lues.  
Quæ te cunque premat mala fors, abiste moueri,  
Inuigilant vitæ terra, polûsque tuæ.

*Ad DIYVM ROCHVM Alexicacum.*

## IV.

Iure trucem vexas, qui te vexauerat, hostem,  
Dùm procul è nostro pellitur orbe lues.  
Te semel afflarat nigro virofa veneno,  
Sæpius hanc nostro tu tamen orbe fugas.

## XVI. AVGVSTI.

S. HYACINTHVS C. Ordinis Prædicatorum,  
*fluvium Vandalum pedes traiecit.*

## I.

Diue, tibi Arctoæ fluuius rapidissimus oræ,  
Traiecitur famulis sub pede pressus aquis.  
At quanquàm sine naui celer, sine remige curras,  
Gutta tuos tetigit non tamen vlla pedes:  
Nè grato qui pulcher eras Hyacinthus odore,  
Narcissus rapido merfus in amne fores.

*Ad D. HYACINTHV M corpus piè  
macerantem.*

## II.

Fabula purpureum finxit de sanguine florem,  
Qui querulas folio fert lacrymante notas.

Tu magis ipse tuo rubicundus sanguine flores,  
 Sarmaticæ columen grande, decusque plagæ.  
 In terris Hyacinthus eras, jam tempore nullo  
 Marcidus, in cœlis flos Amaranthus eris.

---

## XVII. AVGVSTI.

S. MAMAS *parentibus pro Christo captivus natus;*  
*ipse post varia supplicia puer*  
*Martyr occubuit.*

## I.

IN lucem, aut tenebras potiùs, dùm prodiit, infans.  
 Materno egressum carcere carcer habet :  
 Sortitusque suas media inter vincula cunas,  
 Martyre lac Matris Martyris orè bibit.  
 Martyr erat moriens, oriens in carcere Martyr,  
 Et medio vitæ tempore Martyr erat.  
 Nam postquàm puer accrescens tria lustra peregit,  
 In puero fortem se probat esse virum.  
 Verbere Spartanus, Romanus & igne probatur,  
 Verberibus jussus, jussus & igne premi.  
 Diue, rudimentum ponis sub utròque parente,  
 Nè rudis ad Fidei prælia Tyro fores.  
 Pro Christo sobolem reliqui docuere parentes  
 Viuere, pro Christo te docuere mori.

S. MAMAS *varijs supplicijs impunè obiectus*  
*demum tridente confoditur.*

## II.

Quem neque Vulcanus læsit, neque Nereus hausit,  
 Quem neque terribiles impetièrè feræ;  
 Mammantis trisido ter confodis ilia ferro,  
 Mille feris dignus, mille, Tyranne, rogis.

Vt positâ feritate feræ mitescere discunt,  
 Sic pietate homines deficiente furunt.  
 O furor! ô pietas priscis incognita sæclis!  
 Ipsa humana fera est, ipse ferinus homo.

## XVIII. AVGVSTI.

S. AGAPITVS *M. cui suffocando ignis  
 subijcitur.*

## I.

ET flammæ jam Martyr erat perpeffus, & vndas,  
 Et quicquid grauido parturit ira sinu.  
 Pendenti extremos subdis, gens effera, fumos,  
 Sic tuus in fumos impetus omnis abit.

S. AGAPITVS *ignitas supra caput prunas pro  
 Religione pertulit.*

## II.

Quos sua jam meritò virtus transcripsit olympo,  
 Pingitur his circum tempora bina iubar.  
 Indigetes inter nondùm numeratus haberi,  
 Clara tibi rutilo frons tamen igne micat.

## XIX. AVGVSTI.

S. LVDOVICVS *Caroli Regis Sicilia filius,  
 primùm D. FRANCISCI discipulus,  
 mox Episcopus Tolosanus.*

## I.

Pertæsus Lodoicus opes, pertæsus honores,  
 Et blando illecebras quas parit Aula sinu:  
 Ite procùl Trabeæ, dixit, procùl ite, Coronæ,  
 I procùl ex oculis, regia pompa, meis.  
 Purpura sola placet nostro rubefacta, cruore,  
 Sola placet rigidis texta corona rubis.

S. LVDOVICVS, *sui magis quàm suorum  
dominus.*

## II.

Natus ad imperium Lodoix, tamen vsquè putauit  
Regna sui regnis nobiliora suis.

## XX. AVGVSTI.

S. BERNARDVS C. *adhuc adolescens ex impura  
muliercula manibus aufugit.*

## I.

**I** Sacides prensantis heræ spem Verna fecellit,  
Bernardus cupidæ spem quoque fallit heræ.  
Non dubitata fugæ monimenta reliquit vtérque,  
Dùm turpem excuterent pellicis ambo manum.  
At minus est quod Verna fugit, tu, Diue, relinquis  
Omnia, cum solam deferat illè togam.

D. BERNARDVS *ad religiosa vite septa  
multos adducit.*

## II.

Et Patrem, & Patrum suades, Bernarde, tuæque  
Germanos comites quattuor esse viæ:  
Téque Sodalitij pubes numerosa coronat,  
Dùm sequeris quò te Numinis aura vocat.  
Exoras quodcùnque piis sermonibus oras,  
Quisque aures dederit, dat tibi, Diue, manûs.

D. BERNARDVS *Claram vallem incolit, cui  
Abbas præficitur.*

## III.

Plurima quam Fagus, quam plurima Quercus inum-  
Te tamen in Clarâ degere Valle ferunt, (brat

Quam luce ingenij, scriptis, virtutibus ornas,  
Insigniri illo nomine digna fuit.

D. BERNARDVS *Querceta inter diuinis  
Commentationibus vacat.*

## IV.

Glandiferas inter, frondosa cacumina, Quercus,  
Hic vbi mellitæ sæpè vagantur apes;  
Diuinis, Bernarde, vacas intentus, & hauris  
Ambrosias cœli mille fluentis opes.  
Hinc liquidi fauus eloquij tibi gutture manat,  
Hinc tua nectarco pagina melle mader.

D. BERNARDVS *lac à Deiparâ Virgine impetrat.*

## V.

Virgineas supplex, Bernarde, precaris ad aras,  
Ut Matrem exhibeat se tibi Virgo tuam:  
Lac dedit ut fugâs, nullum, mihi crede, parentis  
Certius indicium quod dare possit, habet.

D. BERNARDVS *Christi gemellus.*

## VI.

Sydereæ Bernardus erat genitricis amores,  
Cujus ab vberibus dulce pependit onus:  
Quis fratrè hunc Christi non dixerit esse gemellū,  
Cum simul vnum ambos Virginis vber alat?

D. BERNARDVS *Christi collactaneus.*

## VII.

E geminis quæ lacte tument candente papillis,  
Dat Nato alterutrâ non nisi Virgo frui.  
Debetur, Bernarde, tuis mamma altera labris,  
Debetur labris altera, Christe, tuis.



D. BERNARDVS à Virgine Deiparâ laſſatus.

## VIII.

Ætheream, Bernarde, rogas prece ſupplice Matrem  
 Cernuus, vt matrem ſe probet eſſe tuam.  
 Audiit, & facilis ſua promens vbera Mater,  
 Hæc, ait, oratæ ſigna Parentis habe.  
 Dixit, & altricem manus exprimit alma mamillam,  
 Ambroſiâque vibrat preſſa mamilla niuem:  
 Et liquido pluuium corrente per aëra gyro,  
 Obuia deliciis irrigat ora ſuis.  
 Ille dati pretioſa timens diſpendia roris,  
 Perbibit, & toto neſtare potus, ait :  
 In primis vagire iterum puer ambio cunis,  
 Eſt ea ſi cunis mamma futura meis.

*De mellita D. BERNARDI eloquentia.*

## IX.

Dulcia cùm fluido tibi melle volumina manent,  
 Eque tuis ſtillent mellea ſenſa labris :  
 Non lac, vt pueri, quibus eſt lactare voluptas;  
 Sed, reor, è mammâ virgine mella trahis.

D. BERNARDVS auribus mel propinat.

## X.

Ore priùs, non aure bibi, Bernarde, ſolebat,  
 At mel non bibitur ore, ſed aure tuum;

*De tabella in quâ VIRGO MATER ac D. BERNARDVS  
 erant depiſti.*

## IX.

Et Virgo, & tabulâ Chriſti collaſteus vnâ,  
 Spirat Apellâ piſtus vtérque manu.

Natus in ore fauum, lac.mater in vbere gestat ;  
 Melleus est natus, lactea tota parens.  
 Ambrosio quæ lacte fluit, quæ melle madescit,  
 Dulcior in terris esse tabella nequit.

## XXI. AVGVSTI.

S. BASSA *impiissimi Mariti piissima Coniux.*

I.

N Vbit inhumano mitissima Bassa Marito,  
 Et patitur tantum pronuba Iuno nefas !  
 Accipitri timidæ jungi potuere Columbæ,  
 Cum facilis socio juncta sit agna lupo.

## XXI. AVGVSTI.

S. AGAPIVS M. S. BASSAE *filius virgis  
 caditur.*

I.

Cur flagris puerum lacerat, nudisque cruentam  
 Cur trahit ex humeris carnificina cutem ?  
 Comprobat esse animos puerilis poena viriles,  
 Nec puerum monstrat virga, sed esse virum.

## XXII. AVGVSTI.

S. SYMPHORIANVS M. *ad Martyrium à  
 matre incenditur.*

I.

A D loca supplicij postquàm te vidit euntem  
 Intrepido mater, Symphoriane, gradu :  
 Clamat, Io, rutili capitolia suspice cœli,  
 Quò tua te virtus, Nate, Fidésque vocant.  
 Non prior eripitur quam ducis ab aëre vitam,  
 Altera sed melior vita priore datur.  
 Iam meritos tibi clara jugat victoria currûs,  
 Iamque trophæa tuo victor ab hoste feres.

En tibi laurigeras præferri cerne secures,  
 Moxque aderit iusto missa corona polo.  
 Nobilis ad tantos ne purpura desit honores,  
 Purpura erit fusus, quem dabis ipse, cruor.

## XXIII. AVGVSTI.

S. SIDONIUS APOLLINARIS *Aruernorum*  
*Episc. & Vates eximius, Parnassum expiat.*

## I.

QVÆ prius incestæ fuerant, te Vate, Sorores  
 Castaliæ Paphios dediticere modos :  
 Inque locum Veneris, cessit pulcherrima virtus;  
 Quique profanus erat, castus Apollo fuit.

S. SIDONIUS APOLLINARIS *per litteras*  
 S. LVPO *Episcopo Trecensi suum ouile*  
*commendat.*

## II.

Aruerni Antistes populi, cui sacra verendum  
 Texit honorifico regmine, Mitra caput :  
 Tutaturus oues, (vix postera sæcula credent)  
 Custodem teneri vult gregis esse Lupum.

*De illius Nomine.*

## III.

Nomen Apollineum tibi contulit augur Apollo,  
 Cum dare Apollineum vellet Apollo decus :  
 Namque ut verticibus Pindus petit astra gemellis,  
 Iam gemino præerit binus Apollo jugo.  
 Castalidum tu Præses eris rectorque Sororum,  
 Dum remanet veterum Præses Apollo vetus.

## IV.

Cœtus egens te pascit opem; tu, Præsul, egenti  
 Munificas dextrâ diuite spargis opes.  
 Pascit opem, tu spargis opes: nam tradis & auri,  
 Quicquid & argenti, quicquid & æris habes.  
 Cessit in hos vsûs etiam distracta supellex,  
 Teque velis ipsum vendere, si quis emat.  
 Qui dederit gabatos, cýathos, chrysendeta; lances;  
 Quis putet impositos hunc dare nolle cibos?

---

## XXIV. AVGVSTI.

S. BARTHOLOMÆVS *Apostolus pelle exuitur.*  
*Ad Tyrannum.*

## I.

M Artyris exuiis circumdate, crude Lycaon,  
 Iura volunt spoliis vt potiare tuis;  
 Sic olim Alcides clauâ victrice ferarum  
 Edomiti rectus pelle leonis ouat.  
 Hoc spolium si fortè tuos super addis amictûs,  
 Vestiat horrendum pellis ouina lupum.

De DD. BARTHOLOMÆO & MARTINO;  
*Ad Christum.*

## II.

Martino tibi plura tuus longè Affecla tradit;  
 Ille sibi vestem detrahit, iste cutem.  
 Non deerit, qui, Christe, suam tibi ponat obollam:  
 Qui velit & vestem ponere, rarus erit.

## XXIV. AVGVSTI.

S. AVDOENVVS *Rothomagensis Episcopus à raris  
diuino Officio obstrepentibus silentium  
impetrat.*

Solemnes Hierarcha preces & Cantica fundit,  
Alternisque sonant concaua Tempia Choris;  
Seu Matutinas persoluant carmina laudes,  
Seu cantata pium Vespera claudat opus.  
Interea sacris raurum resonabilis Hymnis.  
Obstrepat, & querula rana coxat aqua,  
Non tulit Antistes streperæ conuicia linguæ,  
Et tacitas iussit stare paludis aquas.  
Continuo dociles tenere silentia ranæ,  
Inque paludoso delirare lacu.  
Plura nequit de te gens garrula dicere, Præsul,  
Dumque silet, laudes concinit illa tuas.

## XXV. AVGVSTI.

S. LVDOVICVS *Galliarum Rex ab Aula  
illecebris purus perstitit.*

## I.

Intactus mediâ vixit Lodoicus in aulâ;  
Vixit ut in medio lucida concha mari.  
Arcano sua dona sinu possedit uterque;  
Pocula syderei roris uterque bibit.  
Spurca sit Aulâ licet, falsæ licet æquoris vndæ  
Nil trahit hic labis, nil trahit illa salis.

*Singulis diebus Veneris flagello se cadit.*

## II.

Sæuit in innocuos Lodoix vibicibus artûs,  
 Illâ quæ Veneris nomine dicta dies :  
 Quâ licet, his Venerem longè fugat ille flagellis,  
 Proscriptâque locis omnibus acer agit,  
 Sæpè sibi solidos quæ turpiter arrogat annos,  
 O vtinam Veneris non foret vlla dies !

*Blasphemis frontem candenti ferro aduri  
 iubet.*

## III.

Blasphemo Superos si quis violauerit ore,  
 Sacraque sacrilegâ Numina voce vocet :  
 Indecori frontem effrontem Rex stigmatè signat,  
 Oraque probrosâ sculpit inusta notâ.  
 Criminibus genus id prænxæ conforme repertum :  
 Nimirum hâc aliis redditus arte pudor.  
 Nam post insignem candenti grammate frontem,  
 Qui queat effrontes dicere, nullus erit.

*Blasphemi stigmatia.*

## IV.

Quæ noua scribendi ratio ? liber area frontis,  
 Carbo stylus, voces stigmata, charta cutis.  
*Diebus Sabbati mendicabulorum pedes abluit.*

## I

## V.

n clyta liligeri Lodoicus gloria sceptri,  
 Mendicos tepido proluit amne pedes.  
 Stratus humi, lino accinctus sola putria tergit,  
 Illâ, quâ tenuit Regia sceptrâ manu.  
 Sordibus, & multo quanquàm foret oblita cœno,  
 Visa fuit nunquàm clarior vlla manus.

*In sacra expeditione peste moritur.*

## VI.

O Regum, Lodoice, decus, qui cuncta recentum,  
 Et veterum exuperas fortia facta Ducum:  
 Eois dum sæua lues grassatur in oris,  
 Occidis externâ nobilis exul humo.  
 At decora ingentis longè maiora triumphi,  
 Quàm sibi vitâ alij, tu tibi morte paris.

## XXV. AVGVSTI.

S. GENESIVS *Scriba, ad cuius adem dùm  
 tendit turba, in flumen cecidit incolumis-  
 que enauit.*

## I.

Diue, tuam numerosa cohors quæ tendit ad ædem,  
 In rapidas Rhodani fertur euntis aquas:  
 Iamque ruinosi pontis dùm machina cœtum  
 Sustinet, illa cadit pondere victa suo.  
 At Genesi auxilio non cassa in vota vocati,  
 Igitur domitis sospita turba vadis.  
 Tu quoque supplicibus Diui pete Numina votis,  
 Qui fuerat quondam Scriba, Patronus erit.

## XXV. AVGVSTI.

S. GENESIVS *Mimus per iocum baptizatus ex  
 Ethnico fit Christianus, è Christiano Martyr.*

## I.

Dùm sacra ridiculis simulo mysteria sannis,  
 Lux animo fulsit desuper orta meo:  
 Ergo ego deposito sumptæ simulamine larvæ,  
 Mando procùl fictos serius ire jocos.  
 Aspersæ capiti lymphæ (quis crederet vnquam?  
 Pectoribus flammæ ingenuero meis.

E c ij

Sat ludo scænaeque datum, modò crimina vitæ  
 Dextra salutiferis ritè piauit aquis.  
 Si quid adhuc maculæ superest, quod lustrica nondū  
 Ex animo penitens terferit vnda meo;  
 Cæsus adoratas dum concido Martyr ad aras,  
 Expiat id fusus, me moriente, cruor.

## XXVI. AVGVSTI.

SS. IRENAEVS & ABUNDANTIUS MM.  
*in cloacam immersi moriuntur.*

## I.

Sordibus immerfus spurcis sortitur vterque  
 Martyr in immundo funera pulchra fimo.  
 Tortores grauis error habet, nam lipsana Diuūm,  
 Quocūque occultes, sunt pretiosa, loco,  
 Sic nihil amittit pretij, nil gemma valoris,  
 Hanc licet indueris sordidiore manu,  
 Nec minùs est lucè Titan formosus in vluā,  
 Quàm cum cæruleis aureus exit aquis.  
 Corporis illuies te non excludit olympo,  
 Sit facies animi dummodò pura tui.

## XXVII. AVGVSTI.

SS. AVRELIVS & NATALIA Coniuges  
 MM. *susceptâ geminâ sobole, mutuo consensu  
 Castitati, non liberis vacant.*

## I.

**S**Uulerat geminam Conjux è Coniuge prolem,  
 Vtraque sæcundo quæ fuit orta sinu;  
 Iam satis indultum soboli; nec tertia nostros  
 Progenies oneret, dixit vterque, toros.



Assensere sibi faciles, fraterque maritus  
 Protinus efficitur, fitque marita soror.  
 Sed castum ad thalamum cæli accurrere Quirites,  
 Cùm Prole accurrit Virgine Virgo Parens.  
 Qui cupis hanc sobolè, thalamū tibi sterne pudicū,  
 Nimirum in casto nascitur illa toro.

## XXVII. AVGVSTI.

S. CAESARIVS *Arelatensis Episcopus. Eum  
 allocuturus Rex Theodosius, deponerat  
 diadema.*

## I.

Cæsarium alloquitur posito diademate Princeps,  
 Regalèmq; iubet frontis abesse notam:  
 Cur tamen hunc tanto Theodosius auget honore?  
 Cæsarius magno Cæsare maior erat.

## XXVIII. AVGVSTI.

S. AVGVSTINVS *Hipponensis Episcopus in Africa  
 monstrorum ferace nascitur.*

## I.

Augustine, tulit, dùm te tulit, Africa monstrum:  
 Sæpius ô vtinam talia monstra ferat!

*Suum ad meliorem frugem reditum procrastinat,*

## II.

Cras te victurum melius promittis; at illud  
 Quando suis Titan Cras vehet actus equis?  
 Qui non est hodiè, nec cras erit aptus agendo;  
 Viue hodiè, cur te crastina vita iuuat?  
 Cras tandem hoc oritur, coruóque abscedere iusso,  
 Et vocem & niuei pectus oloris habes.

E c iiij

Ecce biforme parit, varium parit Africa monstrū  
 Fis subitò Cygnus, qui modo Coruus eras.  
*Probitatem cum pari doctrinâ coniungit.*

## III.

Augustine facis scribenda, legendaque scribis :  
 Nec liquet an doctus sis magis, annè probus.  
 Et facit & scribit docta & proba dextera: doctum  
 Te scribendo probat ; te faciendo probum.

## XXIX. AVGVSTI.

*Decollatio S. IOANNIS BAPTISTAE.*

## I.

**I**Ncrepat illicitos Baptista Herodis amores ,  
 Audet & impauido fortiter ore loqui.  
 Multa tibi cūm, Rex, liceant, pro pellice, dixit ,  
 Non licet vxorem fratris habere tui.  
 At sæui monitis commota salubribus, ardet ,  
 Fulmineâsq; vomit Principis ira minas.  
 Nec satis est tonuisse minis, Caput, inquit, iniquum,  
 Carnifices, vestro protinus ense cadat.  
 Audaces sic lingua sonos compescere discat ,  
 Carpere delicias quæ fuit ausa meas.  
 Falleris, Herodes, plus muta hæc lingua loquetur,  
 Te simul incestum dicet, & esse ferum.

*Quidquid petieris dabo tibi, licet dimidium  
 Regni mei. Marc. 6.*

## II.

Ergo-nè sacrilego mactabitur hostia cultro,  
 Et cadet imperiis sanguinolenta tuis ?  
 Pollicitis maiora, Senex delire, dedisti ;  
 Pars fuit Imperij non nisi pacta tui.

Quod tulit vnus pretium Meretricula saltus;  
Imperio maius quis neget esse caput?

*Vel.*

Ergo-nè vesano ceruix deuota furori,  
Concidit imperiis ista, Ty ranne, tuis?  
Venturis occurre odiis, scelerique nefando;  
Nam iurata fides integra semper erit.  
Promissis maiora petit tibi munera Pellex,  
Imperio maius nam caput illud erat.

*Aliud.*

### III.

Lasciuæ Imperii pars est promissa puellæ,  
Si moueat doctâ vel semel arte pedes:  
Crudelis Balatro, Solymique infamia sceptri,  
Si Meretrix iterum saltet, egenus eris.

*Da mihi protinus in disco caput* IOANNIS  
BAPTISTÆ.

### IV.

Tale caput saltu qui vendidit Institor vno,  
Ah! pretium mercis nesciit ille suæ.

*Aliud.*

### V.

Tam charum Superisque caput, terrisque verendū,  
Prostibuli merces gesticulantis erit!  
Ah! nescis pretium, nescis imponere rebus:  
Nam caput Imperio grandius illud erat.

E c iiij

*Præcepit afferri caput eius in disco. Marci 6.*

## VI.

Iàm sacra mæssuerat violentus colla Satelles,  
 Rex ait, Hæc oculis ferte videnda meis.  
 Nec mora, defixos sariant spectacula visûs,  
 Inque cauâ prostat nobile lance caput.  
 Mensa dapes tulerit magno licet illa paratu;  
 Fercula nunquàm aliàs tam pretiosa tulit.

*Contristatus est Rex propter Iusurandum.  
 Marci 6.*

## VII.

Dùm refluo varias Pellex agit orbe choreas,  
 Et quo debuerat displicuisse, placet;  
 Dat caput Herodes pretium, poscente puellâ;  
 Nimirum ille suam strinxerat antè fidem.  
 O Regem fidum! sed tùm tantummodò fidum,  
 Maius perfidiâ est cùm scelus ipsa fides.

*Herodes Natalis sui cœnam fecit Principibus  
 & Tribunis. Marci 6.*

## VIII.

Quæ, Baptista, tibi pariunt lacrymabile lethum,  
 Quis natalitias has putet esse dapes?

*Ecce ego mitto Angelum meum. Exodi 15.*

## IX.

Paule, tuo; Catharina, tuo de hæc madescit,  
 At, Baptista, tuo sanguine terra rubet.  
 Fluxerit irrigui cùm discolor vnda liquoris,  
 Hæc, nisi me fallunt omina, causa subest.  
 Supra homines, Superisq; parem te facta loquuntur,  
 Te probat effusi sanguinis vnda virum.

*Ille erat lucerna ardens & lucens. Ioan. 5.*

## X.

Et flammis ardens & amœno lumine lucens,  
Baptistes Christo teste lucerna fuit.  
Principis incestos nè lumine prædat amores,  
Exincta æternâ nocte lucerna fuit.

*Herodias hiante glacie mergitur.*

## XI.

Fallaci delusa gelu perit obruta Pellex,  
Talibus extinguere debuit ignis aquis.

*Aliud.*

## XII.

Saltatrix periit glacialibus obruta lymphis,  
Digna pati flammæ, nî pateretur aquas.

*Erit magnus coram Domino Luc. 1.*

## XIII.

Dicitur à superis infans fore magnus Ephebis,  
Qui nondùm attactâ repserat ortus homo.  
Magnus ut ille foret dùm corporis integer extat,  
Deposito capitis vertice maior erat.

*Aliud.*

## XIV.

Vbere materno nondùm depelleris infans,  
Et tamen in sylvas paruulus hospes abis.  
Hic te mellificæ longùm pauere volucres,  
Inque vicem lactis dulcia mella dabant.  
At postquàm te sylua virum iam frondea vidit,  
Tectâ Sionæ grandior vrbis adis:  
Herodémque ferum, dùm Gloris amoribus ardet,  
Turpis adulterij crimine, Diue, notas.

E c v

Scilicèt incestos (namque hos : pis innuba figit)  
Figere nutrices te docuere tuæ.

*Aliud.*

XV.

Vina inter moriens abstemius occidit Heros,  
Qui priùs in syluis vixit, in vrbe cadit :  
Nempè homines sensit qui moribus esse ferinos ;  
Moribus humanas senserat esse feras.

*Aliud.*

XVI.

Dùm caput interret lancem Rex sæuus in vnam ;  
Non-nè petit quanti ponderis illud erat ?  
Impietas fecit pretium, dùm subdola Pellex  
Visa sacrum Regno præposuisse caput.

*Herodes Natalis sui cœnam fecit Principibus*

*& Tribunis Marci 6.*

XVII.

Qui tibi natalis fuerat (crudelis Adulter)  
Hei mihi ! fatalis quàm fuit ille dies !  
Nimirùm mixto festa inter gaudia luctu ,  
Lethifer est aliis, lucifer ille tibi.

*Iocos inter conuiuales S. IOANNES BAPTISTA*  
*detruncatus.*

XVIII.

Ipsa Venus comitem Bacchum sibi cædis adoptat ,  
Dùm sibi sæuitiæ non satis esse putat.  
Námque inter calices insons, Baptista , peremit  
Te Venus, & Veneris, qui solet ire comes.

XXX. AVGVSTI.

S. FELIX M. *Deorum Serapidis, Mercurij &*  
*Diana simulacra solo afflatu deijcit.*

I.

**T**ergeminos tenui Felix cum strauerit oris  
flamine, non-nè deos dixeris esse leues ?

*Aliud.*

## II.

Quàm Felix animosus erat, qui fana deorum,  
Solâ animâ pessum, funditûs ire dedit!

*Aliud.*

## III.

Thessalicum impositâ premitur cur Pelion Ossâ?  
Grandia Centimanus cur mouet arma gigas?  
Nil opus est tantæ tanto molimine molis,  
Vt ruar è solio Iupiter ipse suo:  
Deiicit afflatu solo trepidantia Felix  
Numina, non aliis vtitur ille minis.  
Scilicet insanæ mentis quos vulgus adorat,  
Esse deos monstrat tam leuis aura leues.

## XXX. AVGVSTI.

S. BONONIVS *Abbas solitudinis amans.*

## I.

Niliaci nemoro sa petis deserta Canopi,  
Quaque licet, mundi totius exul eras.  
Sylua tibi fuit hospitium, domus antra ferarum;  
Tectum æther, saxum culcitra, terra torus.  
Indormisse putent alij mens libera cuique est;  
His ego te thalamis inuigilasse reor.

## XXX. AVGVSTI.

B. ROBERTVS DE ARBRVSCELLIS *Ordinis  
Fontis-Ebraldi, corpus cilicinâ veste  
induitur.*

## I.

Grandibus hirsutam setis, hamisque rigentem,  
Indueris toto corpore, Diue, togam:

E c vj

Astringisq; tuos, ferro fodicante, lacertos :

Te putat, id quisquis viderit, esse reum.

Non tamen vllius pœnas das criminis insons,

Nam tibi mens nullâ labe notata nitet.

His styga profligas Miles Cataphractus in armis,

Et quicquid fociâ cum styge fœdus habet.

Qui stygios ibit sic loricatus in hostes,

Victorem similis palma ferenda manet.

### XXXI. AVGVSTI.

S. ARDANVS *Lindisfarnensis Episc. iniecto in  
mare oleo tempestatem sedat.*

#### I.

P Ræsul, in iratas oleum jasis æquoris vndas,  
Cum propenauifragis cymba fatiscit aquis.

At vix palladius summas liquor attigit oras,

Dine, oleo pelagus mirius esse vides.

Atque ita littoŕeâ Numen quas frænât arenâ,

Gutta olei rabidas sic quoque frænât aquas.

*Aliud.*

#### II.

Ventorum pelagique minas, cælique fragorem,

Pacatis olei guttula sedat aquis.

Symbola composita pacis nunc cernis olium,

At prius indicium pacis oliua fuit.

### XXXI. AVGVSTI.

S. AMATVS *Episc. vir sui Nominis.*

#### I.

In te acres inimicus atrox licet excitet iras;

Hostibus inuitis semper Amatus eris.





## MENSIS SEPTEMBER.

---

### PRIMA SEPTEMBRIS.

S. ÆGIDIUS *Abbas nutricis cerua alumnus.*

I.

Ægidius spretis, fuerat quibus actus, Athenis,  
Quæritat ignotos nobilis Erro lares,  
Spelæumque subit, tacitos ubi degeret annos,  
Quæ Rhodanus rapidis iâ premit æquor aquis.  
At fera ne vacuo pereat ieiunus in antro,  
Vbera, quæ turgent lacte, bibenda dedit.  
Nō nunc primū homines animantū nutriit vber,  
Quod modò fit, factum tu prius esse putes:  
Cerua fit Ægidio nutrix, lupa facta Quirino;  
Nutriit hæc puerum, nutriit illa virum.

### I. SEPTEMBRIS.

S. IOSVE *Propheta urbis Ierichuntis mœnia  
clangore tubarum diruit.*

I.

Nunniades Ierichuntinas euerterat arces,  
Thebanæ Amphion conditor arcis erat.  
Dissimiles, similes-nè magis quis dixerit? vrbes  
Construit iste lyrâ, destruit ille tubâ.

## II. SEPTEMBRIS.

S. I V S T V S *Lugdunensium Episcopus spretâ patriâ  
Ægyptum petit, unde tamen corpus eius  
exanimum in patriam reuehitur.*

## I.

Q Vid Nilū Rhodano præfers? an barbara Mem-  
Pluris erit patriæ quàm pia regna tuæ? (phis  
Et : omen pictatis habes, & Iustus habebis,  
Diffona vox pugnat moribus illa tuis :  
Lentus abes, nec scire licet, quæ causa moretur;  
Nec cur ad reditum liber abesse velis.  
Non tamen vsque tuis extorris habere tertis,  
Nam mors æqua dabit, quod dare vita negat.  
Nam quando patrinum reperet mens libera cælum,  
Et patriam reperet corpus inane plagam.

## II. SEPTEMBRIS.

S. A N T O N I N V S *Augustinianus Eremita & M.  
dextrâ & capite pro Christo orbat.*

## I.

Et palmâ, & meritæ cariturus honore coronæ,  
Et capite & dextrâ nî caruisset, erat.  
Sceptrum alii, Christoque suam posuere coronam;  
Plus dextram, plus est deposuisse caput.

## III. SEPTEMBRIS.

S. A I G V L P H V S M. *à Columbo Pseudo-Monacho,  
oculis orbat.*

## I.

E Xculpit quicunque oculos, non ille Columbus;  
Mutato potius nomine Coruus erit.

## III. SEPTEMBRIS.

S. SIMEON STILITES, quem Mariani Fasti  
ponunt 24. Maij.

I.

Pars longæ est emensa viæ, quid Diue morar is?  
Ecce tibi ad cælum jam breue restat iter.

## IV. SEPTEMBRIS.

S. ROSA Virgo piè in se crudelis.

I.

I Sta inter niueos Rosa formosissima flores,  
Non rubet Idaliæ tincta cruore deæ.  
Aut si fortè rubet, misto candore rubori,  
Illa suo tantum sanguine tincta rubet.  
Sed quid, ais, teneros pia Virgo verberat artus?  
His decet incinctam vepribus esse Rosam.

E D. FRANCISCI Affissatis familiâ transfertur  
in Cælum.

II.

Flos nouus Autumno legitur, non tempore Veris :  
Gratior hoc, quanto rarior ille fuit.  
Hunc rigat irrorans æther, hunc Tuscia gignit,  
Franciscique ferax pauperis hortus alit.  
Hunc nè fortè afflent gelidæ mala flamina brumæ,  
Constitus Elysiis postmodò viuet agris.

## IV. SEPTEMBRIS.

S. MOSES Legislator & Propheta à matre  
Nili fluente expositus.

I.

Dùm tenerum Phariis Mosem committeret vndis,  
Elicit hos querulo mater ab ore sonos :

I puer infœlix, parua tibi corbe natanti,  
 Nilus inoffensus sternat amicus aquas.  
 Vt thalamus, si viuis, erit tibi textile vimen;  
 Vimen idem, tumulus, si moriaris, erit.

---

## V. SEPTEMBRIS.

S. PROBÀ V.

I.

Tota pia es, noménque tuum virtutibus implet  
 Téq; probat, quisquis nominat esse Probà.  
 Ast adeò nostro pietas vilescit in æuo,  
 Improbus vt probum censeat esse probum.

---

## VI. SEPTEMBRIS.

S. ELEUTERIVS *Abbas malum Genium è pueri  
 corpore expellit.*

I.

O Bfessus stygio dudùm puer ibat ab orco,  
 Hei mihi! quàm multis flebilis hospes erat!  
 Vidit, & ingemuit Senior, puerumque misertus  
 Liberat, & juris jàm finit esse sui.  
 Vocibus his fugientem orcum pius vrget abactor;  
 Insequiturque suis, quàm licet vsque iocis:  
 I, pete Tænarios, noti pete chasmat's ignes,  
 Hic habita, & nostras desere, prædo, domos:  
 Aut velut antè redi porcorum in corpora; námque  
 Fœdus amicitia Porcus & Orcus habent.

## VII. SEPTEMBRIS.

S. STEPHANVS *Episcopus Diensis adhuc infans  
diebus Veneris materno lacte abstinet.*

## I.

MATRIS adhuc blandis Stephanus pappabat in  
Potabátq; almos, vbera plena, sinus: (vlnis,  
Lux tamen his epulis, his sobria temperat escis,

Quæ sibi de Veneris nomine nomen habet.

Hâc mammæ ambrosiam renuit, quâ luce seuerus  
Proluerat Christi guttura fellis acor.

Quantus erit cum vir plenis adoleuerit annis,

Si iam nunc peragat paruulus ista puer?

Tu lacte abstineas, Veneris quod mamma propinat,

Lac Veneris, nimium dicitur esse merum.

## VII. SEPTEMBRIS:

S. EVORTIVS *Episc. Aurelianensis, profectus ad  
redimendos captiuos, acclamatur Episcopus  
auspicio Columba.*

## I.

Captiuam domino prædam dum subripis hosti,  
In bona, quæ vitas, retia, præda cadis.

Quódque magis mirum, non te venaticus Ales  
Accepit, sed te blanda Columba capit.

## VIII. SEPTEMBRIS.

## NATIVITAS B. M. VIRGINIS.

## I.

EXUE, gens hominum, mordaces exue curas,  
Libera latitiæ da modò fræna tuæ.

Tartareas procûl acta fugit nox atra sub vndas,  
Iàm meliore nitet lumine compta dies.

Ecce ferendis noua nunc Aurora tenebris,  
 Sternit inoccidui præuia Solis iter:  
 Ista recens, vetus illa; pares tamen utraq; fulgent:  
 Venturum illa diem nuntiat, ista Deum.

## VIII. SEPTEMBRIS.

SANCTVS ADRIANVS *M. quem Natalia coniux virum induta in carcerem inuist.*

## I.

Vincla catenatos cohibebant Martyris artûs,  
 Adria cui clarum nomen habere dedit.  
 Impediunt aditus septæ munimina portæ,  
 Claustraque scæmineo non adeunda pede.  
 Quid faciat? quæ tentet agens molimina coniux;  
 Vt liceat vetito coniugis ore frui?  
 O amor! ô casti genius versutus amoris!  
 O puer, innocuos neſtere doctæ dolos!  
 Induitur mentita virum, vigilumque cateruas  
 Fallit in ignoto scæmina cauta ſago.  
 Diſſimulat ſumpto caliendrum teſta galero,  
 Haſtilique manûs armat & enſe latus.  
 Hos, moneo, cultûs, Natalia, pone viriles,  
 Maſcula te virtus ſat probat eſſe virum.

## IX. SEPTEMBRIS.

SANCTVS AVDOMARVS *Episcopus Morienſis mirabilis morborum Medicus.*

## I.

(nis artes,

Hinc procûl Hippocratis, procûl eſte Machao-  
 Herbaque quæ medio ſtillat odora foco.  
 Si quem ſæua lues teneat, mihi credite, pluris  
 Audomarum Medicis omnibus vnus erit.  
 Hi morbos ferroque abigunt, ſtammisſque recidunt,  
 Audomarus ſolâ cedere voce iubet.

# POETICVS.

Si pede claudus opem poscat, si lumine captus :  
 Rectius hic graditur, clarius iste videt.  
 Quæque prius reptabat iners, te, Diue, iubente,  
 Currere præcipiti visa podagra pede est :  
 Dumque valere iubes morbum, dum viuere mortē,  
 Hic valet imperiis, viuut & ista tuis.

## IX. SEPTEMBRIS.

S. GORGONIVS *M. duas inter lauros sepultus*

### I.

Non equidem cecidisse reor sine Numine Diuūm,  
 Vt sacra lauretum Martyris ossa tegat.  
 Nempe coronatus, stygios qui vicerat hostes,  
 Fronde triumphali debuit esse Pugil.

## X. SEPTEMBRIS.

SANCTA PVLCHERIA *Augusta, Virginitatis &  
 Imperij custos.*

### I.

**H**Æc est Eoi columen Pulcheria sceptri,  
 Quæ titubans, vasti fulciit orbis onus.  
 Innumeris, licet vna foret, tamen hostibus ausa est  
 Fortiter intrèpidas opposuisse manūs:  
 Inque maritali coniux fociata cubili;  
 Nullā vñquàm tepuit Cypridis vsta face.  
 Huic collata procūl cedat Sidonia Dido;  
 Fortior & multò castior ista fuit.

## XI. SEPTEMBRIS.

SANCTA THEODORA *post adulterium in  
 veste virili pœnitens.*

### I.

**C**VM Theodora suos fœdasset adultera mores,  
 Exiit induto Virginis ora viro:

Virque viros inter plectit, quod fœmina peccat :  
 Culpa puellaris, pœna virilis erat.

Te-nè, virum, Theodore vocem, Theodora puellâ?

Dic mihi quo tandem nomine notus eas :

Vir simul est, & Virgo simul, nam credo puellam  
 Dùm caderet, sed dùm surgeret esse virum.

## XII. SEPTEMBRIS.

SANCTVS GVIDO *post varias toto orbe iactationes ad cœlestem patriam vocatus appellit.*

### I.

**I**Am tulerat varios terrâque marique labores,  
 Hospes in ignotâ viuere certus humo :

Cùm morbo afflictus iacuit, fessûsque viarum

Collocat appresso languida membra toro :

Voxque polo medias fertur delapsa per auras,

Cessit hyems, imber cessit, amice veni.

Cùm sola terrarum, cùm videris æquora ponti,

Sola oculis superant astra videnda tuis.

Vox ità, sed placitum (res mira!) vt cernat olympû,

Guido oculos tempus clausit in omne suos.

## XIII. SEPTEMBRIS.

S. MAVRITIVS *Andegayensis Episc. cuius capiti  
 dùm Praful crearetur columba insedit.*

### I.

**C**Inxit vbi meritos tibi nobilis Infula crines,  
 Et dominum cepit dextra verenda Pedum:

Sacrificas quæ circum ierat ter & ampliùs oras,

Insedit capiti, Diue, columba tuo,

Et trepido alarum motu circumuaga plaudit,

Atque ita quod tellus sancit, id astra probant.



Candida cùm tulerit suffragia candidus Ales,  
 Téque habilem summo nunciet esse loco;  
 Id benè si secum perpendat, an esse creatum  
 Pontificem faustâ te neget vllus aue?

## XIII. SEPTEMBRIS.

S. RICHARDIS *Augusta ferro candenti suspectam  
 pudicitiam probare non recusat.*

## II.

Testatura suum sine labe nitere pudorem,  
 Edita nobilibus clara Richardis Avis:  
 Forcipibus nullis domitos tractare per ignes,  
 Apparât illæsa rubra metalla manu.  
 Non timet hæc flâmas Veneris, quæcúmque rubêtes  
 Virgo rosas tactis credit inesse rogis.

## XIV. SEPTEMBRIS.

## EXALTATIO S. CRVCIS.

## I.

**V**OS quibus ignotus Deus est, confidite rebus,  
 Præcipiti versat quas dea cæca manu:  
 At nobis quibus antra crebi, quibus æquora ponti,  
 Muta quibus tellus clamat esse Deum:  
 Vnica jam certæ fiet tutela salutis,  
 Hospita funestæ quæ necis arbor erat.  
 Námque hominû genitor veritâ dum pascitur escâ,  
 Intulerat natis omnibus ille necem.  
 At postquàm sine Patre oritur sata Virgine Proles,  
 Quæ scelus in parulâ sustulit omne trabe:  
 Protinus ex illo miseris mortalibus arbor,  
 Quæ fuerat quondam pœna, medela fuit.  
 Atquæ ita Peliacæ similis feliciter hastæ,  
 Planta tulit nostris vulnus opémque malis.

*Heraclius Imperatorio cultu indutus, dùm Crucem  
ferret, secretâ vi remorante gradum sistit.*

## I I.

Progreditur multo latè spectandus in auro  
Princeps, & dignas Cæsare gestat opes.  
Supposuit humeros sacri sub pondere ligni,  
Ex quo aliàs Christi triste pependit onus.  
At dùm vrgere gradum dulci sub fasce laborat,  
Restitit arcanâ vi faciente moras.  
Vidit id Antistes, cui credita summa Sacrorum,  
Et Regem, mōitis talibus vsus, adit,  
Istam humeris, Princeps, Regalibus exue pallam;  
Nec diadema tuas cingat, vt antè, comas.  
Purpura nulla Cruci, nisi sanguine tincta probatur,  
Nec, nisi sit vepribus texta, corona placet;  
Dixerat, & dictis faciles accommodat aures  
Cæsar, in immotâ stare coactus humo.  
Ergo humeros, gemmîsque caput nudatus honestū,  
Plebeio induitur Regia membra sago;  
Procedensque humili gressuque habitūque, volentē  
Approperat nullo ferre labore Crucem:  
Quoque prius tulerat Christus venerabile lignum,  
Visus in hunc Cæsar tunc quoque ferre locum.  
Scilicet hoc factō fastūs damnare superbos,  
Et vel in Augusto Principe, Christe, doces.  
Nec bene conueniunt, nec ab vno Rege geruntur,  
Et Crux & rutilæ Regia pompa togæ.

*De Clavis quibus Christus Cruci  
affixus est.*

## I I I.

Hic cuneus, quem tristem incus formauit in vsu;  
Ferri pondus incers, brutâque massa fuit.

At postquàm impactus sacræ molinine dextræ,  
 Inque pedes Domini transiit, inque manûs :  
 Is clauus tibi clauis erit, quâ sydera pandas ;  
 Et tibi claua, erubi quâ fera monstra domes.

---

## XV. SEPTEMBRIS.

SANCTVS AICHARDVS *Abbas diuersa parentum vota solerter conciliat.*

## I.

PRælia Maioris genitor, tibi symbola Christi,  
 Contra autor genitrix, vt sequereris erat.  
 Militiam tu Christi adamas : factumque parenti  
 Sic sat vtrique piâ calliditate fuit.  
 Miles eras, id quod genitor tuus esse probabat :  
 Miles eras Christi ; quod probat alma parens.  
 Liris erat melior dirimendæ nemo sequester ;  
 Victor vtrêque parens, victus vtrêque fuit.

*Cacodæmones aquâ lustrali fugat.*

## II.

Lucifugus buffo, stigiæque tenebrio noctis,  
 Exilit, & trepidæ dat nigra terga fugæ.  
 Scilicet hunc, Aicharde, rigas lustralibus vndis,  
 Et sacro intingis monstra profana lacu.  
 Dic age, cùm liquidæ reprimant incendia lymphæ,  
 Igneus egelidas cur fugit Orcus aquas ?

---

## XVI. SEPTEMBRIS.

S. EUPHEMIA V. & M. *formam amittit, nè pudorem amittat*

## I.

AMputat arrepto sibi labra Euphemia ferro,  
 Vt læso illæsus viuat in ore pudor.

Vidit Amor plagas, & honestum dedecus oris,  
 Hósque verecundo protulit ore sonos:  
 Hæc Venerem calamistra decent: formosior esset,  
 Si foret hoc ferro sæpius vfa Venus.

*Eadem suo sanguine miniata.*

## II.

Creditur hæc mutilis dixisse Puella labellis;  
 Dùm sibi magnanimâ lancinat ora manû:  
 Pinge meû mihi, sanguis, ebur; nunc iuncta rosetis  
 Lilia, virgineo pulchrius ore micant.  
 Non optem ascitam fuco mihi quærere formam,  
 Hoc minio pictus si mihi vultus erit.  
 Cerussam natura dedit, iunctumque decenter  
 Cerussæ minium debuit esse meæ.

*Eadem integritatis amans.*

## III.

Nudauit generosa suos Euphemia dentes,  
 Displicitis fugeret dùm placuisse procis:  
 Integritas animi fuit ipsa in Virgine maior,  
 Cœpit vbi integritas corporis esse minor.

## XVII. SEPTEMBRIS.

S. LAMBERTVS Traiectensis Episc. & M. iam  
*fato functus impurarum muliercularum  
 oscula refugit.*

## I.

Andapilæ impositum prostat sepelibile corpus,  
 Illibati animi quod prius hospes erat.  
 Publica pompa ruit, nuptæ innuptæque puellæ,  
 Crebra verecundis oscula ferre genis.  
 Si qua minùs casta est, longè retracta recedit  
 Protinùs, arcanâ vim faciente manu.

*Turpis*

Turpis adhuc odium Veneris post funera durat;  
 Eque animo in corpus tráfit honestus amor.  
 Quanta pudicitiae cura ! En cernitur Agnus  
 Lucis egens, olidas extimuisse Lupas.

XVII. SEPTEMBRIS.

*Impressio stigmatum D. FRANCISCI.*

I.

Quid plagis, Francisce, luis ? quid stigmate dignū,  
 Purus eras minimæ qui sine labe notæ ?  
 Ah video ! plagæ reliquis sunt pœna reatûs :  
 Hæ virtutis erunt præmia digna tuæ.

XVII. SEPTEMBRIS.

ROBERTVS BELLARMINVS è S. I. *Patrum Purpurato-  
 rum numero ascriptus.*

I.

Induis Aufoniae sacra dùm redimicula mitræ  
 Dúmque humeros ambit Purpura sacra tuos :  
 Non solum suffusa pio sunt ora rubore ;  
 Ipsæ etiam vestes crubuere tuæ.

XVIII. SEPTEMBRIS.

S. FERREOLVS è *milite M.*

I.

O Re ferox, ferróque minax prius ibat in hostes  
 Ferreolus, sequitur dùm graue Martis onus  
 At modò dissimilem melior depugnat in hostem,  
 Nam noua magnanimus prælia Martyr agit.  
 Nemeliter hostilem Marti velut antè cruorem,  
 Fundere pro Christo maluit ille suum.

## XIX. SEPTÉMBRIS.

S. IANVARIVS Episc. Beneuentanus ad bestias  
damnatur nec laditur.

## I.

**N**Ec te dente leo, nec tigris vngue lacescit;  
Sed posuere suas blandus utrèque minas:  
Sanguineum præceps tamen asperat ira Tyrannū,  
Efferæ præ reliquiis est fera nempe feris.  
*In fornacem succensarum immissus, Dei laudes  
celebrat,*

## II.

Conjicitur medios Præsul moriturus in ignes;  
Vix Babylon tales viderat ante rogos,  
Inter anhelatæ glomerata volumina flammæ,  
Festiuus recinit júbila sacra sonis:  
Plurimus è patulis Ales delabitur astris,  
Ne numeris desit Musica plena suis;  
Mobilibus habiles digitis sua plectra maritant;  
Et socios jungunt terra, polusque sonos,  
Nemo mihi memoret morituri funera Cygni,  
Vicinâ inferias qui sibi morte parat,  
Flumen ad irriguum reliqui modulantur Olores:  
Nunc Olor in mediis concinit iste rogis.

## XIX. SEPTÉMBRIS.

S. GOERRICVS Metensis Episc. cæcus cum esset;  
à duabus filiabus suis deducitur.

## I.

**Q**uas modò plus oculis, his dum fruereris, amabas,  
Dirigit errantes vtræque Nata gradûs.  
Hæstibi cum geminas videamus adesse Sorores,  
Quis te oculis orbem jam putet esse tuis?

*Aliud.*

II.

Dùm sequitur, cæcùmque præit dùm Nata parentē,  
Nox geminos inter cernitur vna dies.

## XX. SEPTEMBRIS.

S. EYSTACHIVS dictus aliàs PLACIDVS, dùm  
prædas venando capit, ipsemet miro  
ostento capitur.

I.

QVà præceps Anio rapitur, venator agebat  
Cum sociis pauidas in sua lina feras :  
Iámq; adeò dùm tela volant, dùm cornua clangũr,  
Turbáque dùm leuium latrat odora canum :  
Ecce tibi insolitum & visu mirabile monstrum,  
Exhibuit trepido territa sylua metu,  
Cervus enim latæ media inter cornua frontis,  
Gestat adorandæ signa verenda Crucis :  
Inque salutarifera fixum videt arbore Numen,  
Cui Placidus primo tempore nomen erat ;  
Protendensq; manũs, Tibi nos, tibi dedimur vltro.  
Arbitrio votum est viuere, Christe, tuo.  
Dixit, & è syluis abiens, tua nomina Christo  
Lustrali aspersus flumine ritè dedit.  
Aut nulla, aut certè fuit hæc venatio fœlix :  
Cuius præda fuit nobilis, alma Fides.

D. EYSTACHIVS à Nautâ Vxore, à ferâ  
geminis Liberis orbatur.

II.

Cùm te legitimâ fraudauit Nauica nuptâ  
Cor rapuit prædo perfidus ille tuum.

Ff ij

At tibi cūm geminum rapuit trux bellua Natum,  
 Mæste parens, oculos abstulit illa tuos.  
 Cūm tibi cor desit, desint tibi lumina, quis te  
 Viuere, vel quis te posse videre putet?

*In taurum aneum coniectus, lentis ignibus  
 aduritur.*

## III.

Supplicij deforme genus! crudelia monstra!  
 Ah malè torquendis monstra reperta reis!  
 Membra Pericleis Eustachius ignibus ardet,  
 Et falso artificis mugit ab ore bouis.  
 At tostum dūm turba putat mugire iuencum,  
 Intonat æthereis Musica grata Choris,

## XXI. SEPTEMBRIS.

S. MATTHÆVS *Apost. & Euangelista.*  
*Vidit hominem sedentem in telonio, Matthæum no-*  
*mine; & ait illi: Sequere me. Et surgens se-*  
*cutus est eum. Matth. ix.*

## I.

**C**Hriste, Trapezitam, digito dūm diuite nūmos  
 Ad Mensam numerat, sub tua signa vocas:  
 Ille moræ impatiens sequitur quocūq; vocatē,  
 Nec retinet pleno facta crumena sinu.  
 Astra solo, cælum cæno, vilique metallo  
 Æternas sapiens Institor emit opes.  
 Penè putes inhiare opibus, Deus omnia vendit,  
 Ipsum etiam pretio vendit emace polum.  
 At quanquāmodico cælum venale sit auro,  
 Vix tamen emptorem qui licitetur, habet,



D. MATTHÆO *scribenti Angelus appingitur.*

## II.

Scribenti, Matthæe, tibi benè Penniger adstat;  
Vnde petas pennam, si tibi desit, habes.

*Æthiopibus Baptisma confert.*

## III.

Qui lauat Æthiopas, operam malè perdit & vndam;  
Nam manet in vultu qui fuit ante nigror.

Tu tamen hos sacrâ lustras dùm Flamen in vndâ,  
Nec Matthæe operam, nec malè perdis aquam.

*Inter sacrificandum securi percutitur.*

## IV.

Dùm litat extructam Mystes operatus ad aram;

Hunc Popa barbarico barbarus ense ferit.

Sic qui sacrificus, quique extitit antè Sacerdos,  
Vidima nè sacris desit opima, cadit.

## XXI. SEPTÈMBRIS.

S. IONAS *Propheta in Ceto nauigans.*

## I.

Æoliis Vates multum jactate procellis,

Sed tandem æquoreæ nobilis esca feræ,

Ille fuit tibi cymba, fuit tibi nauita piscis,

Ille fuit votis portus & vnda ruis.

Hospite tu tanto gaudes, ille hospite tanto;

Miratorque tuæ sortis es, ille suæ.

Tertia lux aderat, cùm fido in litorè Cetus

Expuit illæsum, quod prius hausit, onus.

At tibi mens iterùm si sit decurrere ponto,

Nîl tibi Nautarum, nîl tibi ratis opus.

Labere jam notam vastæ pistricis in aluum,

Nulla tibi poterit tutior esse ratis.

F f iiij

## XXII. SEPTEMBRIS.

S. MAVRITIVS M. Thebææ legionis ductor.

I.

Inclyte Bellator, Thebææ gloria gentis,  
 Cui toties cinxit Laurus honora caput:  
 Ah! cadis immeritâ, cadis ictus Cæsaris irâ:  
 Dùm jubet incesto numina thure coli.  
 Grande tibi reliquos decus est si viceris hostes;  
 Clarus ab hoc victor, si supereris, eris.  
 Bis ter mille tuum comitantur ad astra triumphum,  
 Militibus laus est cum Duce velle mori.  
 At vos, Thessalici Proceres, hunc credite vestrum,  
 Qui vos ad cælum duxerit, esse Ducem.

*Palo alligatus ac melle in unctus Vespærum  
 aculeis exponitur.*

II.

Qui te cœtus apum melle vngit, acumine pungit,  
 Quàm levis ille fugit, tam grauis ille furit.  
 Mors tua melle licet foret illita, maxime Ductor,  
 Melle tamen dulci dulcior illa fuit.

*De Eodem.*

III.

Cæsareis poteras obistere fortiter armis,  
 Bellatrix poterat te Duce tota cohors;  
 Tu tamen auspiciis Christi te ad pulchra vocantis  
 Vulnèra, deposito fortius ense cadis.  
 Fulmen eras belli, vires jaculabile fulmen,  
 Non nisi flammivomo dum cadit axe, probat.

## XXII. SEPTEMBRIS.

S. PHOCAS Olitor è terris in cælum Martyrio  
translatus.

## I.

Cultor eras rigui, Phocâ, studiosus agelli,  
Cultor eras animi doctior ipse tui.  
Nam quamquàm tibi terra sinu daret vbere flores,  
Pulchrior è cunctis floribus vnus eras.  
Christus vbi proprio tinctum te sanguinis ostro  
Vidit, Hic in nostris flos, ait, insit agris.  
Nec mora, te superi digitis carpere Coloni,  
Et carptum Elysio conseruere solo.  
Atque ait hunc rutilo florem qui scuit in horto,  
Indigna est isto germine vilis humus.  
Tu quoque qui superis florescere quæris in hortis,  
Sic animi cultor sedulus esto tui.

*A fratre natu maximo porcis pascendis præsicitur.*

## II.

Cùm fratrem Suibus frater præfecit alendis,  
Proh facinus! Porcis tradita gemma fuit.

## XXIII. SEPTEMBRIS.

S. THECLA V. & M. inter feras illasa.

## I.

**S**Tant circùm Armenij, nuper fera turba, leones,  
Et quantum Calydon vix genuisset aper.  
Illæsq; pedes lambunt sine fraude puellæ,  
Tutæque mansueto Thecla sub vngue manet:  
Quæque lacertosos prostrauerat ante gigantes  
Bellua, conspecto Virginis ore pauet.

F f iij

Dúmque feras inter versatur sospita Virgo,  
 Tales ad Scias edidit ore sonos :  
 Si qua puella velis, melitæos quære catellos ;  
 Hæc mihi sylvarum turba, catellus erit.

*Aliud.*

II.

Vrsus & Vrsa piæ lingunt vestigia Nymphæ,  
 Carnificis rigido dùm tonat ore furor.  
 Thecla suos mores crudelibus indidit vrsis,  
 Carnifici mores indidit vrsa suos.

*Aliud.*

III.

Dedidit primos aspectâ Virgine mores ;  
 Nectigris est ravidam se memor esse feram.  
 Suppliciter placidæ blanditur more catellæ,  
 Et jacet ante pios, vt solet agna, pedes.  
 Mitius ingenium tortoribus esse decebat,  
 Si potuit rabidis mitius esse feris.

*Aliud.*

IV.

Magnanimus Libycæ leo quondam terror arenæ,  
 Lambit inoffensos Virginis ore pedes :  
 Ipsaque depositâ tanti formidine rictûs,  
 Marmoricam pectit tuta puella jubam.  
 Mutat utrèque vices ; mores nam Virgo leonis  
 Induit, & mores Virginis ipse leo.

*Eadem dum procos fugeret, ab hiante ultrè rupe  
 excipitur.*

V.

Leones dum Thecla fugit, quæ tuta leones  
 Molliter impressâ mulserat antè manu ;

Ecce tibi, miranda fides! inuitat euntem  
 Diuiduo rupes peruia facta sinu.  
 Virgo subit trepidi festina pudoris azilum,  
 Delusóſque cauâ ridet ab arce procos.  
 Casta pudicitia si te non tangat honestas,  
 Si tibi sit nullus virginitatis amor;  
 Quæ trepidam exceperet sinu bipatente puellam,  
 His tibi cor saxis durius esse puto.

*Varia suppliciorum monstra quibus obijcitur  
 debellat.*

## VI.

Mirare herculeos in Virgine, terra, labores,  
 Mirare imbelli monstra subacta manu.  
 Scilicet indomitos domuit Virguncula tauros,  
 Et rabiem cicures ponere iussit apros.  
 Vincitur vndarum quibus est immissa, vorago;  
 Vincitur accensæ subdita flamma pyræ.  
 Quæ prius Alciden media combussit in Octâ,  
 Visa est virgineis parcere flamma comis.  
 Nempe pudicitia numen portenta verentur,  
 Sæque feras ipsæ non meminere feræ.  
 Castum ergo quicumque potes jugulare pudorem,  
 Sæuior an monstris, an potes esse feris?

## XXIV. SEPTEMBRIS.

S. GERARDVS Hungaria Episc. & M. quo autore  
 bini Ministri ante aram Deipara Virginis excu-  
 bant, eamque assiduo thuris  
 suffitu adolebant

## I.

A Nte aram gemini stant nocte diæque Ministri,  
 (Ara Genitricis Virginis illa fuit.)

E f v

Templaque fumoso nigrantia thure vaporant,  
 Virgineosque adolet diues acerra tholos.  
 Hæc pietas, Girarde, tua est, te Præsule, Virgo  
 Mater odorifero cœpit honore coli:  
 Përque superbifici laquearia fumida templi,  
 Surgere thuricremo vigil ab igne vapor.  
 Scilicet arcanos, quibus intus adureris ignes,  
 Indicio fumus prodidit ille suo.

## XXIV. SEPTEMBRIS.

S. PAPHNUTIUS *M. occisus ferro Socijs, palma  
 tamquam cruci affigitur.*

## I.

Paphnuti, tua turba comes cadit ista securi.  
 In palmæ infixus stipite fortis obis.  
 Quàm benè juncta tuo sociatur pugna triumpho!  
 Crux tibi dat palmam, dat tibi palma crucem.  
 Namque recuruatis vbi palma tenaciter vlnis  
 Te tulerit, palmam tu quoque, Diue, feres.

## XXV. SEPTEMBRIS.

S. FIRMINVS *Ambianensis Episc. & M.  
 capite minuitur.*

## I.

TE, quia cassus eras capitis, diadema coronat,  
 Quod tamen in capitis vertice stare solet.  
 Res fuerat priscis hæc olim incognita sæclis,  
 Hic vbi non caput est, stemmatis esse locum.

## XXVI. SEPTEMBRIS.

S. IUSTINA V. & M. quam Aglaidus, accito in  
auxilium Cypriano tunc Mago, deinde Mar-  
tyre, frustra deperit.

## I.

**I**gnibus Idaliis flammatus Amasius ardet,  
Iustinæque oculos depereundo, perit.  
Ardor inexpertum nihil esse relinquit amanti;  
Rémque agit per fas omne, per omne nefas.  
Dúmque mouere nequit Superos, mouet horrida visc  
Tartara, nec stygios non ciet ille deos.  
Nil Erebum timet illa tamen, victrixque resistit  
Vna tot illecebris Virgo, tot vna minis.  
Nempè pudicitix septum gerit ægide pectus,  
Quámque putat leno Cyprida, Pallas erat.

## XXVII. SEPTEMBRIS.

S. COSMA & DAMIANVS MM. Medicina  
arte prestantes ambo fuerunt.

## I.

**S**edulus en reliquis quæ vulnera curat vterque,  
Hæc sibi quando insunt vulnera, Martyr amat.

## XXVII. SEPTEMBRIS.

S. CALLISTRATVS princeps in mare actus à  
Delphinis excipitur & ad littus desertus.

## I.

Dulcè canis, dùm te cædit, Callistrate, tortor,  
Vt resonat pulsu pectinis icta fides.  
Delphinésque tuæ capti modulamine vocis,  
Allambunt placidæ pinea texta ratis.

**AN NVS SACER**  
 Dúmque procellosum detruderis actus in æquor,  
 Te geruli tergo sustinuerè suo:  
 Nec prius abstulit cœpto pia bellua cursu,  
 Quàm saluum sicco littore reddat onus.  
 Postmodò nauigium non est quod inutile quæras,  
 Vox naulum; delphin nauita; vector eris.

XXVII. SEPTEMBRIS.

**S. ELZEARVS Comes S. DELPHINAE casta**  
*Coniugis castus Coniux.*

I.

Nobilis Elzearo nubit Delphina marito;  
 Æqua pari semper sint, precor, astra iugo.  
 Tàm benè luteolæ junguntur lilia calthæ:  
 Tàm benè pæstans bellis amica rosas:  
 Tàm benè cælato rutilus carbunculus auro:  
 Tàm benè phœnici juncta columba foret.  
 Nam quantum ad socij genialia fœdera lecti,  
 Ille fuit tantum frater, & illa soror.  
 Nec sua nupta virû, nec amat vir tangere nuptam,  
 Quamquàm habitent vno nuptaque, virq; toro,  
 Sic neque sol lunam, neque solem tangere luna,  
 Quamquàm habitent vno lunaque solque polo.

**S. DELPHINA Pudicitia gammâ insignis.**

II.

Berillos, digitisque gerit Delphina smaragdos:  
 Eulatè radiat sardonychata manus.  
 Gemma illi pretiosa tamen magis vna refulget;  
 Illa verecundi gemma pudoris erat.  
 Tot varias inter, digitorum sydera, gemmas,  
 Clarior in dextrâ virgine nulla fuit.



*Castum utriusque Connubium.*

## III.

Vt rosa Narcissis accumbit & agna columbis,  
 Sic Sponso fruitur Sponsa pudica suo.  
 Nam sic alloquitur castum Delphina maritum,  
 Dùm primâ in thalamum nocte marita venit.  
 Tu mihi quod frater charæ solet esse sorori,  
 Et tibi ero fratri quod solet esse soror.  
 Dixerat, & nexis in mutua fœdera dextris,  
 Sponsus cum Sponsâ virgine virgo manet.  
 At subiit castum soboles pulcherrima lectum,  
 Quam saluâ peperit virginitate parens.  
 Virgine virgo fuit proles dignanda cubili,  
 Virgo torus dignus virgine prole fuit.

---

## XXVIII. SEPTEMBRIS.

S. THIEMO *Episcopus Salisburgensis* & M.  
*captus à Turcis iussusque truncum Mahometis*  
*simulacrum instaurare, in frustra*  
*comminuit.*

## I.

SQuallebat Scythici signum execrabile Vatis,  
 Quod colit inflexo Thracia turba genu.  
 Pars deerat cariota situ, tibi trunca, Thiemo,  
 Quæ repares statuae fragmina, Turca dedit,  
 Ferte citi, ferte arma citi fabrilis, clamas,  
 Tradita sunt iussâ protinùs arma manu.  
 Ille securigerâ simulacrum fucile dextrâ  
 Scindit, & in partes mille repentè fecat.  
 Mors pretium egregij fuit immortale laboris;  
 Praxiteles nullum tam benè finxit opus.  
 Fingendis alij laudem meruere sigillis,  
 Comparat hic summum comminuendo decus.

## XXVIII. SEPTEMBRIS.

S. VENCESLAVS M. *Dux Bohemia dolo matris  
Drahomira occisus, qua hiatu terra absorpta est.*

## I.

Improba dū rapidis vehitur Drahomira quadrigis,  
In stygias terræ chasmate fertur aquas.  
Non tamen est habitura leuem post funera terram,  
Cui viuens alias tam graue pondus erat.  
Terra parcus illi præbet se jure nouercam,  
Quæ propriæ sobolis sæua nouerca fuit.

## XXVIII. SEPT.

S. THOMAS de VILLANOVA *Valentinus in  
Hispania Episcopus, suis adhuc puer se vestibus  
exiit ut Mendicum induat.*

## I.

Martino quis enim renuat te pluris habendum,  
Grande Valentinae sydus & urbis amor?  
Tu totam, quæcumque fuit, largiris egenti,  
Ille suæ exiit nil nisi parte togæ.

## XXIX. SEPTEMBRIS.

S. MICHAEL *Archangelus, Deo aduersus  
Luciferum strenuè militat.*

## I.

(Turbæ,  
O Quem te memorem, Volucris pulcherrime  
Atria qui cœli præpes ad alta volas!  
Aureus in jaculis radias, stygiôque Cerastræ  
Sibila protentâ cuspide colla teris.  
Ille Iouis veri solium affectare rebellis,  
Tantus inest error mentibus! ausus erat.

At tu Pennigero spectandus in agmine Ductor,  
 Protinus vltici corripis arma manu :  
 Et Superum comitante globo, noua praelia misces;  
 Et domito victor strenuus hoste redis.  
 Ille per immensi cœli spatia ampla volutus,  
 Corruit horrendæmersus in antra Stygis.  
 Iure quidem quò se extulerat leuiore volatu,  
 Perfidus, hoc lapsu deteriore ruit.  
 Non aliter læsis cecidit Vulcanus ab astris,  
 Lemniaco exustus torrida membra foco.  
 Sed quid ego leuium refero mendacia Vatum ?  
 Non fuit hîc fallax fabula, pœna fuit.  
 Nam nimis id verum furui probat arbiter Orci,  
 Ridiculum Vates quod facit esse jocum.

S. MICHAEL *animarum ad cœlum deductor.*

I I.

Libera deposito dùm pondere corporis exit,  
 In patrias cœli mens reditura plagas,  
 Criminis extorres animas ad sydera ducit,  
 Ætherei Michael gloria rara Chori.  
 Friuola gens Vatum, quid inanem fingitis Hermem  
 Sæpe per æthereas ire, redire vias;  
 Dùm serpentigerâ mentes super æthera virgâ  
 Ducit, vt infirmas pellit abactor oues ?  
 Præstet id officii superæcùm Signifer aulæ,  
 Is mihi Mercurius verior vnus erit.

XXIX. SEPT.

S. QUIRIACVS *Anachoreta leonis obsequio  
 clarus.*

I.

Mole leo, formâque minax, rictûque pauendus,  
 Quiriacum famulus deueneratur herum.  
 Præficit hunc horto Senior, furêsque rapaces  
 Territat, & reliquas, bellua serua, feras,

Et quicquid vel parua domus, vel postulat vſus,  
 Dauus hic obſequio detulit omne ſuo. (ronet,  
 Nolim hominum famulantum ingens me turba co-  
 Par operam præſtet dùm mihi Verna parem.  
 Tu tantùm famulêre Deo, iuſſuſque miniſtram,  
 Et tigris & pardus mox tibi præſtet opem.  
 Nam ſerui obſequium Deus æquâ lance rependens,  
 Hos famulos famulis imperat eſſe ſuis.

## XXX. SEPTEMBRIS.

S. HIERONIMVS *Eccleſia Doct̃or, pectus  
 pugno & ſaxo fatigat.*

## I.

**N**Vdatos feriente finûs dum Dalmata ſaxo  
 Tundit, & armatâ pectus inerme manu;  
 Plagarum crepitûs inter laſſatus, anhelô  
 Hos ſemel atque iterùm rupit ab ore ſonos:  
 Eſt animus, corpûſque nocens, pars vtraq; peccant,  
 Vtraque pars pœnas, quas meruere, dabunt.  
 Chriſte mei (nam corpus egent animûſque medelâ)  
 Sis animi Medicus; corporis iſte ſilex.  
 Ille quidem durus, ſed enim mihi durius illo,  
 Dùm te ſuſtinuit lædere, pectus erat.  
 His dictis pugnum intentans, ſilicemque rigentem  
 Impactâ referit pectora nuda manu.  
 Quod totiès pugno, totiès quod vindice ſaxo  
 Contudit, attritum nemo cor eſſe neget.



# MENSIS OCTOBER.

---

PRIMA DIE OCTOBRI.

S. REMIGIVS *Rhemenſis* Episcopus.

**C**Redite, Rhemenſis ſecuro in littore ſiſter,  
Tali Remigio ſit modò pulſa ratis.

*Pramatura in Puero ſapientia.*

II.

Et pater & genitrix ſobolem ſibi poſcit utrèque,  
Et naſci ſobolem gaudet utrèque parens.

Infantem primæ ſubeuntem limina vitæ

Qui videt, in Puero nil puerile videt; <sup>1</sup>

Et niſi adhuc teneri cernat cunabula Pupi,

E ſenibus natum crederet eſſe ſenem.

*Clodouaum Francorum Regem Chriſtianis  
ſacris addicit.*

III.

Quantus is eſt, qui Regū apices, dominâmq; coronâ,  
Compulit imperio, Chriſte, ſubeſſe tuo?

In Reges, Regūmq; animos cui tanta poteſtas,

Hunc ego maiorem Regibus eſſe reor.

*Cæcus cū eſſet, cæco lucem & oculos dedit.*

IV.

Cæcus adeſt, vacuòſque oculis extorribus orbes

Monſtrat, & orbatas luce carere genas:

Et baculo prætentat iter, dextrâque fideli,

Et querulo reducem te rogat ore diem:

Tuque oculos, quibus orbus eras, largiris egenti;  
Fallor, an huic oculos tradis habere tuos?

*Aliud in idem.*

V.

Remigium quicumque oculis miratur egentem,  
Mirari casum desinat; ecce, dedit.

# I. OCTOBRIS.

S. NICETIVS Treuirensis Episc. coronâ  
*insignitus nascitur.*

I.

Grande decus capitis, vultus gestare coronam,  
'Attonito insignis nascitur orbe puer.  
Nuda coronatos internitet area crines,  
Aut Mystæ certa hæc, aut nota Regis erit:  
Sed Mystæ, non Regis erit, secat Infula litem,  
Quæ simul est & honos verticis, est & onus.  
Imparibus quod sæpè humeris nutauerat olim,  
Hoc onus infantem sentit habere pares.

# I. OCTOBRIS.

S. BAUO C. relicta Aulâ regiâ, Quercum in  
*quâ mellificabant apes, incolit.*

I.

Qui prius argutâ Bauo regnabat in Aulâ,  
Nunc exesa caui Roboris antra colit;  
Hæc Regis tamen aula fuit, qui sæpè volantes,  
Ipse volans ad opus Martis agebat apes.  
Vtraque par, fallor, dispar est vtraque sedes,  
Pristina plus fellis, plus noua mellis habet.

*Hæspita BAVONIS Quercus ab Angelis  
frequentatur.*

II.

Et superæ Mentis, & apum pennata iuuentus,  
Bauo, ruos celebrat, quercea septa, lares.

Defore Pennigerum nunquam tibi credo socialem,  
Siue fit ille poli; siue fit iste soli.

B. FRANCISCVS BORGIA S. I. *conspetto*  
*Isabella Augusta cadauere, rebus fluxis*  
*vale-dicit.*

## I.

Hesperia occiderat Princeps Isabella coronæ,  
Qua fuit in toto pulchrius orbe nihil.  
Additus exuuiis custos, tristisque feretro,  
Luctificæ Regis voce iubentis eras.  
At dum putre vides, taboque informe cadaver,  
Labraque cecropio pallidiora fauo.  
Hei mihi! conclamas, nec vultu vultus in illo est,  
Nec primi species oris in ore manet.  
Lux oculos, cerussa genas, rubor ora reliquit,  
Iamque aliud, bellum nil nisi nomen habet.  
Hiccinè magnificæ dominam manet exitus Aula?  
Siccinè tam pulchri concidit oris honor?  
Aula vale, vale Nobilium fauor inclyte Regum,  
Nemo mihi dominus, qui moriatur, erit.  
Ex hoc, rara fides! cœptum est tibi viuere Christo.  
Principium vitæ mors fuit illa tuæ.  
Utque dies oritur, tenebræ filia noctis;  
Nascitur ex ipsa sic tibi morte salus.

*Aliud in idem.*

## II.

Ille tot imperiis Isabella, tot inclyta sceptris,  
Bis gemini Princeps quæ fuit vna maris,  
Occidit, huic quamuis Phœbus non occidat vmq̃uā,  
Et cinis est hodie, quæ fuit ignis heri.  
Parua nec in solidi spatium producta Decembris,  
Absumptam penitus funerat vna febris.

Et spes & titulos, & auitæ nomina gentis,  
 Condidit exiguo, quo jacet illa, rogo,  
 Quàm fuit vna capax, quæ tot simul vna recondit,  
 Vel quàm parua, illo quæ latuere loco.  
 Hæc Franciscæ vides, vertisque ad sydera mentem,  
 Hic vbi mors nullâ falce pauenda furit.  
 Vifa dat aspectu tibi mortua fœmina vitam,  
 Sæpè dat aspectu fœmina viua necem.

## I. OCTOBRI S.

*Festum. S. ANGELI CVSTODIS.*

*Ad ANGELVM CVSTODEM.*

Fide gubernator, nostræ qui vela carinæ,  
 Per vada, per scopulos, & maris alta regis;  
 Quas animo, gratèsque tibi quas voce rependam,  
 Qui me per rerum mille pericla rapis?  
 Infantem, puerû, iuuenémque, virûmque, senémque,  
 Dignaris studio peruigilante sequi.  
 Perge igitur, Tutela vigil, nec desere clauum,  
 Dùm portum teneat salua carina suum.

*Aliud in illud Isaia 33. Angeli pacis amarè  
 flebunt.*

## II.

It pius in lacrymas Ales, te dante cachinnos,  
 Lætis ille oculis, si lacrymeris, erit.  
 Ridet enim te flente, fleat si riseris vtrò;  
 Et quod non peragis munus, id Ales agit.  
 Ergonè Cœlituum tangit quoque pectora mœror?  
 Ergonè Cœlituum risus in ore sedet?  
 Quid superest nisi flere tuos sine fine reatûs,  
 Semper sit lacrymis lætus vt ille tuis?



## II. OCTOBRIS.

S. LEODEGARIVS *Episc. Augustodunensis &*  
*M. pluribus tormentis clarus feliciter moritur.*

I.

(phis,

**C**Larior hæc reliquis visa est mihi palma trium-  
 Quam toties domito Præsul ab hoste tulit.  
 Trusus in obscuræ tenebrosa ergastula noctis,  
 Fulget vt indicio prodita flamma suo.  
 Fronte oculos scrutata manus radicitus hausit,  
 Plus oculis cassus, quam prius, ille videt.  
 Scrupea saxeti tractus per fragmina currit,  
 Ad cælum his stimulis promptius egit iter.  
 Cædua labra cadunt, cadit orbo-lingua palato,  
 Eloquio nunquam fertilior fuit.  
 Antiquis sine fine novos superadde dolores,  
 Et totâ armorum mole, Tyranne, feri (tyr,  
 Non hoc deprimitur, premitur dum pondere Mar-  
 Quin etiam vt gradibus, cladibus astra petit.

## II. OCTOBRIS.

S. SERENVS SERVVS *quinque solidorum*  
*pretio vanit.*

I.

**Q**ui vœnum exposuit minimâ mercede Serenum,  
 (Nam tantum quinis assibus emptus erat:)  
 Vel malè decipior, vel certè imponere demens  
 Nescierat pretium mercibus ille suis.

*Pascendo pecori sponte addicitur, .*

II.

**M**entis vt illæsum seruet sine labe nitorem,  
 Lanigeras ductat sponte Serenus oues.  
 Sæpe minus feritatis habet quicumque ferarum,  
 Quàm qui hominû in medijs cœtibus esse solet.

*Feris vices Pastoris sæpè mandat.*

## III.

Dum pius Opilio dapibus se pascit inemptis,  
 Escâ animum refouens nobiliore suum;  
 Sæpè feris pecudes vltro commisit alendas,  
 Fitque lupus Pastor, qui modò raptor erat.  
 Ite procùl celeres, fidum genus, ite Molossi,  
 Grex vigilum excubiis non eget iste canum.

*Mentem pariter & agrum excolit.*

## IV.

Mentis eras cultor, cultorque feracis agelli;  
 Et mens cultâ magis, quàm tibi cultus ager;  
 Nam licèt almus ager messes cum fœnore reddat,  
 Mens tua virtutum germina plura rulit.

## III. OCTOBRIS.

S. IOANNES CVZVBITA C. è montis vertice  
*in præceps agitur à Cacodamone, quem sæpè hu-  
 mano è corpore exire coëgit,*

## I.

**T**Urpem Orci genium nemorosæ cultor eremi,  
 Iusserat hospitio cedere sæpè suo:  
 I procùl, I, dixit, miseros cur corporis artus  
 Incolis, vt proprios, ambitiose, lares?  
 Exiit infrendens alieni liminis hospes,  
 Non tamen, vt rabie feruet, inultus abit;  
 Nam Senis inualidum Phlegetontius incola corpus  
 Trudit ab aërio montis ad ima iugo:  
 At Senior lapsu in longo per inane volutus,  
 Illæsum nullo vulnere fertur onus.

Risit, & O, dixit, casu grauiore ruebas,  
 Dum veri ambires regia sceptrâ Iouis,  
 Ille per æthereos dextrâ te vindice tractûs,  
 Impulit in cæcum, lurida regna, chaos.  
 At quàm corruerit Iustus, Deus ipse cadenti  
 Supponit placidam leniter antè manum,

## IV. OCTOBRIS.

S. FRANCISCVS ASSISIENSIS C. *spinas in  
 quibus volutatur, in rosas mutat.*

## I.

VIX Franciscæ tuis serpebat in ossibus ignis,  
 Quem malè lasciuus serpere iussit Amor;  
 Protinùs hirsutæ remouens graue pondus abollæ,  
 In medios nudus diceris ille rubos:  
 Sed voto frustratus abis, paliurus hebescit,  
 Et rosa fit subito, quæ modò spina fuit.  
 Mordaces abeunt in mollia lilia sentes,  
 Vêrque suas alio tempore pandit opes.  
 Nimirum tribulorum apices, & spicula norunt,  
 Conueniat meritis quale cubile tuis.

S. FRANCISCI *pudor in spinis securus.*

## II.

Cypridis afflatus turpi Franciscus ab æstu,  
 Membra cruentatis lancinat ista rubis.  
 Hoc te sente, Pudor, decet indormire grabato,  
 Molliter in mediis nè jugulere rosis.

*In niuibus volutatur S. FRANCISCVS, &  
impurum amorem fugat.*

## III.

Cùm nitidum, nullâque notâ violabile pectus  
Incendit, fociâ matre, Cupido puer ;  
Franciscus gelidas, si quis daret, iret in vndas ;  
Nulla sed hybernis solibus vnda fuit.  
Nam glacie strictis, velut arctâ compede, riuus,  
Velabat niueum cana pruina solum.  
Ergò niues, Francisce, petis, positrâque lacernâ  
In rigido versas membra perusta gelu.  
Non poteras meliùs, nam vellere purior omni,  
Nix candorem animi denotat illa tui.

*D. FRANCISCVS familiaris cicada &  
onicula.*

## IV.

Cujus ad imperium digito suffulta canebas,  
Cujus eras toriès dicta, Cicada, soror ;  
Morigeram simili compellat voce bidentem,  
Et peçtit placidâ lanca terga manu.  
Dùm pecudem innocuam dextrâ palpatur amanti,  
Colludit niueæ concolor agnus oui.

*D. FRANCISCVS, fulmen è cælo imminens  
Mortalibus, auertit.*

## V.

Nutabat trepidâ tellus lapsura ruinâ ;  
Ni nouus hic humeros supposuisset Atlas :  
Nam Deus humanæ speculatus atrocità gentis  
Crimina, corripuit vindice tela manu.  
Vibraturus

Vibraturus erat totius robore dextræ,  
 Quales Pentapolis senserat ætæ faces.  
 Procumbis, hæctisque ipsum, Franciscæ, Tonantem,  
 Nec quæ decreuit stringere, tela vibrat.  
 Tum tellus pautans, Quoties desæuiet æther,  
 Pro clypeo posthac, tu mihi, dixit, eris.

## V. OCTOBRIS.

S. APOLLINARIS *Valentinienſum* Episc.  
*humo ex aridâ fontem elicit.*

## I.

**A** Rebant sitiente solo fontèsque lacusque,  
 Siccus & exhaustis alueus omnis aquis.  
 Præsul, arenosi per hiantia jugera ruris,  
 Præſabat ſterilem puluerulentus humum.  
 Et ſitit, & circum nullos videt ire liquores,  
 Tingat vt exiguo torrida labra lacu.  
 Procumbit ſupplexque rogat, de cespite viuo  
 Proſiliat riguæ vitreus humor aquæ.  
 Proſiluit, properiſque fluens per ſaxa ſcatebris,  
 Te blando inuitat murmure, Myſta, bibe.  
 Accelerat, quæ turba latus tibi plurima cingit,  
 Et tecum arentem mergit in amne ſitim.  
 Dúmque receſſiſti, tecum ſimul vnda receſſit,  
 Functæ erat officio ſcilicet illa ſuo.  
 Quantus eras, Præſul, docilis cui terra paratas  
 Sponte dat, & rursùm ſponte reſor, et aquas ?  
*Intumeſcentem Rhodanum, in quo nauigabat,*  
*repreſſit.*

## II.

Tempeſtas inopina furit, fragilémque phaſelum  
 Penè repentinis obruit Auſter aquis :  
 Tom. II. G g

Cætera turba metu trepidat, sed Præsul aquosas  
Imperturbato eripit ore minas :

Sistite præcipientes, vaga flumina, sistite motus,  
Et ratis in vestro tura sit ista sinu.

Finierat, Rhodanusque fugax mandata loquentis  
Sensit, & attonitis mitior ibat aquis.

Threicius Vates tumidum compescuit æquor,  
Imperat iratum Mystra silere vadum ;

Forma tamen non vna fuit, quas repprimat vndas  
Blanditiis Orpheus, repprimat iste minis.

#### V. OCTOBRI.

S. PLACIDVS è S. BENEDICTI familiâ,  
*Luciferum sydas adoraturum se negans, occiditur.*

##### I.

Occidit implacido Placidus placidissimus ictu,  
Carnifice intrepidum perfodiente latus :

Ne malè Lucifero stans coràm procidat astrò,  
Lethifero Placidus fortior ense cadit.

#### VI. OCTOBRI.

S. BRUNO *Carthusianorum Fundator ;*  
*horrendâ demortui voce perterritus, Ereum petit*  
*seque silentio addicit.*

##### I.

**D**IC, quid agis solidos, sylvæ interiore recessu,  
Nemine, sed tantùm Numine teste, dies ?  
Et latebras inter, visque inter vivere saxa ?

Visque inter latebras, duraque saxa mori ?  
**Q**uid-vè feris novus hospes ades, totùmque silentis,  
Aut vitæ aut mortis ducere tempus amas ?

Voce quid horrificâ insonuit vocale cadauer ;  
Ut prius assueto te vetet ore loqui ?

Scilicet exanimis rupere silentia Manes :  
Iam viuos, preſſâ voce, ſilēre decet.

S. BRVNO & SOCII S. HVGONI *Episc.  
Gratianopolitano designati per viſum, vti  
ſeptem Planeta.*

## II.

Quantus is eſt, micat inſolitâ qui luce coruſcus ;  
Sydera qui terris intulit, atque polum ?  
Iure tuos Socios ſeptem dixere Planetas,  
Quos inter Bruno, Phœbus vt alter eras.

S. BRVNO *in Eremum ſecedit.*

## III.

Hic vbi Bruno ſuum Sociis comitantibus æuum,  
Ignotus reliquiſ, ſed ſibi notus agit :  
Cur ſpelæa voces ? melius viridaria dicas,  
Quæ flores gremio tot peperere ſuo.

S. BRVNO *in imagine ad viuum expreſſus.*

## IV.

Horrificæ Bruno ſtupefactus imagine mortis,  
Solus in horrenti delitet hoſpes humo.  
Aſpicias vt docti dextrâ rediuius Apellis,  
Poſthumus exanguis ſpirat in ore color ? (verſat,  
Quicquid id eſt, quod mente agitât, quod pectore.  
Neſcio quid magnum, quod meditetur, habet.  
Verba daturus erat, ſed quam tulit ille ſilendi  
Legem aliis, arctâ religione tenet.

*Carthusiani purâ veste, Olorum instar candidi.*

## V.

Mutabit natura vices, syluisque relictis,  
Cervus in æquoreâ nabit, & vrsus aquâ.  
Nam prius ad liquidas recinebat fluminis vndas,  
Plurimus in sylvis nunc tacet albus Olor.

*Ad. RR. PP. CARTHUSIANOS.*

## VI.

Si solis benè qui latuit, bene vixit in vmbriis,  
Veridico, prudens, vt canit ore Sophus;  
Vos qui se junctâ refugi latitatis eremo,  
Ducitis innocuos, & sine labe dies.  
Nil tamen est, tacitas cur sic abeat in vmbra,  
Nam melius virtus vestra latendo patet.

## VII. OCTOBRIS.

*S. MARIA de Victoria Lepantiaca :*

*Quo die à Christiano exercitu ope Virginis, fusi  
fugatique sunt Turca.*

## I.

(ces,

**D**um gerit Hebræus, gererent dum prælia Thra-  
Ordinibus cedunt Lunâque Sôlque suis.  
Sôl stetit, Hebræus gereret dum prælia miles,  
Dum Thraces gererent prælia, Luna fugit.

*Aliud, quo alluditur ad verba hac Apocalyp. 12.  
Luna sub pedibus tuis; & ad Lunam Turcarum.*

## II.

Virgo Parens geminos pollens Regina per orbem,  
Et solâ, cum sis maxima, Prole minor.



Christiadum victrice manu cùm Thracius hostis  
 Verteret ignauæ territa terga fugæ ;  
 Auspice te victa est, & se tibi subdidit ultro ;  
 Debet enim pedibus Luna subesse tuis.

## VII. OCTOBRIS.

SS. SERGIVS & BACCHVS *muliebri veste induuntur  
 ad probrum.*

## I.

Fallitur, imbellem Athletam si iudicet esse,  
 Qui tectum indigno cernit vtrûmque peplo.  
 Ecce mineus Pugiles quamuis velaret amictus,  
 Hos animus fortis sat probat esse viros.

*De S. BACCHO.*

## II.

Non agit insanis muliebriter Orgya festis,  
 Nil mirum, Bacchus sobrius iste fuit.

## VII. OCTOBRIS.

S. GERALDVS *M. cuius corpus abditum, sponta-  
 neo nola tinnitu & noui syderis ortu  
 proditur.*

## I.

Fortè Palæstinas ibat pius hospes ad oras,  
 Christe oculis quondam, quæ placuere tuis :  
 Ecce tibi gemini, prædâ stimulante, latrones,  
 Immeritum plagis comminuere caput.  
 At ne fortè grauis superent vestigia noxæ,  
 Obtegit occultum conscia sylua nefas :  
 Attonitas sed sponte suâ procùl impulit aures,  
 Quæ nullâ quatitur, tinnula nola, manu:  
 Elammaque, commissi sceleris nè deforet index,  
 Triste parentanti sydus in axe micat.

G g iij

Quid profunt taci tæ, latebroſa ſilentia, ſyluæ ?  
 Non hominum clamant ora, ſed æra ſonant ;  
 Nec pia lugubribus clarantur funera flammis ;  
 Sed quas parca negat terra, dat æthra faces.

## VIII. OCTOBRIS.

QUATVOR CORONATI *Martyres.*

## I.

Cerne polum geminas tantū oſtentare coronas,  
 Roma, Coronatis quattuor, vna micat.

## VIII. OCTOBRIS.

S. SIMEON *Confessor.*

Nunc dimittis, &c. Cupio diſſolui, &c.

## II.

Eſtis vtérque pares voto, ſed diſpare cauſâ ;  
 Dùm, Simeon, dùm vis tu quoque, Paule, mori.  
 Tu quia Chriſtus abeſt, diſſolui, Paule, rogabas ;  
 Dimitti, Simeon, tu, quia Chriſtus adeſt :  
 Vt videas Chriſtum, moreris tu Paule, ſed ipſum,  
 Tu contrà, Simeon, vt moriare, vides.

D. SIMEONIS *Epitaphium.*

## II.

Phœbe ſepulchrales celebra Simeonis honores ;  
 Ille ſacræ moritur dignus amore lyræ.  
 Vnam incide tuæ tenui mucrone ſagittæ,  
 Talis vbi imparili carmine Leſſus erit :  
 Hic jacet in medio, paſſus ſua funera, cantu ;  
 Sarcina dùm gremium chara ſenile premit.  
 Sic niuei candoris olor, quo gutture cantum  
 Fundit, eo vitam gutture fundit olor.

## VIII. OCTOBRIS.

S. PELAGIA *in veste virili Pœnitens.*

Illa olim Syrias inter famosa puellas,  
 Quæ ductum à Pelagi nomine nomen habet;  
 Luget in obscuro camerati fornicis antro,  
 Se priùs Idaliæ signa tulisse deæ:  
 Et vestem, & cum veste animos induta viriles,  
 Quæ priùs admisit virgo, vir illa luit.  
 Vlcisci (neque enim fatis est in virgine fellis)  
 Mascula fœmineum debuit ira nefas.

## VIII. OCTOBRIS.

S. BRIGITTA *Vidua, quam cùm Mater in utero ferret, accepit in somnis se propter fœtum à naufragio liberandam.*

## I.

Enatat incolumis per te, propè naufraga mater,  
 Dùm te vtero ferret, parua Brigitta, suo.  
 Quis notus hic ordo? reliquos sua pondera mergūt,  
 Fertur & ecce suo pondere, salua parens.

## IX. OCTOBRIS.

S. DIONYSIVS AREOPAGITA *Athenis natus Parisiis moritur.*

## I.

NAscensentem puerum doctæ vidistis Athenæ,  
 Gens Parisina sacrum vidit obire Senem;  
 Nec poterat siue interitum, siue inspicis ortum,  
 Nobilius nasci, nobilius-vè mori.

*Dato quàm accepto sanguine clarior.*

## II.

Quamlibet acceptus sit clarus origine sanguis,  
Clarior, effuso sanguine, Martyr eras.

*E solis deliquio infert Authorem naturæ  
pati.*

## III.

Te graue deliquium solis dum perculit, hauris  
E tenebris animi lumina prima tui.

*A Francis, quos Baptismate donarat,  
comburitur.*

## IV.

Francigenum prælustre decus, cui Gallia sacro  
Flumine tingendum subdidit ampla caput:  
Lota salutaris fuerat quæ natio lymphis,  
Ipsa tuæ flammæ, Diue, reponit aquæ:  
Et tibi quæ fuerat lustrata plantibus undis,  
Æmula te flammis expiat illa suis.

*Semi-ustulatus feris illasus obiicitur.*

## V.

Iam lento semustus erat Dionysius igne,  
Quæ superant, rabidis dantur edenda feris.  
Non tamen esuriunt, jeiuna caterua, leones,  
Intactoque famem sustinuerunt cibo.  
Plus sapuit tortore leo, plus Præsede tigris,  
Pabula dum geminæ non sapere gulæ.

*Truncatâ capite, Martyrij laureâ donatur.*

## VI.

Abscisâ ceruice minor, sed pectore maior,  
 Diue, coronandum tollis ad astra caput.  
 Scande celer, superosque vola super ætheris orbes,  
 Te merces pretio sanguinis empta manet.  
 Magna situ, maior populis, & maxima sceptro  
 Gallia, sed meritis est minor illa tuis.

*Amputatum sibi caput manibus sustentat.*

## VII.

Partem hominis magnam, rerum mentisq; capacē,  
 Diue, tibi tortor messuit ense caput;  
 Ad terram tendebat onus, sed sectile collum  
 Suppositâ properas sustinuisse manu.  
 Immundam nè tangat humum tam nobile pondus,  
 Aut collo, aut manibus debet inesse tuis.

*Aliud in idem.*

## VIII.

Tortor idem Præsulque caput, sed dispare formâ  
 Sustulit; ense prior, sustulit iste manu.

## IX. OCTOBRIS.

S. DEMETRIVS M. cuius chlamys sanguine  
 tincta effrænes aquas repressit.

## I.

Sistit inundantes fluuios, undasque rapaces;  
 Martyris illustri sanguine tincta chlamys:  
 Vsq; ad eò natura Deum veneratur aquarum,  
 Cedat vt exuujs Martyris ipse furor.

ANNVS SACER  
IX. OCTOBRIS.

S. ABRAHAMVS PATRIARCHA *filium  
immolans in tabella depictus.*

I.

Tristis in aggesto moritura stat hostia busto,  
Et videt armatas in sua fata manûs.  
Arduus elatos genitor libratur in ictûs,  
Inque caput pueri stringere tela parat.  
Ensem vrget, lethûmque manus iam mota tulisset,  
Sed plagam, inuito patre, moratur amor.

---

X. OCTOBRIS.

S. IOANNES C. *Ordinis S. AVGVSTINI,  
inter sacrum faciendum totus liquefcit  
in lacrymas.*

I.

**F**Lamen adorandas facris operatus ad aras,  
Æstuat, & posito tegmine, membra leuat.  
Incaleant quantis flagrantia pectora flammis,  
Indicat è capitis qui volat arce, vapor:  
Pérque oculos pérque ora piis stillantia guttis,  
More niuis lacrymæ iugè fluentis eunt.  
Sic postquàm artificii latuit rosa condita plumbo,  
Lacryma suppositis stillat odora rogis.  
Rerum mira fides! jàm nascitur hostis ab hoste;  
Nam sacer has animi parturit ardor aquas.

## XI. OCTOBRIS.

S. BRVNO *Episc. Coloniensis, quocunque iter  
instituat, piam librorum suppellectilem  
secum defert,*

I.

**E**ffe cupis tecum doctos vbicumque libellos,  
Illa tuum releuat turba sodalis iter.  
Sic ego credo viæ te non sensisse laborem;  
Effeda facundus nam comes vsque fuit.

## XII. OCTOBRIS.

S. CYPRIANVS *Carthagenensis Episc. &  
Martyr, ortu clarus, sed vitâ clarior.*

I.

**N**obilis ille quidē est, quē ducis origine sanguis,  
Vita tamen generis nobilitate prior.  
Est virtus pretiosa magis quàm pendula bulla;  
Scilicet ingenuos hæc probat, illa facit.

*In Africa moritur.*

II.

Iam satis ipsa suo Libye flagrabat ab igne;  
Tu tamen ecce nouo sanctiūs igne flagras:  
Nam simul in vitium flammæ jacularis & ignem;  
Vita tibi fulgur, vox tua fulmen erat.  
Afer in immensum geminatis ignibus ardet,  
Nam nouus antiquis additus ignis eras.  
Barbarus extinxit te sanguinis imbre Tyrannus;  
Yna tot ardores Africa ferre nequit.

*Dùm ad supplicium ducitur, paucos quos habebat  
aureos, carnifici, ut de se benè merito,  
iussit numerari.*

## III.

Diue, necis pretium recipit, te dante, satelles,  
Nempè tui rarus funeris emptor eras.  
Pauca tamè recipit, neq; enim tibi plura supersunt,  
Siccinè tam paruo sydera cautus emis?

## XIII. OCTOBRI.

*S. GERALDVS in superiori Aruernia famosus,  
inter Psalmos recitandos ultimum  
spiritum efflat.*

## I.

P Andite syderei fulgentia limina Templi,  
Cœlicolæ, portis en nouus hospes adest.  
Clauditur hæc coruis, referatur oloribus Aula,  
Ergo Geralde tibi conuenit iste locus.  
Quàm meritò puros inter numeraris olores,  
Qui moriente sacrum concinis ore melos!

## XIII. OCTOBRI.

*S. COLMANNVS M. innocens suspenditur ex  
arenti trunco, qui subitò reuirescit.*

## II.

Colmannus, falso cæcus quem crimine Iudex  
Insimulat vanâ proditione reum,  
Nodatus laqueo collum trabe pendet ab altâ,  
Et sterilis tantum sustinet arbor onus.  
Torque alio donandus erat, nec debuit illo  
(Indignum!) iuuenis regius esse throno.  
Ecce repentinas extendit in aëra frondes,  
Quæ dudum orba sui furca viroris erat.



Sublatum infami letho, dùm floruit arbor,

Testatur juvenem non meruisse mori.

Quicquid Causidicus, quicquid crepet ore Patronus,

Hæc meliùs causam Martyris arbor agit:

Eximiâ pietate virum, sine fine reclamat,

Colmannum improbitas sancit esse reum.

*Colmanno iam vitâ functo præter morem crescunt  
capilli,*

## II.

Crescentes, Colmanne, tibi post funera crines;

Canitiem capitis te meruisse probant.

*Suspensus ex Arbore extat inhumatus.*

## III.

Pensilis es, nec, Diue, solo mandaris humandus;

Indigna est tali funere vilis humus:

Despice quicquid id est quod terra ostentat inanis,

Cunctâ vides oculis, Diue, subesse tuis.

## XIV. OCTOBRIS.

S. DOMINICVS C. à loricâ, quâ corpus  
domabat, LORICATVS dictus.

## I.

**P**Arce piam laniare cutem, cur criminis expers,  
Sanguine vis puras contemerare manus?

Nil reus es, tamen irâ tuos malè sævit in artûs,

Qui calybe immeritum stringis, & ære latus.

Cur solidis lorica tegit te ferrea nodis?

Arma quid in mediâ pace cruenta geris?

His ego, Diuus ait, fugo tela Cupidinis armis,

Hæc lorica meum munit ab hoste latus.

Tu quoque, lascivis pectus violabile telis,

Hæc quicumque teges ægide, tutus eris.

## XV. OCTOBRIS.

S. THERESIA V. *ab Seraphino in corde  
sauciata*

## I.

N Vper amabilibus feriit tibi pectora telis,  
Aliger æthereo lapsus ab axe puer.  
Diua, salutiferâ quod transfixere sagittâ,  
Quàm cordi hoc superis credo cor esse Choris!

*Aliud in idem.*

## II.

Nescio quæ magnæ pectus sublime Therese,  
Trajecit supero dextera missa polo.  
Tâm benè quæ certo jaculum collinear ictu,  
Hanc, Amor alme, tuam credo fuisse manum.

D. THERESIA *ad* CHRISTVM.

## III.

Pectoribus jam Christe meis illabere, vastam  
Dat tibi quâ venias peruia plaga viam.  
Ales amor crebris terebret mihi pectora telis,  
Liberius solito quò tibi pandat iter.

D. THERESIAE *Symbolum*:  
Aut pati aut mori.

## VI.

Scire cupis, Lector, quibus intus amoribus vrar,  
Vota mihi, vel mors; vel mihi vota, dolor.

D. THERESIA *saucia ad CHRISTVM itidem  
saucium.*

V.

Da veniam si vera loquar, tibi tristia tortor,  
Nobilia mihi vulnera fecit amor.

CHRISTVS *ad THERESIAM.*

Talia, si nescis, non fecit vulnera tortor,  
Tortorum at manibus cautior vsus amor.

# XVI. OCTOBRIS.

S. GALLVS *Abbas vrsus famelicum reprimis;  
quo deinde tamquam famulo est usus.*

I.

CVrrebat stimulante gulâ, cupidusque parabat  
Ingerere inuentas vrsus in ora dapes.  
Siste, Senex dixit, nostræ male prædo culinæ,  
Non calet hæc stomacho mensa parata tuo.  
Mox dabitur quod hiando petis, tamē antè juberis  
Larga super nostro ponere ligna foco.  
Audiit, & docilis properat mandata minister,  
Et quæcûmque Senex imperat, vrsus agit:  
Ergo dapes modicæ, (merces ea pacta labori)  
Morigeræ satiant guttur inane feræ:  
Et patitur Senior sociæ sit vt incola cellæ,  
Dùm rabido nulli vulnera dente ferat.  
Ite, quid obsequium defertis inutile, serui?  
Iste suo famulus sufficit vnus hero.

*Aliud in idem.*

## II.

Gallus erat quondam trepidi formido leonis,  
Galle, vrsi posthac tu quoque terror eris.

S. GALLI *funus equi ferocissimi ad locum Sepul-  
tura sponte deducant.*

## III.

Deposita grauiore sui jam parte, volarat  
Gallus ad optatos, præmia digna, lares..  
Protinus indomiti funus traxere veredi,  
Collaque inexperto sponte dedere iugo:  
Vsq̃ue adeò toto prorsus nil cernitur orbe,  
Ardua quod virtus non domet, esse ferum.

## XVII. OCTOBRIS.

S. ANDREAS *M. aliero pede truncatur.*

## I.

TOrmentorū aciem, numerosaq; vulnera passus,  
Altèrius Martyr fert quoque damna pedis.  
Quis credat, nisi sint Superi, nisi Numina testes?  
Ocyùs amisso currit ad astra pude.

## XVIII. OCTOBRIS.

S. LVCAS *Euangelista, cui scribenti bos alatus  
appingitur.*

## I.

QVàm bene conueniunt, tabulâq; fidelis in vnâ,  
Et Lucam & socium jungit imago bouem!  
Et Lucas & taurus arant, sed dispare formâ,  
Æquor arat libri Scriba, iuuenicus agri:

Bos quoque disparibus, Lucasque accingitur armis,  
 Vtitur ille vnco vomeris, iste stylo:  
 Vt volet, vt scribat, pennâ munitur vterque,  
 Ille humeris pennam gestat, & iste manu.

*Aliud in idem.*

I I.

Pinge Parætoniam, Loligine pinge papyrum,  
 Vt sacrum absoluat summa coronis opus;  
 Nam si deficiat dextræ scribentis arundo,  
 Pennas, ne cesses scribere, taurus habet.

*Aliud in idem.*

I I I.

Antè animal tardû, modò bos tibi penniger adstat,  
 Dùm linis arcano mystica senfa libro.  
 Perge tibi quæcûmque polus vulganda ministrat  
 Scribere, nec calamis postmodò parce tuis:  
 Si pennam quam dextra mouet, detriuerit vsus,  
 Bos volucer pennas, quas tibi tradat, habet.

D. L V C A S *vnâ cum cum bone depictus  
 in tabella.*

I V.

Fare, quid apposuit Lucæ tua dextera, Pictor,  
 Symbola, ruricolam, non satis apta, bouem  
 Qui tanto sudore colit Christi impiger agrum,  
 Aptior huic poterat nullus adesse comes.

*De bone Lucæ alato.*

V.

Cernis inauditas qui bos gerit impiger alas,  
 Ponè tuos stratum, Diue, cubare pedes?  
 Hunc nisi sacra tui teneat reuerentia iussi,  
 Iam foret aëria visus abire viâ.

Vel minimo nutu dederis si signa volandi,  
Iam volucrem videas ire per astra bouem.

*Aliud de eodem.*

VI.

Festinum Lucæ forsan mirabere taurum,  
Cum soleant tardi lentius ire boues.  
Si nescis, celeres noster stylus addidit alas,  
Quadrupedemque pigro de boue fecit auem.

*Aliud de eodem.*

VII.

Intempestiuo taurum quid acumine pungam?  
Ecce volat, stimulo non eget ille meo.

*Aliud de eodem.*

VIII.

Assumptis volitare bouem qui viderit alis,  
Ecquis araturas esse negabit aues?

D. LUCAS VIRGINEM DEIPARAM cum puero IESV  
depinxit in tabella.

IX.

Exiguo rasæ depinxit in orbe tabellæ,  
Artifici Lucas Virginis ora manu.  
Et Puer, & Pueri Mater, spirare, moueri,  
Visus uterque tibi, visus uterque loqui.  
Nam quis ab hâc viuam non speret imagine vocē,  
Quâ Verbum & Verbi pingitur ipsa Parens?

*Aliud in idem.*

X.

Et Matrem & Puerum pingis, sed dispare formâ:  
Moribus hic, calamis pingitur illa tuis.

*Aliud in idem.*

## XI.

Famosum longè Lucas superauit Apellem,  
 Hic Veneris pinxit, Virginis iste decus.  
 Dædalus artifici Lucas hoc maior Apelle,  
 Quò minor est magnâ Virgine ficta Venus.

E D. L V C A E *Medici tumulo salubris succus  
 emanat.*

## XII.

Vrna salutifero tua, Diue, liquefcit amomo,  
 Et fugat innumeram certa medela luem.  
 Quanta tua est pietas ! morbis bonus vsq; mederis,  
 Téque etiam Medicum post tua fata probas.

*Aliud in idem.*

## XIII.

Exanimum fudat redolentia balsama corpus,  
 Balsama lethiferis quæ medicina malis :  
 Nimirum variante vices sorte, accidit vt qui  
 Arte fuit Medicus, jam medicina foret.

D. L V C A S *Historicus, Pictor, & Medicus.*

## XIV.

His calamo confers, aliis medicamine vitam :  
 Sic mortem triplici præditus arte fugas.

*Lucalibus schola instaurantur, Michaëlibus  
 absoluuntur.*

## XV.

Scriba facer, bos antra tuus Parnassia pandit,  
 Quæ celeri Michaël clauserat antè fugâ :  
 Scilicet vt tardos puerorum turba iuencos,  
 Æmula pennigeras sic imitetur aues.

Dùm studiis abeunt, hos dixeris esse volucres,  
Dùm redeunt, tardos dixeris esse boues.

*Aliud in idem.*

## XVI.

Bos vocat Aonias ad pristina pensa Sorores,  
Palladium Michaël terminat Ales opus.  
Schemate signari nequit meliore iuuentus;  
Vt bos ad studium tendit, vt ales abít.

*Ad Pictorem, de boue Lucali depicto in tabella,  
studij resumendi nuncio.*

## XVII.

Pars est grata tuæ, pars est ingrata tabellæ,  
Solerti est, Opifex, quæ tibi picta manu:  
Vt placeat, nullâque oculis non parte probetur,  
Oblinat alatum spongia pressa bouem.  
Nempè iuuentuti, terræ bos natus arandæ,  
Nuntiat immensi grande laboris onus.

*De eadem tabella.*

## XVIII.

Cur geminas tauro Pictor dedit inscius alas?  
An leuis vt pigros adiuuet ala gradus?  
Quin potiùs frangenda boui, quò tardiùs iret,  
Cædua, succiso poplite, crura forent.

*Iuuentus. Lucalium laborem fugitans, ab alato  
boue ad studia renocatur.*

## XIX.

Oria depositis meditata iuuenta tabellis,  
In vacuos lætis gressibus ibat agros:  
Dúmque grauem refugâ curuis ceruice iuencis,  
Difficili findi vomere vidit humum;



Sic ait, O reduci tarda ad Lucalia tauro  
 Producent longas otia nostra moras.  
 At primos vehit ecce dies inopina labores:  
 Alarum iuuenis nesciit esse bouem.

*De eodem.*

XX.

Cur pede tam lento Pindi iuga scandimus omnes?  
 Cur facili studio vita nec ipsa satis?  
 Causa patet, teneris Phœbi modò tardus alumnis  
 Bos præit, elapso Bellerophontis equo.

*Bos Lucalis stimulo non eget, sed frano.*

XXI.

Parcite festinum stimulis impellere taurum,  
 Quin potiùs fræno, quo teneatur, eger.  
 Nuntius ingrati veniat quicumque laboris,  
 Is citiùs, tardus sit licet, usque venit.

*Ad D. LVCAM de boue, eius Symbolo.*

XXII.

Non benè conueniunt picti tibi stemmata tauri:  
 Tu properas, tardos dum mouet ille gradus.  
 Vel noua, sublato, quæras tibi stemmata, tauro,  
 Vel discè à proprio lentiùs ire boue.

*Ad D. LVCAM Pictorum pariter & Musarum  
 Patronum.*

XXIII.

Non ego te, Luca, Pictorum maxime, pingam,  
 Non ego te, Vatum gloria magna, canam;  
 Te nec enim dignus qui pingeret, esset Apelles;  
 Nec te qui caneret, dignus Apollo foret.

D. L V C A S *Medicus idem ac Musarum  
Patronus.*

## XXIV.

Non equidem Lucæ inuideo Pictoris honorem ,  
Inuideo Historici non ego grande decus.  
At qui animos angit curis, qui corpora morbis ,  
Hic Medicæ laudis vix mihi dignus erit.

*Aliud in idem.*

## X XV.

Dùm vigiles doctis iuuat impallescere chartis ,  
Mœsta est assiduus nil nisi vita dolor.  
Non malè Pierides Medicum elegere Patronum ;  
Vt morbos idem qui tulit, ille leuet.

## XVIII. OCTOBRIS.

S. I V S T V S M. *præcoci sapientiâ ornatus.*

## I.

Anteit ætatem solito prudentia maior ,  
Et grauis in puero cernitur esse senex;  
Tempore nam præcox virtus maturuit ille ,  
Quo vix in reliquis assolet illa feri.  
Quos dabit hæc olim fructûs ætatula? cum sit  
Tâm bona sementis, quàm bona messis erit?

## XIX. OCTOBRIS.

S. V A R Y S M. *disciso nouaculâ utero moritur.*

## I.

O Furor! ô cunctis scelus indelebile sæclis!  
O feritas ipsis inficianda feris!  
Vare tibi medium præcutâ nouacula ventrem  
Dissecat, & vasti pectoris antra cauat.

Ad superas, virtus quò te vocat inclyta, sedes,  
Magnâ ingens animus debuit ire viâ.

*A Cleopatra nobili fœmina, VARI corpus templo tumulatur, in cuius officij mercedem filio orbat.*

## I I.

Vare canum prædam te iusserat esse Tyrannus,  
Quâ super in terris parte relictus eras:  
Impediit Cleopatra nefas, temploque repostum  
Fumus honoratâ ritè sacrauit humo.  
Non retulit mater, retulit sed præmia natus,  
Materno abstractus sub caua busta sinu.  
Quid quereris, gemebûda parës, tibi pignus adem-  
Officio merces plenior ipsa suo est. (prum?  
Nil Martyr potuit melius, nil tradere maius;  
Dùm soboli terras eripit, æstra dedit.

## XX. OCTOBRIS.

SS. CAPRASIVS & FIDES Martyres, quorum  
ille huius exemplo ad Martyrium animatur.

## I.

**C**Aprasius timido dùm transfuga lentus in antro  
Constantis fidei conspicit esse Fidem;  
E latebris in aperta ruit, seque increpat vltro;  
Illa vir est, vir tu fœmina, dixit, eris.

S. CAPRASIVS elcito è rupe diuinitus fonte ad  
Martyrium inuitatur.

## I I.

Si grata est tibi, Christe, mei vis fusa cruoris,  
Do jugulum sacris victima vota tuis.  
Ergo doce nostrâne velis tibi cæde litari,  
Fac, rogo, sint animi, fac rata signa tui.  
Si jubeas me, Christe, mori, precor, indice lymphâ,  
Testis ab hoc manet protinùs vnda jugo.

Dixerat, & subito per saxa liquentibus vndis,  
 Exiit trepidâ fons fugitiuus aquâ:  
 Nec plura his, animo intrepido festinus ad aras  
 Dat sua barbaricâ colla secanda manu.  
 Protinus insequitur patulo de vulnere sanguis,  
 Vulnerâque irriguus tinxit hiulca cruor.  
 Quàm dispar it vterq; liquor, quàm discolor vnda!  
 Caprahus manat sanguine, fonte silex.

XXI. OCTOBRIS.

S. HILARION *Abbas Plutonem curru inuectum  
 ad inferos redire compulit.*

I.

Q Vadijugo inuectus curru phlegetontius Orci  
 Prædo, cauernosæ rupis in antra ruit:  
 Impavidumque senem formidine terret inani,  
 Qui rhedam & vanos cum dute risit equos:  
 Namque furens spectrum, facto telluris hiatus,  
 Dicitur in nigrum præcipitasse chaos:  
 Ridendumque suis iterum se reddidit umbris,  
 Venerat in nostram qui nouus hospes humum.  
 Persephonem rapiendam iterum fortasse putabar;  
 At redijt vacuis currus inanis equis.

XXI. OCTOBRIS.

S. MALCHVS C. *ad nuptias ab hero coactus  
 aufugit, & defenditur à leone.*

I.

Nec peteres (nam fortis eras melioris amator)  
 Inuisos domino, Malche, iubente toros;  
 Clâm fugis, agrestumque procûl nemorosa ferarum  
 Securo tacitus lustra pudore subis.  
 At dominus rapit arma celer, famulumque fugacem  
 Ocyus exerto barbarus ense petit.

Nec

Nec priùs abſiſtit quàm milite cinctus & armis,  
 Inuentam obſideat, quâ later erro, ſpecum.  
 Hic Malchus trepidare miſer, pauiduſque ſonorâ  
 Numen in auxilium voce vocare ſuum.  
 Et Deus oranti faciles accommodat aures ;  
 Nam leo qui Vernam vindicet, ultor adeſt.  
 Aurea poma vigil quondam ſeruauerat anguis,  
 Quæ tulit Heſperix virginis almus ager.  
 Poma ſucre priùs vigilantis cura draconis,  
 Flos modò virgineus cura leonis erit.

*Aliud in idem.*

II.

Credidit ingenui nemus eſſe pudoris aſylum,  
 Credidit, & rupis Malchus in antra fugit.  
 At virides non vna colit Latonia ſyluas,  
 Captat & hîc prædas inſidiata Venus :  
 Nec ſolo inſtructus jaculo venatur, & arcu,  
 Sed ſua ſæpè etiam retia tendit Amor.  
 Retia laſciuius tibi, Malche, tetenderat auceps,  
 Dùm trepidus latebras ſperat habere pudor.  
 Sed leo rex nemorum formidandûſque ſatèlles,  
 • Diſſipat hoſtiles, nè capiare, dolos.  
 Inde verecundi nulla eſt cui cura pudoris,  
 Deteriorem iſſis ſe ſciat eſſe feris.

XXI. OCTOBRIS.

S. VRSULA V. & M.

I.

Quàm malè ſæpè ſuis aptantur nomina rebuſ  
 Vrfula cur dicta eſt, quæ magis agna fuit ?

VRSULA *inter ſyderæ.*

II.

Fabula quid geminas ſuper æthera collocat vrfas ?  
 Vrfula ſtelligerum poſſidet vna polum.

Tom. II.

H h

*De ipsius Anagrammate :*  
 VRSVLA LAVRVS.

## III.

Cingite virgineos verno diademate crines ,  
 Vrsula prostrato fortis ab hoste redit.  
 Illa triumphati domitrix generosa Tyranni ,  
 Nobile vincentis nomen & omen habet.  
 Ergo suis Daphnona citi distringite ramis ,  
 Vt meritum cingat Laurus honesta caput.  
 Sed quid adornandis lauros ego posco capillis ?  
 Ipsa sibi victrix VRSVLA LAVRVS erit.

S. VRSVLA *Conneni Armorica Dynasta nuptias respuit.*

## IV.

Captus Aremoricæ Princeps fulgore puellæ ,  
 Ire Dioneas sensit in ossa faces :  
 Et subito, Cassum deponere puella timorem ,  
 Quod sponso sponsa est, hoc mihi, dixit, eris.  
 Hoc nunquam, Virgo inquit, esto, sponsalia nolo ,  
 Prædo pudicitiae tu potes esse meæ.  
 Ille refert, Gemini dispar datur optio teli ;  
 Spicula vel tortor, vel sua mittat Amor.  
 Illa ait, Absit Amor, jaculetur spicula tortor ;  
 Nam mihi dulcis erit tortor, amarus Amor.  
 Vix hæc: Barbaricis subito volat acta lacertis ,  
 Ire per immeritum iussa sagitta latus ;  
 Sic nè Virgo mali jaculum pateretur Amoris ,  
 Carnificis jaculum maluit illa pati.

*Ad Hunnos S. VRSVLAE & SOCIARVM*  
*VV. interfectores.*

## V.

Impia gens hominum , duro quàm rupis in antro  
 Nutriit Hircanæ mamma ferina lupæ.

Hei mihi ! quot Nymphas metitis, tot lilia crimen  
 Grande foret, vel tot subsecuisse rosas !  
 Antè quidem niuæ (numerosa caterua) puellæ,  
 Lilia, quàm ferro demeterentur, erant.  
 At postquàm intrepidæ proprio rubuere crure  
 Lilia in æternas verba fuere rosas.

CHRISTVS *ad D. VRVLAM & ad SOCIAS.*

V I.

O quæcúmque meos Virgo sectaris amores,  
 Quæque thori conjux virginis esse cupis !  
 Nec tui diuitibus baccata monilia gemmis,  
 Nec mihi dotales quære, monemus, opes.  
 Dos est rara, pudor : dos est pulcherrima, virtus :  
 Hæc mihi, si desint cætera, dote places.

XXII. OCTOBRIS.

S. IOANNES BONVS C. *morbo afflictus*  
*respiscit.*

I.

QVI priùs immodico Veneris flagrabat amore  
 Dùm valet, hanc odio, dū fuit æger, habet.  
 Languit vtiliter, morbus tulit ipse medelam,  
 Nunquàm adeo sanus, si valuisset, erat.

*Digitis insigit arundines, ut impuros motus*  
*compescat.*

II.

Vritur Idaliâ perculsus arundine, mores  
 Dictus ob ingenuos nomine jure Bonus :  
 Vritur, & Siculâ multò violentior Æthnâ,  
 Flamma penetratis serpit in ossa sibi ri.  
 Flammarum exitium, gelidos è nubibus imbres  
 Orat, at oratas non dabat imber aquas:

H h ij

Telis ergo nouis tua tela, Cupido, repellit,  
 Et bellum insolitâ miles ab arte gerit;  
 Nam summos calamis figit fodicantibus ungues,  
 Vt procûl hoc fugiat victa dolore Venus.  
 Nec spes vana fuit, nam protinûs excita Cypris  
 Fugit in infamem non reditura Paphon.  
 Diue, tuâ dispar ab amore vibratur arundo,  
 Hæc Veneris flammæ excitat, illa necat.

Ad D. IOANNEM BONVM.

III.

Vt Veneris vulnus fugias, te vulnere lædis,  
 Plagaque fit plagæ, Diue, medela tuæ.

XXII. OCTOBRIS.

S. CORDULA V. & M. S. VRSULAE socia, metu  
*perterrita fugit, sed fuga pœnitens, postmodum*  
*Martyrium subiit.*

I.

Quæ priûs vndenis è millibus vna refugit  
 Cordula, Martyribus vult comes esse Choris.  
 Nunc iugulum exerrat coràm, mortemq; precatur,  
 Defuerit numero quòd Soror vna suo.  
 Exprobret ignauæ latebras quis iure puellæ?  
 Abluit illa suum cæsa cruore scelus.

XXIII. OCTOBRIS.

S. SEVERINVS BOETIVS *amputatum sibi Theo-*  
*dorici Regis iussu caput, ad aram detulit.*

I.

Ille decus Musarum ingens, & gloria Pindi,  
 Quo nullum toto majus in orbe caput,  
 Occidit impacto ferientis acinacis ictu,  
 Et potuit tantum cernere Roma nefas!



Ergo necem passus, Regisque Boëtijs iras,  
 Iam truncum cæso vertice corpus erat;  
 Ceruicem tantorum operum, tantæque capacem  
 Mentis, utrâque ferunt sustinuisse manu;  
 Et longâ gestasse viâ venerabile pondus,  
 Inque aras flexo deposuisse genu.  
 Nimirum mactata tibi quæ, Christe, litatur  
 Victima, non alio debuit esse loco.

## XXIII. OCTOBRIS.

S. MACHARIUS *Romanus C. Orci ludibrio  
 in syluis deceptus.*

## I.

Urbibus in medijs trepidat, qui cernitur ipsas  
 Inter sæpè pudor tutior esse feras:  
 Sed nullis quocûmque abeat, quocûmque recedat,  
 Virginitas tuta est prorsus ab hoste, locis:  
 Dùm nouus intactæ sponsus fugit ora maritæ,  
 Cognita syluicolis fertur in antra feris.  
 Hic geminos reperit catulos, matrêmque iubatam,  
 Quæ vitâ catulis accubat orba suis.  
 Hanc tumulo infodit, sobolisque vicarius alter,  
 Sedula Marmaricæ munia matris obit:  
 Intercâ miseris resonat nemus omne querelis,  
 Quas Acheron falsæ virginis ore ciet.  
 It Senior, motusque vastræ plangore puellæ,  
 Admisit stygios in sua tecta dolos.  
 At postquàm infidæ deceptus imagine larvæ,  
 Nonit in exitium spectra parata suum;  
 In lacrymas pius hospes abit, Styx iuit in vmbra,  
 Inque fugam geminus cernitur ire leo.  
 Infelix Machari! tectique ignare pericli,  
 Fœmineis posthâc credere parce dolis.  
 Qui serobe depositam tumularas antè lænam,  
 Penè tibi fallax, lena, læna fuit.

## XXIV. OCTOBRIS.

S. FELIX M. &amp; Episc. Africanus.

*Quo tempore occisus est, Luna sanguinis colorem induit.*

## I.

A Ttonito tortor dum te ferus eripit orbi,  
 Luna rubet subitis sanguinolenta notis.  
 Vnde prius niueo color ille rubescit in astro?  
 Num quòd cæca tuo vulnere Luna dolet?

## XXIV. OCTOBRIS.

*Inter SS. NAGRANOS MARTYRES puer  
 quinquennis in rogam, in quo mater  
 ardebat, insilit.*

## I.

Q V A Nagrana suas extollit in aëra turres,  
 Prætulit ingenium non puerile puer.  
 Vix benè tùm quinas numerauerat ordine messes,  
 Cùm decus in tenerâ prole virile fuit.  
 Tortor ait, Puer iste meo sine vulnere sospes  
 Viuat, & extinctâ matre superstes eat.  
 At puer ardentem dùm cernit in igne parentem,  
 In medios lato profilit ore rogos.  
 Immoriturque sinu matris, junctoque triumpho  
 Et puer, & pueri mater, in astra volant.  
 Roma, per immensum canit ut cur Mutius orbem,  
 Qui fortem ardenti torruit igne manum?  
 Nam quæ præstiterat vegeti prius integer æui  
 Scæuola, quinquennis præstitit ecce puer.

## XXV. OCTOBRIS.

S. CHRYSANTHVS *M. turpium Muliercularum  
conatus lufit, claufis, eas nè videret,  
oculis.*

## I.

**P**Rædatura tui florem, Chryfanthe, pudoris,  
Te Venus illecebris captat, Amorque fuis :  
Obijcis occlusos oculorum callidus orbes ;  
Sic Veneris nullo tactus ab igne cales.  
Perge age, te tereti numquam puer improbus arcu  
Læferit, hoc clypeo fi modò reclus eris.  
Nā cui bella mouet, non Mars, fed adultera Cypris,  
Palmam, hoftem qui non viderit, ille tulit.

*Carcer quo Chryfanthus includitur, fuanem  
odorem fpirat.*

## II.

Eximix infoliti funt hi virtutis odo res,  
Quos afflant pleno carceris antra finu :  
Scilicet hoc latè fpirat flos aureus horto ;  
Flos Martyr, carcer Martyris hortus erat.

## XXV. OCTOBRIS.

S. D A R I A *M. per leonem in fornice defenfa.*

## I.

Flebilis ad fpurcæ famofa cubilia cellæ,  
Innumeris rapitur cincta Daria procis :  
Iamque procùl fpectans olidū lacrymofa lupanar,  
Infiliat tumulo promptius illa fuo :  
Et, Quò tendis ? ait, quin perdita viuere ceffas ?  
An potes Idaliæ luftra fubire lupæ ?

H h iij

O vtinam vixisse mihi priùs ipsa dedissent  
 Fata, pudicitiae quàm superesse meae!  
 Dixerat, at medium vindex leo fertur in agmen,  
 Attonitòsque fugat, quà via facta, procos.  
 Horruit aspectu subiti stupefacta leonis  
 Illa, nihil quamquàm, quod vereatur, habet.  
 Nam ruit vt trepidæ custos foret ille Dariæ:  
 Ne timeas, custos ille pudoris erit.  
 Tunc ait à tali defensa satellite Virgo,  
 Non Leo, sed nobis Leno timendus erat.

---

## XXVI. OCTOBRIIS.

S. EVARISTVS Pontifex Maximus.

*Quo tempore inauguratus est summus Pontifex,  
 celebre Iouis Vltoris fanum, misso diuiniùs  
 igne, deflagrauit.*

I.

D Vm supremũ apicem sacri conscendis honoris,  
 Vltoris flagrant fana superba Iouis.  
 Nam rutilo fax missa polo diuiniùs arsit,  
 Inque auidum vertit templa vetusta rogum.  
 Præsida te rerum sacro, sua gaudia terris  
 Festinus misso nuntiat igne polus.

## XXVI. OCTOBRIIS.

S. DEMETRIVS M. cui è caelo co-  
 defertur.

I.

Desit digna tuis nè fortè corona triumphis,  
 Adfuit æthereo lapsus ab axe Puer;  
 Sed Puer æthereis longè formosior astris,  
 Detulit aligerâ qui tibi ferta manu.

Texere sydeream tibi debuit æthra coronam,  
Quid det par meritis indiga terra tuis?

*Annulus DEMETRII sanguine intinctus  
morbos fugat.*

## II.

Lancea jam laceros Pugilis transfoderat artus,  
Iamque rubescebat sanguine tincta chlamys.  
Gestamen digiti prænobile diuitis, aurum,  
Imbuit effusus cæde recente cruor;  
Morborumque genus tactu fugat omne potenti  
Annulus, innumeris prompta medela malis.  
Tingere purpureo, sacer annule, tingere succo,  
Ornari gemmâ nobiliore nequis.

## XXVII. OCTOBRI S.

S. DESIDERIUS *Altiſſiodorensis Episc. à Christ<sup>o</sup>  
in cælum euocatur.*

## I.

Peruigilas, ne fortè tuo subrepat ouili,  
Et lupo infirmas hœlluo raptet oues.  
Tàm benè cùm fidus tua Pastor ouilia cures,  
Te bonus ad superum Pastor ouile vocat.  
Ille suas agnoscit oues, hœdósque salaces  
Respuit, & partem non sinit esse gregis:  
At postquàm suprema dies illuxerit orbi,  
Arserit & summo terra polúsque rogo;  
Vnum erit vnus tantum Pastoris ouile,  
Vnus & vnus Pastor ouilis erit.

## XXVIII. OCTOBRIS.

SS. SIMON & IVDAS *Apostoli, Fratres & Martyres.*

I.

**P**ROCUBUERE pari Fratrum par nobile letho,  
Præstitit & tantum Persica terra nefas :  
Dùm negat hic Soli, cultum negat ille Dianæ,  
Lumen vtrique suum sydus vtrûmque negat.  
Quàm benè mors rapit vna duos, quibus extitit  
Vna parens, vnum pectus, & vna Fides ! (olim  
*Persas ad Fidem adduxerunt.*

II.

Heroes gemini, vitiorum monstra fugastis,  
Atque execrandos, numina ficta, deos ;  
Vósque nouæ Romæ Persas domuistis inermes ,  
Quos sibi non potuit Roma domare verus.

## XXIX. OCTOBRIS.

S. NARCISSVS *Ierosolymitanus Episc. ultra centesimum ætatis annum vitam produxit.*

I.

**C**VR teneros quereris citò deflorescere flores,  
Et, quo nascuntur tempore, pene mori ?  
Cum centum, & plures Narcissus vixerit annos,  
Vitam hujus floris quis putet esse breuem ?  
*Deficiente oleo lampadem accensam fouet  
aquâ iniectâ.*

II.

Destitui absumpto lampas cum cœpit oliuo,  
Substituit flammæ pabula Diuus aquas.  
Nil modò non poterit fieri, nutriment ab ipsis,  
Præfulis imperio, si capit ignis aquis.

POETICVS.  
XXIX. OCTOBRIS.

159

S. ERMELINDIS.

*Nè mortali sponso nubat, crines abscindit.*

I.

Tonfile dùm refecas rutilantis verticis aurum,  
Prouida nè capias, vel capiare, tîmes.  
Nam dùm multifidos comit, sua retia, crines,  
His capit, his capitur sæpè puella plagis.

---

XXX. OCTOBRIS.

SS. ZENOBIVS & ZENOBIA Germani MM.  
*securi feriuntur.*

Ite comes fratrique soror, fraterque sorori,  
Et consanguineâ ferte trophæa manu.  
Subdite laurigeræ victricia colla securi,  
Supplicio merces additur apta suo.  
Nam focias quibus ambo caput cingatis honestum,  
Ecce sibi lauros ipsa securis habet.

---

XXXI. OCTOBRIS.

S. VOLFRANGVS Ratisponensis Episcopus, quo  
*pragnans Mater, visa est sibi in somnis stellam  
parere.*

I.

Tranquilli tua, Diue, parens sub imagine somni,  
Sydeream visa est se peperisse facem.

H h vj

Nec sua spes matrem decimo pòst mense fecellit,

Nam multâ radians luce coruscus eras.

Quæ te subripuit terris, mors intulit astris,

Illâ suo sydus reddidit æqua polo.

Vel certè imparibus, rutilumque minoribus astris

Indignit cælum sydere, terra dedit.







# MENSIS NOVEMBER.

---

PRIMA NOVEMBRIS.

*Festum OMNIUM SANCTORVM.*

*Ad Cœlites.*

I.

**S**Tellantis Præceres Aulæ, gens ætheris alti,  
 Quos beat exempto sine fruenda quies ;  
 Laurigerâ portum quæ jam tetigere carinâ,  
 Incutiet vestras nulla carina rates.  
 Quando erit vt vasti per mille pericula ponti,  
 Nos vehat in portus tuta carina suos ?  
 Iam satis infidum dubij tranauimus æquor,  
 Victrici portum sit tetigisse rati. (tes,  
 Mens mihi nauis erit, lacrymæ æquora, vota ruden-  
 Temo timor, gemitus flamina, vela preces,  
 Anchora spes, malus pietas, suspiria remi,  
 Pneuma notus, comites gaudia, vector amor.

## I. NOVEMBRIS.

S. MARCELLVS *Episc. Parisiensis haustam è Sequana aquam, cùm vinum Sacrificio deesset, in vinum vertit.*

## I.

Vix manibus contacta tuis in vina rubescit  
Hydria, Sequanico quæ fuit hausta vado.  
Hæc, Marcelle, tuæ vis est gratissima dextræ:  
Antè dedit palmes, dat modò palma merum.

## I. NOVEMBRIS.

S. GENESIVS *Episc. Lugdunensis datâ in dote<sup>m</sup> pecuniâ, Virginum pudori consulit.*

## I.

Inclusam Danaen seruabat ahenea turris,  
Et vigilum excubiæ murmura rauca canum.  
Iuppiter in pretium versus fulgènsque metallum,  
Virgineos subiit, diuite fraude, linûs.  
Tu pluuium fundis, Genesi, felicior aurum ;  
Scilicèt ex isto nascitur imbre pudor,

*Captiuos Christianos præfenti pecuniâ redimit:*

## II.

Christiadum impositis agmen venale catenis,  
Strinxerat in longas durâcatasta moras.  
Tu, Genesi, pretiòque dato, lytròque soluto;  
Captiuas ferro soluis inerte manûs.  
Cernite quàm dispar sit vis vtriùsque metalli ;  
Quos fulua expediunt, furua metalla ligant.

*Aliud.*

## III.

Diue, patent laxis tibi dura ergastula valuis,  
 Sint licet innumeris robora sepra feris.  
 Scilicet has aperit feliciter aurea clavis,  
 Frangere quas nequit ferrea claua fores.

## I. NOVEMBRIS.

S. BENIGNVS Sacerdos & M. in suos  
*ciues beneficus.*

## I.

Non ego te miror, miseris si ciuibus olim  
 Visus es auxilium ferre, Benignus eras.

*Marcus Aurelius Imp. singulis eius digitis singulas  
 ardentes subulas infigi iussit.*

## II.

Cur te Musa nouo subtilis acumine figat,  
 Diue, tuum celebrat dum studiosa decus ?  
 Te nimium pupugit, nimium terebrauit acumen,  
 Quando fuit digitis subula fixa ruis.

*Ad trochleas & fidiculas damnatur.*

## III.

Luxatum extendat quamuis tibi cochlea corpus ;  
 Nunquam animo poterit par tamen esse tuo.

## II. NOVEMBRIS.

COMMEMORATIO FIDELIVM DEFVNCTORVM.

*De Tabella anima in flammis expiantibus depicta.*

## I.

Cernis vt ambustis facies hier ignea labris,  
 Et stillam modicæ lingua precetur aquæ ?

Vt ferruginei glomerata volumine fumī,  
 Serpat in hirsutas lurida flamma comas ?  
 Ima penetratis furit ignis in ossa medullis,  
 Ignis ubique vorax, ignis ubique furit.  
 Fertur in indomitum jam lacryma serior ignem ;  
 Nam malè ploratas non timet ignis aquas.  
 Dùm licet, ah! veras tu, quisquis es, effuge flammās,  
 Si flammarum oculos terret imago tuas.

---

## III. NOVEMBRIS.

S. VENEFRIDA V. & M. ante aras ad quas  
*confugerat, à proco obtruncatur, quæ in loco  
 fons erupit.*

## I.

Casta domo Venefrida manet, tamen instat Ama-  
 Virginis infractam sollicitare fidem. (tor  
 Illa, Breui, dixit, veniam tibi debita conjux ;  
 Da tamen ornatūs induar antè meos:  
 Hæc ait, inque sacrum festina recessit asylum,  
 Templâ profanato non adeunda pede.  
 Quid non aggreditur, qui pennâ instructus & arcu,  
 Tàm grauis est tortor, quàm leuis ales, Amor ?  
 Templum irrumpit Amans, ipsâsque profanus ad  
 Sacrilegâ refecat colla pudica manu. (aras,  
 Et tanquàm foret icta simul cum virgine tellus,  
 Immaduit virgo sanguine, fonte solum.  
 Scilicèt infleto jaceas nē, Nympha, sepulchro,  
 Te lacrymis fleuit præfica terra suis.

## IV. NOVEMBRIS.

SS. VITALIS & AGRICOLA MM. *inter  
Iudaorum tumulos sepulti sunt.*

## I.

Sanguine purpureus Martyr tumulatur uterque  
Hic ubi Verporum turba sepulta jacet.  
Ne mirere tamen, Lector, sic horrida florent  
Inter purpureæ sæpè vepreta rosæ.

*Ad S. VITALEM.*

## II.

Postmodò perpetuos cum sis victurus in annos,  
Vitali melius nomine dignus eris.

*De S. AGRICOLA ad Lectorem.*

## III.

Sementem Agricolæ si more peregeris antè  
Prouidus, Agricolæ tu quoque more metes.

## IV. NOVEMBRIS.

S. CAROLVS BOROMAEVS PIO IV. *affinitate  
coniunctus, in partem laboris Pontificij  
vocatur.*

## I.

Participem tantorum operum te Magnus adoptat  
Patruus, Aufoniâ qui sedet arce Pater.  
Dùm nouus Alcides fesso succurris Atlanti,  
Ferre orbem, solum te potuisse doces.

*Suos milites Deipara imagine insigniri voluit.*

## II.

Virginis armatur magnæ tuus Icone miles:  
Hoc clypeo nullus fortior esse potest.

*Grassante pestilentiâ vitam suam in certum  
discrimen adducit.*

## III.

Sæua lues plenas viduat furialiter ædes,  
Iámque hebeti Lachesis funera falce metit.  
Tu vastam ( tanta est majestas Præfulis ! ) urbem,  
Quanquàm pene fores vnicus, ipse reple.  
At dùm defectis curas solatia rebus,  
Publica sæpè tibi est insidiata lues.  
Diue, tuis gregibus cùm vitam impenderis ultro ;  
Aut nemo, aut Pastor tu bonus vnus eras.

*Vt pestem famémque Mediolano auertat, iniecto in  
collum fune per urbem graditur.*

## IV.

Dira fames auidè spatiosos pandit hiatûs,  
Et solat vacuas pestis acerba domos :  
Suppliciter graderis tristi per compita vultu,  
Collaque contorto fune recincta ligas.  
Reste quid hâc humeros, quid colla rudentibus  
Dignior alterius, Carle, monilis eras. ( ambis,  
*Plumbeâ glande frustra impetitur.*

## V.

Explosum vomit horrifono cum murmure plûbum  
Machina, Carle, tuum iussa ferire latus :  
At graue barbarici scelus auersata furoris,  
Vix tetigit summam glans venerata cutem.  
Quod simul vt sensit, veniam sibi criminis orans,  
Ante tuos visa est procubuisse pedes.

## IV. NOVEMBRIS.

S. FLORVS *Episc. Fide varijs in locis propagatâ,  
tandem ad Montem Planum, siue Indiciacum,  
cui dedit nomen suum, pervenit.*

## I.

Montem Indiciacum Graiis digressus ab oris,  
Dignus honorifico culmine, Flore, petis.  
Debuit illustris virtus hoc stare theatro,  
Pluribus vt fieret conspicienda locis.

*Aliud.*

## II.

Nè dubita, quin sit Sanflorum vberima tellus;  
Non alio Florus tam benè floret agro.

## IV. NOVEMBRIS.

S. EMERICVS C. *filius Regis Anglorum, Deo  
Deique Matri Virginitatem consecrat.*

## I.

Dedicat intactos Superis Emericus amores:  
Nam quid Cœlitibus gratius ille daret?  
Est rosa, sydereæ sunt lilia grata Mariæ,  
Et violæ, & verni cætera pompa soli.  
Iunge simul casti florem, Mariane, pudoris:  
Vnus præ reliquis floribus ille placet.

EMERICVS *coniux virgo moritur, & in  
Cœlum transfertur.*

## II.

Virgo parens superis Emericum inseuit in hortis:  
Talia non meruit germina vilis humus.  
Quicunque elysios transferri ardescis in hortos,  
Ah! caue nè Cypridis te malus afflet amor.

Nam si lasciuo Veneris marcescis ab æstu,  
Te procùl abijciet virgine Virgo manu.

## V. NOVEMBRIS.

S. ZACHARIAS *Propheta, nato filio, lingua  
vsum recipit.*

I.

**H**Æserat attonito vox interclusa palato,  
Et nullum poterat reddere lingua sonum.  
Nascitur interea Soboles, sonitúmque recentem  
Edidit insolito lingua soluta modo.  
Conticuere omnes, Varisque loquentis ab ore  
Suspensi, auditis obstupere sonis.  
Quin etiam mea Musa tacet, dignóque canendis  
Carminè prodigiis se negat esse parem,  
Nempe tot impediunt portentosa ingentia vócem,  
Dúmque parens loquitur Musa modesta filet.

*In illud Ioan. 1. Ego Vox clamantis in deserto.*

II.

Cur puero nascente patri vox redditur? inquis;  
Publica, si nescis, Vox erat ille puer.

*Ad D. ZACHARIAM.*

III.

Os mutum tibi, Diue senex, & inertia linguæ,  
Pœna recusatæ credulitatis erant.  
At puer exorians vocis tibi reddidit vsum:  
An fileas postquàm vox, pater, orta tibi est?

## VI. NOVEMBRIS.

S. ANDREAS *Fundanus Episc. cuiusdam muliercula  
amore penè captus, omnes fœminas à suis adibus  
procùl amandat.*

I.

**P**Ræful Acidalio propè jam deceptus amore,  
Nostrû, inquit, celebret fœmina nulla larem.



Sic, ait, & vetito procùl omnis fœmina tecto,  
 Omnis abit vetitâ pulsa puella domo.  
 Qui neque vult vri, neque vult fuligine tingi,  
 Fœmineos fugiat, blanda pericla, choros.  
 Ignis edax & dulcè nocens, formosa puella est:  
 At fumo semper proximus ignis adest.  
 Sit procùl à vobis, Mystæ, Venus omnis: iisdem.  
 Non benè sub laribus Mysta Venúsque manent.

---

## VII. NOVEMBRIS.

S: ENGELBERTVS *Coloniensis Episc. & Martyr,*  
*quo nefariè occiso gemina luna in cœlo*  
*conspicitur.*

## I.

ENGelbertus obit numerofo saucius ictu:  
 Tanta est sæuities, tantus in hoste furor.  
 Protinùs illustri fulgescere cœpit olympo,  
 Æthereas augens luna gemella faces.  
 Martyr enim, superis clarum decus additus astris,  
 Fulget in empyreo fax radiata polo.  
 Credere posteritas nè rem ventura laboret,  
 Ecce nouum rutilo sydus in axe micat.  
*Quadraginta plagis confossus obit.*

## II.

Curtoties repetita perit per vulnera Martyr?  
 Námque quater decies saucius ense cadit.  
 Exeat hospitiiis ingens vt corporis hospes,  
 Ianua tantæ animæ non satis vna patet.

ANNVS SACER  
VII. NOVEMBRIS.

S. FLORENTINVS *Episc. Argentinensis Regem  
Dagobertum allocuturus, solis radio vestem  
suam suspendit.*

I.

Florentine, tuos humeris deponis amictûs,  
Liber vt alloquium Regis, & ora petas :  
Nec fulcrum, nec seruus adest, cui pallia credas ;  
Iámque tuas onerat sarcina longa manûs.  
Fortè per angustas tenuissima rima fenestras  
Admisit tremulum sole vibrante iubar.  
Solis ab hoc radio grauidam suspendis abollam ;  
Et noua paxilli munia Phœbus agit,  
Dique, iubeſſe alios poteris procùl eſſe ministros :  
Sol tibi pro famulo, cùm feret vſus, erit.

VIII. NOVEMBRIS.

QUATVOR CORONATI *fratres MM. belluis  
à Diocletiano expoſiti.*

I.

Heroës periere pari, gens inclutra, letho ;  
Quos vtero peperit quattuor vna parens.  
Eſſe feris Diocles, canibûſque voracibus eſcam  
Iuſſerat immiti corpora caſa nece.  
Execrata nefas venerabile funus adorat  
Bellua, nec poſito paſcitur vlla cibo.  
Cùm procùl humanis pietas à ſenſibus abſit :  
Fallor ; an in rabidas tranſiit illa feras ?

## IX. NOVEMBRIS.

S. THEODORVS M. *delubrum Cybeles  
incendit.*

## I.

**F**ANUM vssit Triuiæ Balatro, dùm nominis optat  
Immortale sibi conciliare decus.  
Sed frustra ; nam tùm muta execrabile nomen,  
Quæ fuerat semper garrula, fama premit.  
Delubrum incendis Cybeles, Theodore ; decúsque  
Nominis æternum, quod petit alter, habes.

## IX. NOVEMBRIS.

*Commemoratio CRUCIFIXI Berythenſis  
gladio à Iudaïs impetiti.*

## I.

Rursus in hâc, ô Apella ferox, quid imagine sævis ?  
Ah ! patribus satis est id licuisse tuis !  
Improba Verporum soboles, jam parce sepulto ;  
Durus in exanimes non solet ire furor.  
Irrita sed moneo : nam tortor atrociter instat,  
Quadrifidæque fodit pondera sacra trabis.  
Delirasse suo nè fortè putetur ab ictu,  
Fluxerunt vnâ sanguis & vnda viâ.  
Tàm benè cùm certâ iaculans collineet hastâ ;  
Dicite, cur cæcus fingitur esse furor ?

*Ad CHRISTVM.*

## II.

**Vt** priùs Archetypum, modò dilaniatur imago ;  
Scilicet Archetypum, nè violetur, abest.  
Cùm jam vera pati nequeas, in imagine fictâ  
Pro nobis iterùm vis, puto, Christe, mori.

## X. NOVEMBRIS.

SS. TRIPHON, RESPICIVS &  
NYMPHA MM.

## I.

**B**Is-gemini Heroes, sacro fortissima bello  
Pectora, quos animi feruor ad arma rapit :  
Addita Nympha comes vobis, ne longius erret,  
Qui robor sexûs vnius esse putat.

S. TRIPHONE *orante Iouis simulachrum  
corruit.*

## II.

Debilis euersâ ruerit cum funditus arâ ;  
Quis modò Statorem dixerit esse Iouem ?  
*Ad TRIPHONEM, cuius latera lampadibus  
aduruntur.*

## III.

Exurit flammante latus tibi lampade tortor,  
Vsq̃ue adeò in pœnas ingeniosus erat !  
Decursâ ad metam virtutis vt ocyor ires,  
Admotâ lateri te pupugere face.

## X. NOVEMBRIS.

S. TIBERIVS M. *quem tortor feris obijcit, pater  
lupanari includit.*

Plûs-nè tibi noceat Genitor, tibi plûs-nè Tyrannus ;  
Non satis in dubium res reuocata liquet.  
Vt Genitor sine more furit, sine more Tyrannus,  
Blanditiis Genitor pugnat, & iste minis.  
Lenoni te, Diue, parens, tortorque leoni  
Obijcit ; hosque tibi vellet vtérque truces.

Tu

Tu tamen & Paphias, blandita pericula, fraudes,  
 Et rabidas vincis dispare laude feras.  
 Namque tibi minor est Libycos superare leones  
 Gloria, lasciuas quàm superare lupas.

## X. NOVEMBRIS.

S. THEOCTISTA *V. cuius mortua, manum cum  
 Venator abscondisset, non nisi hac restitutâ è portu  
 soluere potuit.*

## I.

Dùm ceruos Venator agit, damâsque fugaces,  
 Festinôque ruit per nemus omne gradu:  
 Dùmque vagos oculorum orbis huc jactat & illuc,  
 Corpus in exanimum Virginis ora tulit.  
 Illa feras inter, nemoralibus abdita lustris,  
 Vixerat æthereis non nisi nota Choris.  
 Accurrunt, pia turba, canes, & supplice gestu,  
 Sacra recuruato lipsana crure colunt.  
 Virginis exanimem Venator acinace dextram  
 Amputat, & prædæ diuitis instar habet.  
 Cùmque ratem repetit ventis sua vela daturus,  
 Hæret in immoto pigra carina vado.  
 Et neque remigibus (remos nam turba fatigat)  
 Et neque ventorum flamine mora cedit.  
 Quæ mora, quæ remora hærentem tenet abdita na-  
 Hanc tenet vnus Virginis vna manus. (uicm

## XI. NOVEMBRIS.

S. MARTINVS *Turonensis Episc. suâ se veste  
 adhuc Miles exiit ut egenum indueret.*

## I.

R. Omuleas dum tyro Aquilas & castra secutus,  
 Primaque Pannonius miles in arma venit.  
 Tom. II. I i

Dúmque datis camporũ æquor permensus habenis,  
 Stérnacem armatâ calce fatigat equum :  
 Ecce tibi nudum squallorem ostentat egenus,  
 Oraque cecropiis pallidiora fauis :  
 Protentâque manu tenuem miserabilis Irus  
 Et dextrâ, & linguâ supplice poscit opem.  
 Ter, quater excussus loculus pia vota fefellit,  
 Nam vacuûs nullo tinnulus ære sonat.  
 Non tulit hoc animis Miles, chlamydémq; rotato  
 Protinûs in partes dissecat ense duas.  
 Partem inopi generosus Eques largitur, & omnem,  
 Si cui det liceat scire, daturus erat.  
 Nam cum dimidiâ rectum te Christe videret,  
 Dimidiæ partem nollet habere togæ,

Ad D. MARTINVM.

II.

Se tibi pannoso Christus sub tegmine sistit,  
 Et rogat exigua voce manûque stipem.  
 Quid facies? nullo tibi zona tumescit ab auro;  
 Vendere te cupias ipse; sed emptor abest.  
 Quos geris, ex humeris raptos partiris amictûs:  
 In mediâ, mediâ se regit ille togâ.  
 Proh Superi! quantas toga longa necesse sit vlnas,  
 Immensum cuius pars regit vna Deum.

D. MARTINVS *media vestis parte*  
*cælum emit.*

III.

Parte sagi præparcus Eques sibi comparat omnem  
 Æthera; non poterant astra minoris emi.  
 Si tamen hoc pretio rursus venalia persistant.  
 Sydera, vix emptor, qui licitetur erit.

DEIPARA *sanctas inter* THECLAM &  
AGNETEM D. MARTINO *se*  
*videndam exhibet.*

## IV.

Thecla latus cingit, cingit quoque Virginis Agnes,  
Dùm stetit ante oculos, Diue, videnda tuos.  
Hæc formosa tibi cùm se spectacula pandunt,  
Vnam bina inter lilia cernere rosam.

## XII. NOVEMBRIS.

S. MARTINVS *Pontifex Maximus & M. quem*  
*sacris operantem ad aram Virginis, dum licetor*  
*necare aggreditur, repente fit cæcus.*

## I.

Virginis obiecit jugulum Martinus ad aram,  
Quisque prius Pastor, victima penè fuit.  
Non tamen id sceleris tortor tentauit inultus,  
Námque premit fontem pœna secuta comes.  
Qui tentat, Martine, tibi furialibus ausis  
Vsuram lucis tollere, luce caret.

## XII. NOVEMBRIS.

S. MENNA *strenuus Christi Athleta.*

## I.

Sanguine, non oleo fortes perfunditur artûs,  
Prælia dum Fidei miles & arma gerit.  
Auspice qui Christo, valido luctatur agone,  
Hoc ceroma sibi postulat esse Pugil.  
*Quâ Martyr erat transiturus ferrei muricos*  
*sparguntur.*

## II.

Muricibus via tota tibi consternitur vncis:  
Ocyor his stimulis incitus astra petes.

I i ij

ANNVS SACER  
XII. NOVEMBRIS.

S. CUNIBERTVS *Coloniensis Episc. cuius sacrificantis  
caput columba è cælo ambire visa est.*

I.

Præsul adorandas sacris operatus ad aras,  
Dùm litat æterno liba verenda Deo,  
Ecce percipiens volitantes leniter alas,  
Ambiit attonsum pura columba caput.  
Sit procul hinc trifidi gestatrix fulminis ales,  
Cæsareis olim visa sedere comis :  
Alituum reliquas inter, Cuniberte, cohortes,  
Moribus est volucris concolor ista tuis.

---

XIII. NOVEMBRIS.

S. HOMOBONVS *C. dato egenis, quod vinea  
fossoribus deferebat, vino; infusam cado  
aquam in vinum vertit.*

I.

Vinitor expectat pactæ sibi vina lagenæ,  
A te sub medium, Diue, ferenda diem.  
Obuius est tibi cœtus inops, vinumque poposcit,  
Et sitiens, vinum quod sibi poscit, habet.  
Iam cadus à bibulis aret siccatus egenis;  
Iam leuis exhaustum non habet orca merum.  
Ast infusa cado, querulisque oblata colonis,  
Transiit in Bacchum, quæ modò Thetis erat.  
Quid vanus tua, Diue, labor vineta fatigat,  
Si tibi gratuitum sponte sit ynda merum?



*Cum noctu accedebat ad Templum, clausæ fores  
ei sponte patebant.*

## II.

Urbe silent totâ, claroque micantia cælo  
Sydera, nocturnis Luna pererrat equis.  
Intercâ properas ad clausam Numinis Ædem;  
Moxque tibi verso janua poste patet.  
Quis neget acceptum Regi, cui protinus Aula  
Sponte suâ patulas pandit aperta fores.

## XIII. NOVEMBRIS.

*S. MAXELLENDIS V. & M. quam cum proci  
obtruncasset, subito excacatur.*

## I.

Dùm tibi lucem adimit, Virgo, furiosus amator,  
Lucem oculis captus sensit abesse suis.  
Cur tamen admissio dedit hanc pro crimine pœnâ?  
Nè sit vana dehinc fabula, cæcus Amor.

## XIV. NOVEMBRIS.

*S. LAURENTIUS Episc. Dublinensis triginta  
egenos quotidie ad mensam adhibet.*

## I.

**T**Erdeni tibi quaque die numerantur egeni,  
Quos socios mensæ vidimus esse tuæ:  
At modò sydereis conuiuere iussus alumnis,  
Pleno delicias ætheris ore trahis.  
Dignus hic æthereis conuiua recumbere mensis,  
Qui sibi conuiuas quærit habere pares.

*Post eius obitum lux immensa effulsit.*

## II.

Hic vbi, Laurenti, moreris, lux posthuma fulsit :  
Sol vel in occasu fulgidus esse solet.

## XV. NOVEMBRIS.

*S. ABIBVS M. post varia tormenta tandem in ignem conijcitur.*

## I.

**E**T laceros artûs & hiulca immaniter ora ,  
(Præstitit id crudus tortor) Abibe, geris.  
Nè tanti super vlla forent monumenta furoris ,  
Esca voraturis traderis esse rogis.  
Non tamen in cineres flammis consumptus abisti ;  
Nam sua Phœnicem nunc quoque busta nouant.  
Mulciber abstulerat quicquid populabile flâmâ est ,  
Terrenæque super nîl tibi fæcis erat :  
Vtque petit domitis Tirinthus æthera flammis ,  
Herculeâ pariter scandis in astra viâ.

## XVI. NOVEMBRIS.

*S. EDMUNDVS Cantuariensis Episc. amorem in Deiparam suum dato annulo testatur.*

## I.

**E**dmundus rutilo iuuenis pretiosior auro,  
Rara Caledoniæ gemma nitôrque soli ;  
His pignus, quo ritè suos consignat amores ,  
Imperat ad Mariam protinus ire sonis.  
Annule sydereæ dextram vincture Patronæ ,  
Tu nota perpetui certa Clientis eris :  
I velox, digitôque tenax constanter inhære ,  
Orbiculo sacram circumeunte manum.

Vtque reuerſurum ſine fine recurris in orbem,  
Sic meus exempto ſine perennet amor.

D. E D M V N D V S *ad eundem Annulum.*

## I I.

Annule perpetui reuolubile pignus amoris,  
Annule virginæ parua corolla manûs;  
Paruus es, & magnus, neq; enim diſſentit vtrumque:  
Paruus, at in dextra virgine magnus eris.  
Te manus aurificis tenuem lunauit in orbem,  
Virgo tuum toto ſparget in orbe decus.  
Dummodò ſydereâ rutilis, breuis annule, dextrâ,  
Dummodò ſis digiti dulce ferentis onus;  
Nil opus eſt vacuam gemma impleat altera palmâ:  
Illa manus gemmæ nobilis inſtar erit.

*Annulum quo fidem ſuam Parenti Virgini obſignâ-  
rat, ſecum ſe peliri iuſſit.*

## I I I.

Supremâ morientem animam iam luce trahebas,  
Deplerâtque ſuam iam tibi Parca colum:  
Tu quæ Virginei fuit obſes honeſta pudoris,  
Sit tumulo, mandas, gemma repoſta tuo.  
Nec mora quo tegitur buſto ſepelibile corpus,  
Hoc pariter viſa eſt pronuba gemma tegi.  
Sic poſt fata etiam viuit ſacer ardor amoris,  
Suppoſitôque calet poſthumus igne cinis.  
Finiit extremam tibi mors placidiſſima vitam,  
Non tamen illa tui ſinis amoris erit.

*Semel atquè iterum crucem oſculatus in Chriſti  
ſinu expirat.*

## I V.

Extremos fugiente anima ſuper halitus errat,  
Vixque breues numerat iam tuâ vitâ moras:

I i iij

Nota tibi objicitur Christi morientis imago;  
 Atque datur manibus, Diue, terenda tuis.  
 Oscula mille labris libas, mille oscula plantis;  
 Oscula mille oculis, oscula mille genis:  
 Deponisque tuam sub hiulco pectore vitam;  
 Dic age, quis tumulus dulcior esse potest?

## XVI. NOVEMBRIS.

S. EVCHERIVS *Lugdunensis Archiepisc. suavi  
 scribendi facultate præditus.*

## I.

Intingunt alij calamos loligine nigrâ;  
 Quo tuus imbuitur, dulce mel esse puto.

EVCHERIO *Galliarum Primate, amba eius filia  
 Deo dicata in sacro Parthenone  
 latent.*

## II.

Dùm meriti Eucherus fastigia scandit honoris,  
 Primitio iussus Præfulis esse loco:  
 Filia sub sacro latebras amat vtraque velo,  
 Nimirùm quando sol nitet, astra latent.

## XVII. NOVEMBRIS.

S. GREGORIUS THAVMATVRGVS *Neocæsariensis  
 Episc. ut Templo adificando locum  
 faceret, montem aliò transfert.*

## I.

**A**N rursùm Enceladus jaculatur in aëra mōtes?  
 Rursùm an impositum Pelion Ossa feret?  
 Scrupea condendæ rupes ne obfisteret Ædi,  
 En natalitio cessit abacta loco.

Hla tuæ, Præsul, sunt iussa potentia vocis,  
 Nam dextræ vlliùs non fuit illud opus.  
 Non ego te vastis conferre Gigantibus ausim;  
 Viribus Ægæon est minor ipse tuis.  
 Impare conatu montes iactatis utræque;  
 Tu solis vsus vocibus, ille manu.

G R E G O R I I & *Amphionis fides potens.*

## I I.

Quis nouus Amphion validæ molimine vocis  
 Eruit ex imo saxa reuulsa solo?  
 Gregorij hoc opus est, vacuas qui iactat in auras.  
 Montis onus, pulsæ mobile more pilæ.  
 Causa vtriùsque fides, nam saxa immania mouit  
 Hic Fidei fretus viribus, ille fidis.

*Lycum fluiuium exundantem fixo in ripâ scipione  
 repressit.*

## I I I.

Iam Lycus oppositas fracto ruit aggeris moles:  
 Iam pereunt hominum, iam quoq, facta bouum.  
 Nare prius solitum summâ pecus hæret in vlmo,  
 Fixit vbi luteos plumea turba lares.  
 Virga tamen fluctûs ripæ depacta repressit,  
 Vix benè contacto visa virere solo.  
 Nemo mihi æquorei iactet miracula sceptri:  
 Hic baculus trifidâ cuspide maior erit.

*Ad D. G R E G O R I V M.*

## I V.

Immemor acceptæ legis cursûsque modesti,  
 Flumen in vndantes exspatiatur agros.  
 Tu cursum antiquum reuocas, fluiuiumque tumentē  
 Limitibus cogis currere, Diue, suis.  
 Te magnorum operum Deus in consortia poscit:  
 Tu fluiuiis legem ponis, & ille mari.

## XVIII. NOVEMBRIS.

S. ROMANVS M. *etiam abscissâ linguâ Christum loquitur.*

## I.

**N**I fileat Fideique loqui mysteria cesset,  
Cùmque suo vanum dicere Marte Iouem;  
Protinus excisis radicibus eruta fibris

Quod dare lingua negat sponte, coacta dabit.  
Sic licet tonat ore minax; at scommata Martyr  
Iactat in infames liberiora deos.

Adduntur sua facta minis, linguamque reuulsam  
Stirpitibus, extemplo barbara dextrâ trahit.

Elingui licet ore foret, tamen usque tenacem  
Clarius elingui nuntiat ore Fidem.

Tam bene quæ memorat diuinæ oracula legis,  
Debuit hæc etiam lingua resecta loqui.

*Aliud.*

## II.

Quæ causam euicit muto defensa patrono,  
Romani inuictam quis neget esse fidem?

*Aliud.*

## III.

Inuicti Herois sortem ne crede dolendam;  
Integer est animo, sit licet ore lacer.

*Cremari iussus tardos bustuarios ignavia damnat.*

## IV.

Passurus flammæ æstum Romanus edacem,  
Tortorum ignauas increpat usque moras:

Dumque rogis ardere ardet rapidissimus ignis,  
Quo nihil est leuius, creditur esse piger.

## XVIII. NOVEMBRIS.

S. BERULA M. *puer cùm esset, flagris  
caditur.*

## I.

Cur Berulam ætatis teneræ fera taurea cædit?  
Flagra decent puerum: se probat ille virum.

## XIX. NOVEMBRIS.

S. ELIZABETHA, *Vidua, filia Rêgis Hungaria,  
spretis prioris vita deliciis totam se Cruci  
Deoque consecrat.*

## I.

Pendent infami dum cernis ab arbore Christû;  
Hæc dare verba tuus iussit, Elisa, dolor.  
Telluris sordentis onus, me coccina velant:  
Ipse tuo tinctus sanguine, Christe, rubes.  
Stemma mihi rutilum gemmis radiantibus ardet;  
Serta tuum cingunt sentibus hirta caput.  
Dúmque ego puluillos, & picta tapetia calco;  
Quæris vbi capitis triste recumbat onus.  
Ordine me longo famulantûm turba coronat:  
Christe, tuum stipant hostica turba latus.  
Vos, Superi, prohibete nefas, ne mollia posthac,  
Sub tam spinoso vertice membra geram.  
Nam neque fas, neq; jura sinunt, rerû ordine verso,  
Vt tibi sint spinæ, sint mihi, Christe, rosæ.  
Quo potero squallore, tuos imitata dolores  
Dicar, & hæc vitæ tempora tristis agam.  
Ah! facies nullo rubeat miniatula fuco:  
Me melius Sponsi sanguine pinget amor.  
Ite procûl rutili, Regum nitor, ite pyropi:  
Nobilior poterit sub Cruce gemma legi,

Nec nostrum diadema caput de more coronet ;  
 Spina mihi laceras ambiat vnca comas.  
 Tollite sutilibus variata tapeta figuris ,  
 Crux mihi, quo recubem, postmodò lectus erit.  
 Nec comitum mihi turba latus numerosa fatiget ,  
 Sit famulus mœror, sit mihi verna, dolor.  
 Vtque gemit socio viduata Columba Columbo,  
 Sola gemam viduo, sic ego Sponsa toro.  
 Sic ait; & pedibus generosa subegit Amazon ,  
 Quicquid terrarum maximus orbis habet.  
 Sæpe mares animos imperturbata Virago ,  
 Fœmineos animos vir quoque sæpe gerit,  
 An scelus, an feritas, an mollia facta virorum ?  
 An pietas sexûs deterioris erit ?  
 Ah! pudeat mutare vices, maribûsque puellas ,  
 Et nos fœmineis sensibus esse viros.

S. ELIZABETHA *post obitum suauem odorem  
 afflauit.*

## II.

Pannoniæ prælustris honos & gloria terræ ,  
 Quæ vicisti animi nobilitate genus :  
 Te tumuli probat esse nouum fragrantia florem ;  
 Exciso remanet germine floris odor.

## XIX. NOVEMBRIS.

S. BARLAAMVS *M. cuius dextera ignis & ihus  
 impositum est, ut diis sacrificare videretur.*

## I.

Et dextræ imposuit prunas & ihura Tyrannus :  
 Ritè aram Pugilis sic facit esse manum.



*Aliud.*

## II.

Dextera, Diue, tibi fragrat, tibi dextera flagrat :  
Suffitu fragrat thuris, & igne flagrat :

---

## XX. NOVEMBRIS.

S. EDMUNDVS *Anglia Rex M. cuius caput à  
Iugare Dania Rege amputatum lupus.  
tutatus est.*

## I.

**M**Ortem, Edmundè, tibi furiis agitarus iniquis.  
Iam duro intulerat perfidus ense Iugar.  
Abiecti dumeta inter siluestria, custos  
Præclarus capitis cernitur esse lupus :  
Dùmque cauâ funus tumulandum effertur in urnâ,  
Exululat totâ bellua mœsta viâ.  
Nempè feræ rabiem morésque imitante Tyranno,  
In placidâ feritas desit esse ferâ.  
Fertur in ora lupi quondâm transisse Lycaon ;  
Nunc hominum in mores transiit iste lupus.

---

## XXI. NOVEMBRIS.

PRAESENTATIO BEATAE MARIAE VIRGINIS.

## I.

**V**Ix benè tres numerat Virguncula trimula bru-  
Vix bene materno cœsit alumna sinu: (mas,  
Templi adytum, placitâsque petit perneciter aras,  
Victima placando non inhonora Deo.  
Sumite cœlestes habitantia Numina sedes,  
Sumite quod nostro maius in orbe fuit.  
Námque suo latè quæ continet omnia gyro,  
Terra nihil maius quod dare possit, habet.

Ad DD. IOACHIMVM &amp; ANNAM,

## II.

Anna parens, seniôrque pater, quibus aurea cæli  
 Sylera felici prole dedere frui :  
 Non erit hæc vestri generis postrema propago ,  
 Parturiet fructûs flosculus iste suos.  
 Vestra licet nullis sociata cubilibus, ambos  
 Vos faciet magni Nata Nepotis Auos. i  
 Vnicus ille quidem, tamen vnicus ille futuros ,  
 Et qui sunt superat, quique fuere, viros :  
 Et nusquàm annorum per tot vaga sæcula , Natus  
 Maior erit, maior Filia, major Auus.  
 Vósque eritis vestrà tantummodò Prole minores,  
 Vestra suâ Proles Prole futura minor.

## XXI. NOVEMBRIS.

S. COLUMBANVS C. *spretis matris minis &  
 blanditiis ad Christi militiam tendit.*

## I.

Dilaniat mater sparsos sine lege capillos ;  
 Infestâque caput tundit anile manu:  
 Et, Quæ causa fugæ? clamat; quis, Nate, dolentis  
 Postmodò solamen dulce parentis erit?  
 Hæc & plura refert, voces dictante dolore ,  
 Nunquàm turbidior visa fuisse parens.  
 Tu tamen inrepidus per amica pericula victor  
 Effugis, & Christi miles ad arma volas .  
 O! quas te memorem media inter prælia lauros  
 Carpere, si palmam vel fagiendo refers!

## XXII. NOVEMBRIS.

S. CÆCILIA V. & M. iam nubilis corpus  
cilicio donat.

## I.

I Am dorem tædâsque parat, iam flammea mater,  
Tibia iam carmen connubiale canit.  
Cæcilis hirsuto stringit sibi corpus amictu,  
Hæc quoque Virgineis cœtibus arma decent.  
Scilicet illæsi studiosa puella pudoris,  
Prouida legitimos hæc parat arte toros.  
Virginitas vt tuta suo seruetur ab hoste,  
Astringi zonâ nobiliore nequit.

CÆCILIA *Angeli aspectu, Angelus Cæcilia  
cantu capitur.*

## II.

Cæcilis Aligerum fixis aspectat ocellis,  
Visa vetecundo Cælitis ore capi.  
Cæcilin auscultat pariter cœlestis Ephebus,  
Dùm vocale manu præpete pangit ebur.  
Dispariles, pariles-nè vocem? capiuntur vtérque:  
Illa suis oculis; auribus iste suis.

*Euangeliorum librum in sinu gestat.*

## III.

Credita nobilibus diuina oracula libris,  
Condis in arcano cauta puella, sinu,  
Quis modò Palladias Sophiæ tibi denegat artes?  
Cor pluteus, pectus bibliotheca tuum est.

*Aliud.*

IV.

Quàm tibi sint cordi sacrata volumina, monstras  
Hæc cum sub medio corde locanda putes.

*Triplici vulnere saucia moritur.*

V.

Vulnere tergemino ceruix fuit icta Puellæ:  
Icta quidem, sed non victa Puella fuit.

## XXIII. NOVEMBRIS.

S. CLEMENS summus Pontifex, ad cuius preces  
*Agnus fontem pede elicit.*

I.

SACRORUM Antistes summus, cui nobilis album  
Infula tergemino cinxit honore caput:  
Euxini procùl exul abit trans æquora Ponti,  
Visus ubique sui nominis esse memor.  
Nam nullus cum rura liquor, faucésque rigaret,  
Aruaque torreret Syrius, ora sitis:  
Tronus humi geminas tendens ad sydera palmas.  
Supplicat, & riguæ munera poscit aquæ.  
Vix benè supplicibus pulsauerat æthera votis,  
Finierátque suas vix benè lingua preces:  
Ecce tibi insolitum, & cunctis latabile monstrum,  
Effossam pedibus sufficit Agnus aquam.  
Credula gens Varum, fallique & fallere docta,  
Bellerophontem quid celebratis equum?  
Elicit volucri nullos equus vngue liquores:  
Agnus erat placitas qui pede fodit aquas.

## Ad D. CLEMENTEM.

## II.

Et ficit, & sacrae purgari aspergine lymphæ,  
 Quæ te circumstat, plurima turba petit.  
 Nè delint quibus ora riges, & crimina lustres,  
 Dat famulas geminis vñibus Agnus aquas.

*Ad Tortorem, qui appensâ ad collum anchorâ  
 Diuum CLEMENTEM in mare deiicit.*

## III.

Prægravis innocuum cur deprimit anchora collū?  
 Alterius ceruix digna monilis erat.  
 Quæ mersura suo tibi pondere visa natantem,  
 Hæc erit in mediis anchora suber aquis.

*Aliud.*

## IV.

Non hâc mole Fides quatitur, quæ pendula collo  
 Martyris, in medias æquoris iuit aquas.  
 Scilicet vt fessas firmat grauis Anchora naues;  
 Anchora sic solidam fulciit ista Fidem.

## XXIII. NOVEMBRIS.

S. CLEMENS *Episc. Metensis fato functum  
 vita restituit.*

## I.

Indignum mors ausa nefas, tibi, Diue, sodalem.  
 Tollit, inexpletam falce secante colum:  
 At pastoritio corpus quo tangis inane,  
 Territa Parca procùl cessit abacta pedo.  
 Quis modò tam timidæ paueat formidine mortis,  
 Quæ baculo leuiter percutiente fugit?

ANNVS SACER  
XXIII. NOVEMBRIS.

S. FELICITAS M. *postquàm septem filios  
confirmasset in Fide, Martyrij coronam  
ipsa adeptæ est.*

I.

Pignora quæ septem peperisti corpore mater,  
Hæc iterum septem pignora mente paris.  
Dumque omnes vno moriuntur funere Nati,  
Quæ mox passura es corpore, mente subis.  
Mater iô felix, iô felicissima Martyr!  
Bis paris, & binâ morte perempta cades.

*Aliud.*

II.

Fortunata nimis, pareres dum pignora mater,  
Fortunata magis, dum morentur, eras.  
Nam matrem soboles, quam tu præmittis Olympo,  
Te nascendo minùs, quàm moriendo probat.  
Reddiderat reliquas sobolis gentura parentes;  
At tu Natorum morte vocanda parens.

XXIV. NOVEMBRIS.

S. CHRYSOGONVS M. *qui iacitur in mare  
mortuus.*

I.

**F**Rustrà Chrysogoni cineres iaciuntur in æquor;  
Eluitur nullis tam graue crimen aquis.

*Ad D. CHRYSOGONVM.*

II.

Aureus est, longèque ipso pretiosior auro,  
Si tamen auro aliquid ditius esse potest.

At tua qui duro fodit præcordia ferro,  
Ferreus; aut ferro durior ille fuit.

## XXIV. NOVEMBRIS.

S. FIRMINA V. & M. ad cuius amplexum cum  
extenderet procus brachia, obriguerunt.

## I.

Iacturam passura fui Firmina pudoris:  
Heu! thalamo Veneris victima clausa dolet.  
Quid faciat? quibus vfa dolis Virguncula certet?  
Qua fuget arte avidum flebilis agna lupum?  
Exhibet illa preces cælo, miracula cælum;  
Castaque virginibus militat æthra suis.  
Nam quas Firminæ collo circumdat amator,  
Protinus enerues obrigere manus.  
Illum saxificæ vultus vidisse Medusæ,  
Brachia dum nequit vincta mouere, putes.  
Ah! caue, quisquis is es, sponsâ qui Numinis ambis,  
Riualem nocuit semper habere Deum.

## XXV. NOVEMBRIS.

S. CATHARINA V. & M. rotâ torquetur.

## I.

**T**hesbites non vnus erat, quem turbinis instar  
Intulerit patulo flammea rheda polo:  
Nam quibus est rabidi iussu districta Tyranni;  
His Catharis consors fertur ad astra rotis.  
*Ex eius plaga lac fluxit pro sanguine.*

## II.

Mors vitæ fuit apta tuæ: Num debuit esse  
Lactea mors, cuius lactea vita fuit?

*Lac D. CATHARINAE virginum.*

III.

Lac signum in æliquis læsi solet esse pudoris ;  
In te seruati, Virgo, pudoris erat.

*Dina CATHARINA Martyr incruenta.*

IV.

Sit licet effuso nullus sine sanguine Martyr ;  
Hæc non effuso sanguine Martyr erit.

*Ad D. CATHARINAM.*

V.

Cæsaris imperio messor, Catharina, satelles  
Abstulit ex humeris colla resecta tuis.  
Miratur stupefacta cohors, tibi sanguine nullo  
Cervicis nitidas erubuisse niues.  
Criminis ut pudeat, factæque in Virgine, cædis  
Debuit in vultu Cæsaris esse rubor.

*Aliud.*

VI.

O Virgo ! quam te memorem ! te-ne esse puellam ?  
Te-ne licet matrem dicere, te-ne virum ?  
Te sexus negat esse virum, pudor esse parentem ,  
Virgineos fufum lac negat esse sinûs.  
Vir tamen es, pariterque parens, innuptaque virgo,  
Virgo pudore, vir es robore, lacte parens.



## XXVI. NOVEMBRIS.

S. PETRVS *Alexandrinus Episc. cui Christus se  
per visum obtulit, conscissa impiè ab  
Ario veste.*

## I.

**H**Ei mihi! quò mentes non abripit auius error,  
Cum semel à recta flectitur ille Fide?  
Impius in partes tunicam laceravit Arius,  
Quam licetor ravidâ non scidit antè manu.

## XXVI. NOVEMBRIS.

S. CONRADVS *Episc. Constantiensis, delapsam,  
cùm sacrificaret, in sacrum Calicem araneam,  
innoxius bibit.*

## I.

Dùm litat æterno sacratus Mysta parenti,  
Ore renascentem parturiente Deum:  
Lapsus Araneolus calici se reptilis infert,  
Inque salutifero mors later ipsa scypho.  
Id, Conrade, rides; tamen imperterritus hauris  
Quæ tibi sunt tutâ pocula sumpta manu.  
Vix bibulo intulerat se turpis araneus ori,  
Cum celer illæso Flaminis ore fugit.  
Nimirum vetiris malus hospes ab ædibus exit:  
Vnâ non habitant vitæque morsque domo.

*Ad D. CONRADVM.*

## II.

Toxica cur metuis, quæ putris aranea fudit,  
Incestare sacrum turpiter ausa scyphum?  
Ebibe quidquid id est, generoso interritus haustu,  
Virus & antidotum continet ille Calix.

S. SILVESTER C. *viso adolescentis olim pulcherrimi cadauere respiscit.*

## I.

Ibat ouans mollésque procus spirabat amores ,  
Cui Siluestre aliud nil nisi nomen erat.  
Fortè cauernosum scrutans vespillo sepulchrum ,  
Eruit effossâ putre cadauer humo.  
Constitit hîc, longoque olim quæ nouerat vsu ,  
Vix foci j vultum nouit & ora sui.  
Hei mihi ! quæ tabes, clamat ; quis putor in illo ;  
Qui pulchræ Veneris nuper Adonis erat !  
Ille venustatum specimen, Charitûmque theatrum,  
Afflabat teneras qui prius ore rosas ;  
Occidit, & modicæ spatium vix occupat urnæ ,  
Cui nimis angustus, quâ patet, orbis erat.  
Heu! vbi frontis honos, vbi dentis eburneus ordo;  
Comptaque crispatæ margo decora comæ ?  
In tenuem cuncta hæc cinerum dilapsa fauillam  
Intulit exiguo perbreuis hora rogo.  
Quid tamen hæc horres notos in imagine vultus?  
Ille quod est, id eris, tu quod es, ille fuit.  
Sic fatus, frangitque tuos, Puer aliger, arcûs ;  
Extinguitque tuas, Cypria lena, faces.  
Et patriâ fugit vrbe procul, nam quicquid ab illis  
Temporibus vitæ duxit, eren us habet.  
Tu Paphiæ quicunque Deæ succenderis igne,  
Sæpius hoc speculum consule, castus eris.

## XXVII. NOVEMBRIS.

S. IACOBVS INTERCISVS M. cùm à fide  
defecisset, acceptis à matre literis, ad se &  
ad Christum redit.

## I.

N Vminibus iam visus erat, quæ Per sis adorat,  
Desertor posito thura litasse foco.  
Quam castus dictavit amor, quam lacryma tinxit,  
Maternâ missa est litera scripta manu.  
Et lacrymas legit ille piæ vocêsque parentis;  
Et lacrymæ & voces non leue pondus habent.  
Ergo remolitis, quas antè sacrauerat, aris  
Despuit, & vanos increpat ore Deos.  
Non impunè tamen, nam quas interritus Heros  
Pertulit, in pœnas vix satis vnus erat.  
Et modò pes, modò dextra manus, modò crura se-  
Perque pios artûs carnificina meat. (cantur,  
sic Iacobe, cadis; perque omnia membra minutim  
Cæsus ab inflicto vulnere nomen habes.  
Nempè alii subeunt cultu pro Numinis vnam;  
Vidimus innumeras te subiisse neces.

*Suam in Christum perfidiam feliciter  
obliterat.*

## II.

Dic age, nùm pudor est, Christo quam ritè sacraras,  
Perfide iurataam deseruisse Fidem?  
Cùm tamen æqua tuis numerentur vulnera mēbris,  
Corpore te toto pœnituisse liquet.  
Scilicèt hæc felix culpa est, nec inutile crimen;  
Vltrò consequitur quod sua pœna comes.  
Noxia quæ reliquis oberant, tibi crimina profunt;  
Nec tam culpa nocet quàm metanœa iuuat.

Felices nimium, sua quos dispendia ditant,  
Et quibus antidotum pota venena ferunt!

## XXVIII. NOVEMBRIS.

S. STEPHANVS *M. adulterij falso à foemina  
accusatus, quam propria soboles  
laniat.*

## I.

**L** Abis erat, maculæq; expers, Stephanusq; mari-  
Et cane vitabat peius, & angue toros. (tos  
Hunc tamen efficto traduxit adultera probro,  
Ereptaque reum virginitatis agit.  
Quid trepidas illæse pudor? desiste moueri:  
Exitium peperit perfida lena suum.  
Nam quibus exierat, lacerauit viscera proles:  
Tuta parens, si non parturiisset, erat.  
Expetiit meritas vindex Rhamnusia pœnas:  
Vipera non aliter debuit illa mori.

## XXIX. NOVEMBRIS.

S. SATURNINVS TOLOSATIVM Episc. & M.  
*feroci tauro alligatus per abrupta raptatur.*

## I.

**S** ypplicij deformæ genus! crudelis imago!  
Barbaries ipsis vix satis apta Getis!  
En trahit in præceps Capitoli è limine taurus,  
Membra catenati sanguinolenta Senis.  
Circumfusa ruit pubes, stimuloque frequenti  
Indomiti fodicat terga ferina bouis.  
Ille importuno tanquam furia tus asilo,  
Et per iniqua fugax, & per acuta salit.  
Hic cerebro terra inficitur, taboque senili,  
Strata illic fluido sanguine sparsa rubent.  
Seminecem

Seminecem vepreta secant, passimque resultat  
 Saxa repercussum per salebrofa caput.  
 Squallida canities, concretaque sanguine barba  
 Hæret inexplicitis illaqueata rubis;  
 Tristes reliquias, auulsaque fragmina membris,  
 Parsque viæ partem corporis, omnis habet.  
 Saturnine, tuæ præfens tutela Tolosæ,  
 Intulit hæc meritis te laniena polis.  
 Terra artus laceros, animus tenet astra: vir vnus  
 Vno non poterat tantus inesse loco.

## XXX. NOVEMBRIS.

S. ANDREAS *Apostolus biduum è cruce pendet.*

## I.

Am geminos soles, totidémque ex ordine noctes,  
 Triste senex duri stipitis hæsit onus.  
 Suspirat rutilos oculorum obtutibus orbes,  
 Et meliore sui voce sub astra volat.  
 Sic trepidat motis vinctus Iouis armiger alis,  
 Dùm laqueus fursùm, quò cupit, ire vetat.  
 Sæpè vocat mortem, mors sæpè vocata recedit,  
 Quæ tamen inuitos sub sua iura rapit.  
 Cur tamen occlusâ mors dura auertitur aure?  
 Antè aurita nimis, cur modò surda manet?  
 Scilicet illa suæ cladis non immemor, olim  
 Quo victa est, lignum rursùs adire timer.

*E Cruce ad populum concionatur.*

## II.

Dùm velut è cathedra, facundus ab arbore pendes,  
 Circumfusa tuo pendet ab ore cohors.

S. ANDREAS *Apostolus* S. PETRI *Frater germanus.*

## III.

Vt Fratres vos nemo neget, par nobile Fratrum,  
 Par fuit interitus, par quibus ortus erat.  
 Ambobus dedit vna parens almo vbere vitam;  
 Ambobus pariter Crux dedit vna necem.  
 Vita soror fuerat geminis vt Fratribus vna;  
 Sic mors est geminis Fratribus vna soror.  
 Vt lac matris idem, cruor est & funeris idem;  
 Lacte madent cunæ, sanguine fata rubent.  
 Retia piscosas iactauit vterque per vndas,  
 Moribus & vitæ conditione pares.  
 Diuerso sed vtræque situ suspensus obiuit:  
 Respicit hic Cælum, respicit iste solum.  
 Scilicet inuerso terras dum respicis ore,  
 Te, Petre, terrarum credimus esse caput.

Ex D. ANDREAE *Tumulo oleum manat.*

## IV.

Leniri poterat nullo solamine mœror,  
 Quem tua discipulis fata tulere tuis.  
 At cum, Diue, tuo videant stillare sepulchri  
 Balsama, tum cœpit mirior esse dolor.

## XXX. NOVEMBRIS.

S. IOSCIUS C. *ex cuius demortui ore quinque  
 rose hyeme pullularunt.*

## I.

Vellere deciduo tacitarum sparsus aquarum,  
 Canebat nullo germine pictus ager;  
 Æthereæ tamen inscriptas pia nomina Matris,  
 Ioscus exanimi parturit ore rosas.  
 Non hæc Pæstani formosa decentia prati,  
 Non hâc Alcinoi messe superbit ager.  
 Qui peperit vernos hyemali sydere flores;  
 Fertilior reliquis nunquid is hortus erat?



# MENSIS DECEMBER.

---

## PRIMA DECEMBRIS.

S. PHILARITVS *ruris colonus in egenos  
sapienter prodigus.*

### I.

**R** Vsticus in tenui degit Philaritus agello ;  
Daraque difficili rura bidente colit :  
At licèt assiduis verfer sua iugera rastris ,  
Spem tamen infidus sæpe fefellit ager.  
Ergò alios quæsiuit agros, quibus altera mandat ;  
Semina, quæ plenâ postmodò falce metat :  
Nam modicas partitus opes, paruumque lucellum ,  
In vacuas Inopum iussit abire manûs.  
Hæc tutâ, Philarite, manu sere semina, nunquàm  
Is fuit agricolam fallere visus ager.

---

## II: DECEMBRIS.

S. PETRVS CHRYSOLOGVS *Episc. Ravennas,  
in quo par virtuti doctrina.*

### I.

**Q** Vã bene, Petre, doces facienda, facisq; docēda ;  
Dùm tua lingua docet, quæ tua dextra facit !  
Virtuti est germana tuæ doctrina, probâtque  
Vox tua te doctum, te tua dextra probat ;

Kk ij

*De eiusdem statuâ.*

## II.

Lysippus digitos, Phidias labra, lumina Mentor,  
 Praxiteles humeros finxit, & ora Myron.  
 Parte tamen meliore sui Petrus indiget: ô quis  
 Chrysologi vocem, qui mihi reddat, erit?

*Ad Opificem.*

## III.

Præfulis exanimis retulit tua dextera vultûs;  
 Os mutum est, reticet lingua, labella silent.  
 Sculptere vocem, Opifex, vocem si pingere posses,  
 Tu Phidiâ maior, maior Apelle fores.

*Eius libri sententiarum nitore illustres.*

## IV.

Multa tuæ rutilet licet indita gemma Tiaræ  
 Crebrior est libris indita, Petre, tuis.

## II. DE CEMBRIS.

S. FRANCISCVS XAVERIVS *Indiarum Apo-*  
*stolus funiculis crura adstringit.*

## I.

Soluite Cœlicolæ, religatos soluite funes,  
 Crura quibus strinxit mollia dura manus.  
 Qui maris & tantum debet telluris obire,  
 Hunc male nodosâ compede vincla ligant.

*Ad sacrum Amorem.*

## II.

Improbe Amor, tenso corpus quid fune fatigas?  
 An tacitum indagas hæc vafer arte scelus?  
 Nil opus est torquere reum sua facta fatentem,  
 Te prohibent leges, id pia iura vetant.



At quem tendiculis, fidibúsq; tenacibus arctas,  
Sponte reum qui se confiteatur, habes.

S. XAVERIUS *horrore obiecta sibi dormienti*  
*Veneris, sanguinem eiecat.*

## III.

Diue, tibi obiectâ Veneris per somnia larvâ,  
Naribus erupit fusus, & ore cruor.  
Dic age, cur Cypridis quæ spurca affinxit imago;  
Imbuerit liquidus turpia visa rubor?  
Scilicet antè habuit reliquos Venus vna colores;  
Solut hic in Veneris defuit ore color.

*De eodem argumento.*

## IV.

Sopitum aggreditur, vigilem quem Cypria pellex,  
Nullo vnquàm poruit fallere visa dolo.  
At neque sopitus cessit fallacibus umbris,  
Sed Venerem solo sanguinis imbre fugat.  
Xauerium vigilem superare quis audeat hostis,  
Si palmam somnò victus ab hoste refert?

*De eodem argumento.*

## V.

Franciscum aggressus placidi sub imagine somni,  
Cypridis ignauum se puer esse probat.  
Nempe puellus iners in bella laceessere fortem  
Non ausus Pugilem, dùm vigilaret, erat.

D. XAVERII *exantlati labores.*

## VI.

Et flammam & motum, Franciscæ, viæque labores,  
Et geminus prorsum cætera solis habes.

K k iij

Surgis in Occiduis, in Eois occidis vndis :

Hoc vnum Soli te vetat esse parem.

*Indica lingua ignarus concionatur.*

VII.

Dùm loquitur tua lingua sono, tua dextera gestu ;

Dextera plus visa est, quàm tua lingua loqui.

Nam quæ circumstat numerofo concio cœtu,

Dextrâ audit, fusos cernit ab ore sonos. (ordo?

Quod genus hoc monstri est? quis rerû incognitus

Turba frequens oculis audit, & aure videt.

*XAVERII pectus sacris delitiis exundat.*

VIII.

Xaverius sacros dum ventilat ætheris æstûs,

Pectorâque alternâ laxat aperta manu :

Prodiga suspiciens lacrymoso sydera vultu,

Dicitur hæc querulis verba dedisse sonis :

Ah Deus! ah! satis est, nimis vbere deficit haustu,

Mens mea deliciis non satis ampla tuis :

Vobis, deliciæ, cur non licet esse minores?

Cur mihi maiores non licet esse sinûs?

*Laetam in iratum mare Crucem à Cancro  
recipit.*

IX.

Dùm procùl extremæ petis intermundia terræ ;

Quò Phaëtonæis vix darur ire rotis :

Nox atra inuoluit nitidum caligine solem,

Intumuit subitis æquoris ira minis.

Nec mora: compositas Crux jacta coërcuit vndas ;

Crux, Franciscæ, tuæ duxque comêsque viæ.

At simul optatam tetigit pia puppis arenam ;

Qui referat pignus nobile, piscis adest,

Et vitale gerens ora inter hiantia signum,

Xaverij notos detulit ante pedes.

I Cancer, superòsque inter non vltimus ignes,  
 I, refer obsequio præmia digna tuo.  
 Nam veteres augere faces tu dignior illo es,  
 Qui numerosa inter sydera nomen habet.

*Tempestates sedat Crucis signo.*

## X.

Xauerius sacrum demisit in æquora signum;  
 Dùm mouet iratas ventus, & vnda minas.  
 Protinùs Æolij tenuere silentia fratres;  
 Nempè timent visam, quam meruère, Crucem.

D. XAVERIUS *viuâ calce sepelitur.*

## XI.

Aggestum est tumulo quid calcis inutile pondus,  
 Vt super exesis carnibus ossa forent?  
 Xauerius calce injectâ si posset aduri,  
 Ignibus exustus jam foret ille suis.

## III. DECEMBRIS.

S. THEODVLVS C. *relictâ Aulâ Theodosianâ,  
 columnam Edessa triginta annos incolit.*

## I.

NObiliû attigerat culmen Theodulus honorum;  
 Inclyta fœcundo quos parit Aula sinu:  
 Sponte tamen vanæ pertesus inania famæ  
 Murmura, se titulis abdicat ille suis.  
 Præcelsamque premens tricenâ messe columnam;  
 Despiciit exiguam nubilus hospes humum.  
 Quem pede supposuit, toto sublimior orbe,  
 Sydera contiguo vertice penè ferit.  
 Iure potentum apices rides, nouus incola, Regum;  
 Et strepitum, & fluxas, futile pondus, opes.

K k iiij

Quicquid enim vastus gremio complectitur orbis,  
Punctum est; vel puncti scetilis instar habet.

## IV. DE CÉMBRIS.

S. ANNO *Episc. Colonienſis ſub ipſam mortem  
Deiparam Virginem enixè implorat.*

## I.

**D**V M ſuprema tui te funeris hora vocaret;  
Auxilium magnæ Virginis, Anno, rogas.  
Sydereæ limen cùm ſis ſubiturus in Aulæ,  
Puſſanda eſt ſummi Ianua ſacra Pôli.

## IV. DECEMBRIS.

S. BARBARA V. & M. *barbaro patre inſequentē,  
rupis ſponte hianſis ſinu excipitur.*

## I.

Aggredior biſidi miracula peruia faxi;  
Dùm fugeret patrias Barbara ſalua minas.  
Námque vbi clauſa vident rigidi præcordia patris;  
Diduxère ſuos ſaxa miſerta ſinûs.

*Ad D. BARBARAM.*

## II.

Diua, verecundi laus illibata pudoris,  
Gemmâque virgineos inter honora Choro;  
Da veniam, ſi fortè rudi te dixero verſu;  
Carmina conuenient cautibus iſta tuis.  
Dura ſalebroſo canitur ſi carmine rupes;  
In duris ſalebræ rupibus eſſe ſolent.

*Ad Eandem.*

## III.

Rustica Musa tuas memorabit, Barbara, lauros :  
 Materiæ quadrat rustica Musa fur.  
 Dextra nouercali te patria læferat ictu ;  
 Te quoque jam Vatis lædet inepta manus.  
 Nec Varis mucrone manus, nec nuda parentis,  
 Scilicèt hic telo lædet, & ille stylo.  
 Qui mea cunque legent incondita carmina; dicent;  
 Barbara materies, barbarus author erat.

*Spreto Musarum auxilio* D. BARBARAM  
*inuocat Poëta.*

## IV.

Non voco ter ternas, mendax Parnasse, Sorores ;  
 Ter ternas superat Barbara sola deas.  
 Non ego Mæoniam temerarius ambio venam ;  
 Est melior modulis altera vena meis.  
 Quam pater impacto feriit tibi, Barbara, ferro,  
 Hęc facit ad numeros vnica vena meos.  
 Petra mihi Parnassus erit, quæ tacta dolore,  
 Dicitur in patulam secta fuisse viam.  
 Scilicèt vt bijugo rupes foret æmula Pindo,  
 In geminum rupes scinditur vna jugum.

*Ad Rupem cuius in sinu excepta est*  
 D. BARBARA.

## V.

Opportuna flix profugi tutela pudoris,  
 Hęc inscripta tuo limine verba feras : .  
 Cùm patrium fugeret festina puella furorem ;  
 Marmoreos subiit sponte recepta sinûs.  
 Mutauère vices ambo, saxumque, patérque,  
 Ipse pater saxum, saxa fuere pater.

K K V

D. BARBARA à suo parente mactatur.

VI.

Quales pura inter dùm sydera, Phosphore, fulges;  
 Et nigrum violant nubila nulla polum:  
 Talis erat reliquas inter, pia Barbara, Nymphas,  
 Talis Martyrij laude decora nitet.  
 Huic solus teneris cor Christus ab vnguibus vssit,  
 Ille fuit spretis Sponsus, amorque procis;  
 Quamvis imperio genitor prohibebat iniquo;  
 Ne vellet lecto cœlibe Virgo frui:  
 Quem furor immanis perduxit, ut impius ultor  
 Demeteret Natæ colla, caputque suæ.  
 Corporis illa quidem vinculis exuta tetendit  
 Ad superas, Turbâ Cœlite cincta, plagas.  
 At Deus omnipotens sceleratum ad lurida patrem  
 Tartara, vibrato fulminis igne, rapit.  
 Ille Erebo dignus, digna hæc fulgentibus astris:  
 Sic meritum petiit nata, patérque locum.

*Ad Dioscorum impium parentem.*

VII.

Infelix genitor! bifido crudelior antro,  
 Tu-nè potes duris durior esse jugis?  
 Exclamare libet, Crudelis, barbare tortor,  
 Arigidâ proli parcere, disce petrâ.

*Ad D. BARBARAM de eius nomine.*

VIII.

Barbara, quam decorant meliores nomine mores;  
 Quæ nihil incultæ rusticitatis habes:  
 Cur tibi barbaries indit sua nomina? Debes  
 Miris ab Hibernicis nomen habere fauis.  
 Ut Ducibus deuicta suis dedit Africa nomen:  
 Barbaries nomen sic tibi victa dedit.

*Aliud.*

## IX.

Duritiem gerit ipse parens sine nomine duro ;  
Tu sine duritie nomina dura geris.

*Aliud.*

## X.

Vt dispar sibi nomen haber, quæ parcere nescit,  
Parca ; tibi dispar sic quoque nomen habes.

*Rupes duas in partes scissa.*

## XI.

Æquor Erythrææ Moses vbi perculit vndæ ;  
In bifidas abiit sectile marmor aquas :  
Virgo pium marmor fractâ compage resoluit ;  
Dùm fugit immeritam patre minante necem.  
Virga & Virgo pares bipatentia marmora scindunt,  
Virga soli secuit marmora, Virgo soli.

*Ad D. BARBARAM.*

## XII.

Barbara, pone metum, natiui oblita rigoris,  
Excipit hospitio te caua petra suo.  
Ipsi, quis credat ? lapides mitescere discunt ;  
Vnicus indocilem se probat esse pater.

*Virgo barbara.*

## XIII.

Dum formosa sui venit in discrimen honoris,  
Sæpius ô vtinam barbara Virgo foret !

D. BARBARA à parente in obscurum carcerem  
compingitur.

## XIV.

Antè tenebrosas subiisti carceris umbras ;  
Quàm caderes patriâ, Virgo, perempta manu.  
Sic gratâ bis luce cares : sic ira parentis  
Abstulit æthereum bis tibi, Diua, diem.

D. BARBARA cœleste epulum morientibus seque  
inuocantibus procurat.

## XV.

Æthereæ quicunque cupis sacra fercula mensæ,  
Antè tuos claudat quàm Libitina dies :  
Supplicibus Virgo pōscenda est Barbara votis ;  
Non erit hæc votis barbara Virgo tuis.

D. BARBARÆ Epitaphium.

## XVI.

Tu quicunque piæ lachrymaris fata puellæ ;  
Fac memor inscriptas præferat urna notas :  
Hic sacra defenso jacet hostia cæsa pudore ;  
Hostia defenso si qua pudore jacer.  
Pœna calybs ; turris carcer ; pater ipse peremptor ;  
Mors votum ; Martyr Barbara ; causa pudor.

Ad D. BARBARAM.

## XVII.

Diua, inter reliquas longè celeberrima Nymphas ;  
Lucida Virgineæ gemma, decusque Chori.  
Obrusis hebetata vides epigrammata dictis ;  
Nilque, quod in nostro carmine pungat, habes.  
Causa subest, præacuta nocent : quâ lactea tortor  
Colla secat, nimium cuspis acuta fuit.



Vt mihi carmen hebes; quo te pater ense trucidat,  
O sic! ô vtinam sic foret ensis hebes!

## V. DE CEMBRIS.

S. SABAS *Abbas leonem a fello suo custodem  
præficit.*

## I.

**D**Vm tacitæ Sabas per amica silentia sylvæ,  
Cœlestes totâ mente volutat opes.  
Alternante leo coram se poplite sistit,  
Et medicam Ascetæ postulat æger opem.  
Nec mora: pressantis solo medicamine dextræ,  
Liberat agrotum tabe latente pedem.  
Ille pavor nœmorum, formidandûsque satelles,  
Qui reliquas domino territat vngue feras;  
Incolumis Medico soteria protinus offert;  
Et fore se famulum, tempus in omne, vouet.  
Obsequium admisit Sabas famulare leonis;  
Inque vicem fidum se quoque spondet herum.  
Custodem ergo suo Senior præfecit a fello;  
Nec fugit id munus, bellua tanta, leo.  
Cum primum exoritur Titan, ad pascua ducit,  
Rugitûque auidos terret, & vngue lupos.  
Tardigradumque animal claudit villosus Agaso,  
Dum redit exiguum, nocte iubente, domum.  
Sic memor acceptæ leo cernitur esse salutis;  
Et docili gratam soluere mente vicem.  
Ah! pudeat mortale genus feritatis! ab ipsis  
Quisquis es, officium reddere disce feris.

*Aliud.*

## II.

Vrbibus è mediis quamuis fugitiuus abesset,  
Reddidit vrbanas exul ab vrbe feras.

*Sitiens aquas è Rupe educit, & illasus ardentem  
caminum subit.*

## III.

Elicis auritas bifidis è rupibus vndas,  
Vt releues sæuam, quæ premit ora, sitim.  
Præterea accensi subeuntis in ima camini,  
Visa est contiguæ parcere flamma togæ.  
Te memor è siccis educere flumina saxis,  
Fortè tuas timuit callidus ignis aquas.

## VI. DECEMBRIS.

S. NICOLAUS *Episc. Myrensis adhuc infans,  
diebus Mercurij & Veneris lacte abstinet.*

## I.

**T**Emporibus pressare negat puer vbera certis;  
Et liquidas, voluit quas dare mamma, niues.  
Sæpè parens dixit, Mi pupule, fuge papillas;  
Materno plenos nectare fuge sinus.  
Suge, iterum repetit, major cum accesserit ætas,  
Tempus erit placitis abstinuisse cibis.  
Nil tamen à tenero nutrix exorat alumno;  
Siue sit illecebris, siue sit vsa minis.  
Sed quibus esuriem tulerat puer antè diebus;  
Fert ingustato vîrque, senexque cibo.  
Pupulus inactâ celebrans ieiunia mamina,  
Instruit ætatem, cæca Iuuenta, tuam.  
Téque monet primis mores secteris ab annis;  
Quos tibi, dum senium te premet, esse voles.

*Tribus puellis, quas egenus pater prostituere parabat;  
dotem tribus noctibus furtim per fenestras  
immittit.*

## II.

Sponsus adest, sponsasque petit cum dote puellas;  
Nil dotis genitor, quod numeretur, habet.  
Ergo procis vulganda, ipso lenone parente,  
Mœrebat vacuâ terna puella domo.  
Resciit id Præsul, sortemque misertus egenam,  
Non tulit indignum, patre patrante, nefas.  
Noctisque obscurus tenebris, ter limina lustrat;  
Ter pluias nimbo diuite spargit opes.  
At ne fortè piam quis nouerit arbiter artem,  
Furtiuam dederat cæca fenestra viam.  
Quid trepidas, visq; manum quid subtrahis auro?  
Pande tuos, moneo; pande, puella sinûs.  
Nullæ hic insidiæ, dolus est in munere nullus:  
Nullus in hoc turpis Iuppiter imbre latet.

*Aliud.*

## III.

Virginibus non sole palàm largiris egenis;  
Sed nox obscuro te tegit atra sinu.  
Frustrà oculos vigiles, Præsul, tua munera celas;  
Tot vigilant oculi, quot super axe faces.

*Ad D. NICOLAVM.*

## IV.

Thesauro furtim redimis præsentem sorores,  
Prostituit pacto quas suus ære parens.  
Clâmque fugis latrans, vt te auri nemo datorem,  
Sed magè raptorem quilibet esse putet.

*Morienti Cœlites occurrunt.]*

## V.

Decursæ permensus erat data tempora vitæ,  
 Dùm pius è terris Præsul in astra volat.  
 Nè nullâ stipatus eat super æthera pompâ,  
 Adfuit è superis obuia turba Polis.  
 Cœlicolum occurret pariter tibi cœtus Olorum,  
 Si quo Præsul iit tramite, junctus eas.

*Ex eius tumulo salubris aqua emanat.*

## VI.

Diue, procùl tristes, examina pallida, morbos,  
 Ire jubet tumulo quæ fuit vnda tuo.  
 Quæ reprimat lethique gradû, falcemque Sororum,  
 Quilibet hanc vitæ dicere possit aquam.

## VII. DECEMBRIS.

S. AMBROSIVS *Mediolanensis Episc. in cuius  
 infantis ore apes mellificant.*

## I.

SOpierat blandum nutricula dulcis Alumnum,  
 Et somnum arguto molliter ore dabat.  
 Ecce tibi tremulæ resonans stridoribus alæ,  
 Rauca volatiliū turba vagatur apum:  
 Et cunas armata phalanx, Pupique sonorum  
 Præsidio cingit circumeunte torum.  
 Non segetem hortorum curat, non vellera florum,  
 Non thyma, Cecropij fertile germen agri;  
 Nam suaues Zephyrorū animas, Cœlique saluam,  
 Et sapidas pueri libat ab ore rosas.  
 Inque suæ pretium prædatrix turba rapinæ,  
 Condiit infusis oscula plena fauis.

Ite piæ volucres ; alijs insitite labris :  
 "Melle peregrino non eget iste puer.  
 Nam cùm lingua sonos dederit, mirabitur orbis,  
 His nectar vestro dulciùs ire labris.

*Mel AMBROSII in eius libros transfusum.*

## II.

Dùm genitrix agitat leni cunabula motu ;  
 Et puero somnos voce, manuque ciet :  
 Cœtus apum vacui circum laquearia tecti,  
 Cernitur in longas ire redire moras :  
 Dúmque putat duo labra rosas, duo lilia malas ;  
 In pueri malis institit, inque labris.  
 Mellificas volucres decepit amabilis error ;  
 Æmula sunt malis lilia, labra rosis.  
 At postquàm gemini se floris imagine lusam  
 Cernit apïs, properâ se rapit inde fugâ.  
 Non tamen inde suum prorsus rapit inuida nectar ;  
 Nam condita pio nectare Scripta madent.  
 Vel labris apïs est, vel visa insidere libris ;  
 • Antè labris ; sed nunc insidet illa libris.

D. AMBROSIVS melleâ eloquentiâ  
 facundus.

## III.

Dulce tibi Ambrosiâ, dulce est tibi Nectare nomen,  
 Dulcior ipse tuo nomine, Præsul, eras.  
 Dùm populo loquerere, fauum tu mellis in ore,  
 At gerit auditor mellis in aure fauum.

D. AMBROSIVS *Orpheo similis.*

## IV.

Hunc Suadela suis puerum dea fouit in vlnis ;  
 Fouit in ambrosio casta Minerva sinu.  
 Nimirum ex illis traxit complexibus infans,  
 Eloquij largas melle fluentis opes.  
 Hinc animos pellace potens sermone triumphat ;  
 Siue stylo malit vincere, siue sono.  
 Threicius Vates vocum modulamine traxit  
 Saxa ; sed iste hominum saxea corda trahit.

*Idem Nestore facundior.*

## V.

Tantum habuit Nestor mel, dum loqueretur, in ore ;  
 At puer iste, prius quam loqueretur, habet.

THEODOSIVM *Imperatorem aditu templi  
 arcet.*

## VI.

Augustus penetrare sacras dum nititur Aedes ;  
 Antistes vetita non finit ire via.  
 Nam licet instillent succum, mellisque saporem ;  
 Insuper ambrosias armat acumen apes.  
 Vt simul instructa est & melle & cuspide, nouit  
 Vngere, sed pariter pungere nouit apis.

*Theodosius sua demissione maior.*

## VII.

Pronus humi dum templi aditum Theodosius orat ;  
 Utque sacra pateant, atria clausa, fores ;  
 Conspectit caput ipse suum, tunc Maximus orbis,  
 Prostratum magni Præsulis ante pedes.

Subdidit oppositæ Cæsar Diadema Thiaræ :  
 Subdidit intrepido Regia Sceptra Pedit.  
 Dignior est summi nunquam mihi visus honoris,  
 Quàm summo dùm se deiecit ille loco.

## VIII. DECEMBRIS.

\* VIRGO DEIPARA *sine labe concepta :*  
*sive Speculum sine macula. Sap. 7.*

## I.

**P**rimæui concepta nites sine labe veneni,  
 Nec tibi quæ reliquis, turpis origo fuit.  
 It nullus sine nube dies, nec libera nautis  
 Cynthia, nec maculis Sol caret ipse suis.  
 At tu, Virgo Parens, genialis libera noxæ,  
 Syderibus longè purior vna micæ.  
 Sunt tamen ingenitâ qui te contage notaram,  
 Dùm tua te Genitrix concipit, esse velint.  
 Qui maculas cernit, vitreum dùm consulit orbem,  
 Has sibi, non speculo credet inesse suo.  
 Quæ est ista quæ progreditur quasi aurora  
 confurgens? *Cant. 6.*

## II.

Quàm dispar nitidæ verus est Aurora Mariæ !  
 Vtrâque dissimili cernitur orta modo.  
 Illa rubros maculat nebulis nigricantibus ortûs,  
 Vnica conceptu est pura Maria suo.  
 Et meritò : nam prima diem mortalibus affert,  
 At melior terris afferet ista Deum.

Quasi palma exaltata. *Ibid.*

III.

Labe suâ reliquos onerat graue pondus Adami,  
Palmam oneri culpæ succubuisse, nefas.

MARIA *sine labe concepta.*

IV.

Dicite, cur nullus, reliquos qui corripit, ignis  
Arsit in intactâ virgine? fomes abest.

*Aliud.*

V.

Pressit humum teneris nondum Virguncula plantis,  
Tartareum oppressit cum Stygis illa caput.  
Calcando præuerte truce velociter hydrium,  
Ne necet afflatu te prior ille suo.

*Scotus illibatum VIRGINIS conceptum propugnaturus, ad statuam illius procidit, qua a mote capite opem annuisse dicitur.*

VI.

Natiuæ exortem labis dum, Scote, Parentem,  
Ad pugnam fidens, ut tuearis, abis :  
Patronas de more Cliens procumbis ad aras,  
Stant ubi Phidiacâ signa polita manu.  
Saxea demissum caput inclinauit imago,  
Ut certam annueret flexile marmor opem.  
Perge audax animi : neque enim locus esse timori  
Iam datur : ipsa suam dant ubi saxa fidem.  
At vobis, quibus est longè sententia discors,  
Qui primum inficitis labe nigrante decus :  
Nî veterem verax expellat opinio mentem,  
Durius illo ipso marmore pectus erit.



## IX. DECEMBRIS.

S. NECTARIUS C. *Aruernorum mentes Christi  
Fide excolit, idque magno prouentu.*

## I.

**H**ic vbi celsa suas Aruernia furrigit arces,  
Et multo latè scrupèa colle tumet,  
Nectarius Latiâ Flamen digressus ab vrbe,  
Diuino cœli Nectare corda rigat.  
Vix oculis sit habenda fides, quibus ille manipulis,  
Et quantâ cultor messe superbus eat.  
Pingue solû, semênque ferax, gnauûsque colonus,  
Signa secuturæ fertilitatis erant.  
At quicunque pari defudas cultor in agro,  
Par tibi si labor est, par quòque messis erit.

## X. DECEMBRIS.

S. MEMNAS M. *oculis priuatur.*

## I.

**C**æcus eras, nam cruda manus furialiter hausit  
Lumina, quæ geminis emicuère genis.  
Non tamen à primo virtutum tramite flectis,  
Quanquàm oculis orbus progrediare tuis.

## X. DECEMBRIS.

• S. EULALIA V. & M. *cuius ex ore, cùm in flam-  
mis expirasset, visa est abire columba: eiusque  
tumulum niues intempestiua texerunt.*

## I.

Vix tibi sol geminos denis superaddidit annos,  
Callaici sydus nobile, Virgo, soli.

Tum sexu, & teneris longè generosior annis,  
 Proteris Heroo numina bruta pede :  
 Dúmque auidos bibis ore rogos, tuus aurea cœli  
 Sydera, vectanti spiritus igne subit :  
 Et niue candidior, nitidis argentea pennis,  
 Ire tuis visa est pura columba labris :  
 Quóque sepulta loco es, mirantibus ætheris astris,  
 Explicuère suas vellera lapsa niues.  
 Et nix & niueis ales nitidissima pennis,  
 Certa pudicitia signa fuere tuæ :  
 At licet albescant & nix, & Chaonis ales,  
 Candidiore tamen, Virgo, pudore nires.

*De niuibus S. EVLALIAE sepulchrum  
 regentibus.*

## II.

Obduxère locum, quo Virginis ossa jacebant,  
 Vellera deciduæ prodigiosa niuis.  
 Interitum reliquis nix altera floribus infert :  
 Nix hæc virginici nuntia floris erat.

*S. EVLALIA Virgo duodennis pro Christo  
 moritur.*

## III.

Si palmæ, & teneri numerentur Virginis anni,  
 Palmarum numerus, credite, major erit.  
 Alcides duodena refert ex hoste trophæa :  
 Herculeum superat penè Puella decus.

## XI. DECEMBRIS.

S. DANIEL *Stylita diuturnus columna,  
incola.*

## I.

**C**œlitibus Daniel ipsis conterminus hospes,  
Suppositam celso sub pede ridet humum.  
Erectâ natura parens hunc stare columnâ,  
Vsq̃ue videt noctes, & videt vsq̃ue dies.  
Et propè ter denus dum circumuoluitur annus,  
Nulla fames torxit viscera, nulla sitis. (vsquâ est  
Supra homines, supràque hominum mortale quod  
Perstitit Orci ingens terror, amorque Poli.  
Dúmque pruinofum caput inter nubila condit,  
Æthera vicini verticis vrget apex.  
Non erit auxilium valido quod ab Hercule poscat,  
Qui graue stelliferi sustinet axis onus.  
Ipse Polum poterit Daniel fulcire labantem,  
Si trepider tanto pondere fessus Atlas.

## XI. DECEMBRIS.

B. IUVENIS ÆGYPTIVS ANONYMVS  
*M. argenteo loculo inclusus oleum sudat.*

## I.

Martyr odoriferum post funera sudat olium;  
Vt Christi Athletam scilicèt esse scias.

## XII. DECEMBRIS.

SS. ALEXANDER & EPIMACHVS MM.  
*Ad eos torquendos nouacula tyrannus utitur.*

## I.

**Q**uid sæuâ instruxit tibi dura nouacula dextrâ?  
Dic age, pœnarum cur noua monstra paras?

Fallor, an in melius versâ feliciter arte,  
Vis fieri tonfor, qui modo tortor eras?

S. ALEXANDER *post toleratum diu carcerem in  
ignem conijcitur.*

## II.

Carceris in mediâ clarus si nocte refulsit,  
Clarius in medio nunc erit igne Pugil.

## XII. DECEMBRIS.

S. IODOCVS C. *Angliae Regis filius, spreto regno  
patrio in Eremum se recipit.*

## I.

Quid regnum, regnique decus, diadema reponis,  
Clare Caledonij sanguis, amorque soli?  
Vt fugias, non effugies: honor vsque fugacem  
Quoquâ eat, insequitur, jugis vt vmbra, virum.  
Ne nulli imperites, medijs se turba ferarum  
Saltibus, imperio supposuere tuo.  
Accurrere lupi cicures, positisque leones  
Moribus, innatas dedidicere minas.  
Nimirum Rex ipse sui Iodocus agebat:  
Et sibi, non populis imperat ille suis.  
Esto tui dominus, quicumque rebellibus optas  
Tigribus, & reliquis imperitare feris.

## XIII. DECEMBRIS.

D. LVCIA *illustris virtutibus.*

## I.

Q Vanquâ illustre tibi dederit lux, Lucia, nomen,  
Virtutum à propria tu mage luce nites.

D. LVCIA

D. LVCIA V. & M. nullâ vi ad lupanar  
raptari potuit.

## II.

Virgo profanatas subitura Cupidinis ædes  
Horruit, in mediis horret vt agna lupis.  
Quid Virgo male cautâ times? abſiſte vereri,  
Ipſa pudicitia militat æthra tua. (telles,  
Nam quanquàm procus inſtet amans, multuſque ſa-  
Innumeruſque boues addat, & addat equos  
Nil poterunt iuga mille bouum, nil mille iugales:  
Vſque eſt propoſiti Virgo, tenaxque loci.  
Ergo leues poſthac nemo putet eſſe puellas:  
An leuis eſt, nullâ quæ valet arte trahi?

*Aliud.*

## III.

Cum nullo valeat molimine Virgo moueri;  
Stetque inconcuſſo firma, grauſque loco:  
Te, leno, grauſ error habet, ſi fortè pudorem  
Virgineum parui ponderis eſſe putes.  
A quâ nomen habet, ſubeat Lupa fœda Lupanar,  
Non intrare illum debuit Agna locum.

*Oculos pudicitia ſeruanda cauſâ ſibi eruit.*

## IV.

Indemnata ſuo cur lumina lumine fraudas?  
Aut tenebras oculis quid minitare tuis?  
Nil oculi meruere tui: cur crimina penſant?  
Qui cernit, non qui cernitur, ille reus.  
Imò, ait illa, nocens decor eſt, oculique nocentes;  
Diſplicitis ſcelus eſt me placuiſſe procis.  
Dixerat, & geminos oculorum è ſedibus orbes,  
Eruit audaci Virgo pudica manu.

Tom. II.

L I

Protinus extinctis expalluit omnis ocellis,  
 Et cecidit formæ, qui fuit antè, nitor.  
 Obscurare solent tenebræ; tamen ordine verso,  
 Clarior à tenebris redditur illa suis.

*Diuinum amorem suis oculis donat*

D. LVCIA.

V.

Lucia diuino dùm lumina tradit Amori,  
 Fatus Amor paribus dicitur esse sonis:  
 Errarem nuper dùm lumine captus utroque,  
 Indoluit sorti casta puella meæ:  
 Méque suis, quibus orba manet, donauit ocellis,  
 Esse duces nostræ quos dedit illa viæ.  
 Sic ait; & gemini facibus claratus ocelli,  
 Ire suum certo tramite pergit iter. (errat:  
 Indè probus nunquam errat Amor: sæpe improbus  
 Nempe alter cæcus: lynceus alter Amor.

D. LVCIA *erutos sibi oculos ad Tyrannum mittit.*

VI.

Cepi oculos malè cauta tuos; jam furta rependo,  
 Pròque tuis, oculos en tibi reddo meos.  
 Si quæris gemino cur dem duo lumina dono;  
 Non fuerat tenebris fax satis vna tuis.  
 Iam mucro ex oculis vnum terebrauerat orbem,  
 Ducebátque pigras dextera lenta moras.  
 Erue, quid cessas? alter dicebat ocellus,  
 Erue de gemino lumen vtrúmque sinu.  
 Nempè suum voluit comitatus habere sodalem,  
 Et sine se fratrem noluit ire suum.

D. LVCIÆ oculi in sydera conuersi.

## VII.

Iam vacuis oculorum orbes scrutata lacunis,  
 Hauferat intrepidâ clara Virago manu.  
 Hos Amor auratâ fluidos in lance recepit,  
 Notaque stelliferæ limina noctis adit :  
 Cùmque deam longè tenebrosâ in veste notasset,  
 Accedens simili carmine fatur Amor :  
 Hos ego formosum tibi defero, munus, ocellos ;  
 Augeat vt reliquas hæc quoque flamma faces.  
 Muneribus dea læta nouis, gratatur Amori,  
 Haustraque virgineâ lumina fronte capit.  
 Cùmque datos oculos fuluo spectasset in auro :  
 Hei mihi ! non illo munera digna loco.  
 Addidit, vt multò posthâc oculatio esset,  
 Hos oculos oculis nox oculata suis.

Si oculus tuus scandalizat te, eijce eum. &c.

## VIII.

Errones oculorum orbes, plantâmq; nocentem,  
 Abscindi dextrâ vindice, Christe, jubes.  
 Præstat, ais, superas mutilatum visere sedes,  
 Quàm stygij saluo corpore stagna vadi.  
 Quam mancus, quam claudus init, quam lumine  
 Difficilem cœli quis putet esse viam ? (captus,

*Aliud.*

## IX.

Erue, Christus ait, partemque auelle scelestam,  
 Si qua impermissi criminis autor erit.  
 Christe, reus scelerum quicunque piacula patrat,  
 Consiliis morem non gerit ille tuis.

Nam reā si trucibus foderentur lumina telis,  
 Exiguo mundus tempore luscus erit.  
 Admissā torperet iners si dextera noxā,  
 Exiguo mundus tempore mancus erit.  
 Si malē quæ dixit, lingua extirpata fileret,  
 Exiguo mundus tempore mutus erit.  
 Pœna comes nocuas si protinūs amputet aures,  
 Exiguo mundus tempore surdus erit.  
 Si pede debilior, quisquis pede peccat, abiret;  
 Exiguo mundus tempore claudus erit.  
 Si scelerata suis mutilentur corpora membris,  
 Exiguo mundus tempore truncus erit.  
 Denique si toto, quisquis reus, exulet orbe,  
 Exiguo mundus tempore nullus erit.

S. LVCIA *signum cœleste.*

X.

Astræam rutilo quid fingis in æthere Nympham,  
 O cui Pieridum fabulâ vana placet?  
 Si qua sit æthereis sydus quæ luceat astris,  
 Aut nulla, aut virgo Lucia sydus erit.

*Stulte agit Tyrannus dum S. LVCIAM  
 igni addicit.*

XI.

Nequicquàm immeritos, Virgo, damnaris ad ignes,  
 Vtilis est, quamvis tortor obesse velit.  
 Igne, velut radiis, latè circumdata luces,  
 Pulchrior & geminâ, Lucia, luce micas.

XIII. DECEMBRIS.

S. OTHILIA V. *caca nascitur, sacro fonte  
 tincta oculis donatur.*

I.

Parca tibi vsuram lucis natura negarat,  
 Illud erat dextræ nobilioris opus.



Nam postquàm sacra Lympha Deo te, Virgo, dica-  
 Nocte procùl pulsâ splenduit orta dies. (uit,  
 Natiuas inuersa vices elementa nouarunt,  
 Lucem aliàs flammæ, nunc peperistis aquæ.

*Cæcam puellam parentes ferre non possunt.*

## II.

Iussa tegi tenebris latitabat Othilia virgo,  
 Nec genitrix poterat ferre, nec ipse parens.  
 Causa subest natæ aspectum cur vitet utræque,  
 Vt possit natam cernere, lumen abest.

## XIV. DECEMBRIS.

S. SPIRIDION ex Opilione creatus  
*Cypri Episcopus.*

## I.

**Q**VI priùs agrestis seruabat ouilia Pastor,  
 Alterius curam cœpit habere gregis.  
 Nam, cisto quo fuste lupos arcebat abactos,  
 Sumpsit honorificum dextra verenda Pedum.  
 Antè rudimentum posuit, quàm mutet ouile,  
 Nè quis ad officium jam putet esse rudem.

*Ad D. SPIRIDIONEM.*

## II.

Ex ouium Pastore, hominum fit denique Pastor:  
 Ara fuit meritis, non hara, digna tuis.

## XIV. DECEMBRIS.

S. NICASIVS *Rhemensis Episc. Psalmum  
Davidicum, quem inceperat, capite  
truncato absoluit.*

## I.

Ifacidæ caneret Psaltes dum carmina Vatis,  
Impia dextra pium sustulit ense caput.  
Non tamen abruptit cœpti primordia cantûs,  
Nâmque suum exanimis lingua peregit opus.  
Nemo senescentis memoret modulamen oloris,  
Præ sagâ inferias dum sibi voce parat.  
Nimirum moriens canit ipso in funere cygnus :  
Istè suo functus funere cantat Olor.

## XIV. DECEMBRIS.

S. AGNELLVS *Abbas trimestris infans concinuit  
salutationem VIRGINI.*

## I.

Vix ierant, Agnelle, tibi tres ordine menses,  
Dulce salutatâ Virgine dicis Auc.  
Sic tener in teneris vix natus ouilibus agnus,  
Matrem balantî voce salutat ouem.

## XIV. DECEMBRIS.

B. AGNES *Augusta, Henrici IV. pessimi  
Imperatoris parens optima.*

## I.

O longè meliore parens dignissima fœtu !  
Accipitrem turtur parturit, agna lupum.  
Felices aliæ redduntur pignore matres,  
Ista magis felix, nî peperisset, erat.

*Lanceis vestibus vititur.*

## II.

Non Agnes auro induitur, non diuite cultu,  
Nec, quæ Sydonio murice, veste, rubet.  
Sed Ianâ, infecit nullus quam fucus adulter:  
Illo vestiri vellere debet ouis.

---

## XV. DECEMBRIS.

S. EVERARDVS C. *pro Fide pugnât,  
Deoque templa adificat.*

## I.

O Columen Galli, ô lumen spectabile sceptri !  
Ingens Militiæ fama, decusque Togæ.  
Et patris, & nati decora immortalia jungis,  
Dauidis peragens, & Salomonis opus.  
Dauidem, generosa tibi dùm bella geruntur,  
Dùm templa instituis, te Salomona probas.

## XV. DECEMBRIS.

S. CHRISTIANA *Ancilla, in cuius vili lectulo  
agrota Hispaniarum Regina conualuit.*

## I.

Quem neque Pæoniis pepulere Machaones herbis,  
Quem neque Apollineâ quicquid in arte valet,  
Morbus abit, simul ac tetigit seruire grabatum  
Princeps, Attalico quæ fuit ægra toro.  
Cur tamen affecto cessit de corpore languor,  
Qui curam, & medicas spreuerat antè manûs ?  
Quem retinet puluinar olens, quem stragula vestis,  
Et coquus, & largis vncta culina cibis ;  
Suctus in auratâ longum requiescere spondâ,  
Fugit, vt in vili se videt esse toro,

L I iiii

## XVI. DECEMBRIS.

SS. ANANIAS, AZARIAS, & MIZAEI,  
*Pueri Hebraei in fornace Babylonica illasi.*

## I.

Cernis vt vndosæ glomerata volumina flammæ,  
 Spernat in igniuomo fornice tuta Cohors:  
 Diuinæque vocet festiua in iubila laudis,  
 Quicquid in immenso sol vagus orbe videt?  
 Exsuccos macilenta fames tenuauerat artûs,  
 Dùm reuunt vetitum sobria labra cibum.  
 Nimirùm reperire vorax, quæ pabula rodar,  
 In tam ieiuno corpore flamma nequit.

*Aliud.*

## II.

Ampla Semiramij's vbi mœnia cocta caminis,  
 Ostentant magnas nobilis vrbs opes:  
 Prostabat simulacrum ingens, quod iussa colebat  
 Turpiter incuruo prona caterua genu.  
 Tres tamen inflexâ Iuuenes ceruice resistunt,  
 Ifacidum, Iuuenes, stirps animosa patrum.  
 Hos neque percellit radiati forma metalli,  
 Hos neque regales continuere minæ.  
 Ardet atrox visu, crepitantibus horrida flammis,  
 Lemniacum fornax vincere iussa focum.  
 Tres vinclis onerati intrò raptantur Ephebi,  
 Festinâmque vrget turba ministra necem.  
 Protinùs ad facinus violentus inhorruit ignis,  
 Et reprimat vires flamma modesta suas.  
 Quin etiam ampla sui fornax oblita caloris,  
 Venum pro flammæ turbine flamen habet.

Nîl iuuat inuitis quemquam cōfidere Diuis,  
 Nîl iuuat aduerso vana mouere Deo.  
 Si velit, in mediis inerunt quoque frigora flammis:  
 Frigoréque in medio, si velit, ignis erit.

*Illas Pueris satellites ignis comburit.*

## III.

Dùm Pueris parcit, meritos dùm sæuit in hostes,  
 Non fuit in Pueris sensus, in igne fuit.

## XVII. DECEMBRIS.

S. LAZARVS C. *Christo imperante rediuiuus.*  
 Statim prodiit qui fuerat mortuus, ligatus  
 pedes & manus. *Ioan. 11.*

## I.

**L** Azare, Christus ait, violati jura sepulchri  
 Solue, tenebrosas, Lazare, frange fores.  
 Audiit, & dicto citius data jussâ capessens,  
 Surgit ab effossâ puluerulentus humo.  
 Non tamen implicitum tristi mors syndone soluit;  
 Ne traheret longas expediendo moras.

Voce magnâ clamauit, Lazare veni foras. *Ibidem.*

## II.

Vix te mœsta Soror lacrymis humecta rogarat,  
 Vt Fratrem expulsâ viuere morte velis,  
 Vmbrarum fatique potens, lacrymabile lethum,  
 Fratris ab exanimi corpore, Christe, fugas.  
 Cur tamen hunc reliquis discernis ab omnibus vnū?  
 Cur magnâ inclamans, Lazare, voce vocas?  
 Nî facias, proprioque virum nî nomine signes,  
 Omnis ab ausito surgeret ymbra rogo.

*Aliud.*

## III.

Lazarus è tumulo surgit, velut vnicus Ales,  
 Vita reorditur cuius abacta dies.  
 At licèt exutos rursùm insinuentur in artûs,  
 • Vna tamen geminos res vetat esse pares.  
 Inter odoratos Phœnix se suscitât ignes,  
 Ploratas surgit Lazarus inter aquas.

---

## XVIII. DECEMBRIS.

S. MODESTVS *Hierosolymitanus Patriarcha vix-*  
*dùm natus, ad patrem pro Christo captiuum*  
*in ergastulum defertur.*

## I.

Vix puer aërias libauerat ætheris auras,  
 Vix bibulo altores fuxerat ore sinûs:  
 Fertur in indignum tenebrosi carceris antrum,  
 Hic vbi jam longum degerat antè pater.  
 Nimirùm tenoris docuit te Mater ab annis,  
 Cum patre martyrium Martyre posse pati.  
 Heu puer infelix ! vtero cur matris abibas,  
 Debueras alio carcere quando premi ?

S. MODESTVS *germana Modestia soboles.*

## II.

Siquam olim peperit fœcunda Modestia prolem,  
 Aut nulla, aut proles illa, Modestus erit.

## XIX. DECEMBRIS.

S. NEMESIUS *M. cum pradonibus  
morti addictus.*

## I.

Christe, tuo dùm cruda tulit pro nomine Martyr  
Vulnera, dùm diro funere tortus obit:  
Supplicij focios est visus habere latrones,  
Supplicij socius sic tibi latro fuit.  
Crimen erat dispar, dispar in Martyre causa,  
Par tamen in causâ dispate pœna fuit.  
Qui tua sectatus fuerat vestigia quondam,  
Nunc moritur tecum funere, Christe, pari.

## XIX. DECEMBRIS.

S. MEGENGOR *C. Geldria Comes, amisso,  
quem unicum habebat, filio, se suâque  
Christo consecrat.*

## L

Mortalem expertus natum genuisse Megengor,  
Qui super antiquæ spes erat vna domûs:  
Nulla dedit lacrymis, nec acerbo fræna dolori,  
Nulla dedit tanto verba minora viro:  
At præreptus vbi est fati patris vnicus hæres,  
Hæredem ex toto destinat esse Deum.  
Nè tamen his tabulis te fortè querare relictum,  
Hæredem exempli te cupit esse sui.

## XX. DECEMBRIS.

S. PHILOGONIVS *è. causarum Patrono  
Episc. Antiochenfis.*

## I.

**C**lamoso qui verba foro jactare solebat,  
Et scutum miseris esse salubre reis:

L l vj

Destitit, & causis melior melioribus instat,  
 Dùm placidum exorat voce potente Deum.  
 Mitra caput, Lituusque manum pastori impler,  
 Et regit extremos Palla verenda pedes:  
 Quique Deæ Themidis Mystes, jurisque Sacerdos  
 Antè fuit, Numen sanctius ille colit.  
 Ergo alios quærant sibi jura profana Patronos:  
 Sacra sibi tantum vendicat ara virum.

## XXI. DECEMBRIS.

S. THOMAS *Apostolus.*

Nisi videro in manibus eius fixuram clauorum,  
 non credam. *Ioan. 20.*

I.

QVI manibus palpare Fidè, qui cernere quæris,  
 Non satis ingenuæ credulitatis habes.  
 Nì videam, non credam, inquis; pugnancia profer:  
 Si nescis, cæca est, non oculata fides.

## XXI. DECEMBRIS.

S. MEMMIUS *Episc. Catalaunensis*  
*saxis obruitur.*

I.

Memmius Antistes dum saxea numina ridet,  
 Saxorum immisâ grandine penè perit.  
 At licèt armatâ populus gerat aspera dextrâ,  
 Asperiora tamen pectore saxa gerit.

## XXII. DECEMBRIS.

S. ANASTASIA *M. fragili cymbâ unâ cum aliis*  
*MM. imposita feliciter enauigat.*

I.

VEctat Anastasiam senio quassata phaselus,  
 Certa procellosi præda futura maris.



Non sola hæc, sed plena Deo ductore, carinam  
 Pressat Anastasiæ plurima turba comes.  
 Cymba licet cariosa situ, rimisque fatiscat,  
 Rideat æquoreas hâc duce sospes aquas.  
 Nec geminos pia turba vocet, duo sydera, Fratres:  
 Plus poterit geminis Fratribus ista Soror.

## XXII. DECEMBRIS.

P. PETRVS CANISIVS S. I. *auiculâ diuinitûs  
 missâ pascitur.*

## I.

Versat in angusto Senior sua membra grabato,  
 Et datus ægroto crescit in ore cibus.  
 Fercula de modicâ porgebat mensa culinâ,  
 Fercula porrectæ respuit ille dapis.  
 Fortè cupiuit auem, simul vndique quæritur ales;  
 Non tamen in toto vœniit vlla foro.  
 Quære solliciti cœnam cessate, Sodales;  
 En subiit vestras præda petita domos.  
 Nam penetrans vacuo Turdus specularia vitro,  
 Ambiit infirmas tērque, quatērque manûs.  
 Oblatam quid lentus auem captare recusas?  
 Scilicet vt viuas, eligit illa mori.  
 Petre opta quodcūque voles, nil vota moratur:  
 En tribuit cælum quod tibi terra negat.

## XXIII. DECEMBRIS.

S. SERVVLVS C. *paralysi laborans Angelorum  
 concentu euocatur ad cælum.*

## I.

**S**Tare loco quamuis nequeas, & inutile fulcrum  
 Te nequeant ægri, Seruule, ferre pedes:  
 Curris ad empyreum tamen inuitatus Olympum,  
 Non pede, sed potius curris ad astra manu.

## XXIII. DECEMBRIS.

S. VICTORIA V. & M. *in suppliciis triumphans.*  
I.

Successu diuersa pari decertat Amazon;  
Quæ Christo, & bellum quæ duce Marte gerit.  
Messuit hæc lauros, dum cæderet agmina ferro,  
Lauros, dum ferro cæditur, ista metit.

## XXIV. DECEMBRIS.

S. GREGORIUS *voce è cælo inuitatus obiit ipso*  
*Christi nascentis Peruigilio.*  
I.

Post varios felice parit quos Marte triumphos,  
Post domitos ipso cum Ioue sæpè deos;  
Victorem ad meritam, quæ floret in æthere, laurū,  
Vox vocat è resono dulciter acta polo.  
Nam cum terra pares non ederet absona plausus,  
Pærat, vt Pugili plauderet ipse Polus.

## XXIV. DECEMBRIS.

S. THARSILLA V. *à Christo in cælum inuitatur.*  
I.

Ægra palescentem discedere cernit Olympum  
Tharsilla, in placido mox moritura toro.  
Adfuit æthereis Christus delapsus ab astris,  
Adfuit ætherei turba decora Chori.  
Ecquid, Christus ait, dudum Tharsilla moraris?  
Cessit Hyems, imber cessit, amica veni.  
Illa inquit, Venio, me iam mora nulla retardat;  
Quo me cunque prior duxeris, ibo comes.  
Sic ait, & volucres cæli radiantis Ephebos,  
Et sequitur Sponsum Sponsa vocata suum.  
Alba Columba albos turbæ inuitantis Olores,  
Inuitantem Agnum debuit Agna sequi.

## XXV. DECEMBRIS.

NATIVITAS DOMINI NOSTRI IESV CHRISTI.

## I.

**P**Ande oculos, nox cæca, tuos, tua lumina pande,  
Iamque novas rutilans explicet æthra faces.  
Innumeris astrorum oculis spectacula cerne,  
Quæ potuit nunquam cernere clara dies:  
Sol pater astrorum fuerat, nunc ordine verso,  
Luna noui solis cernitur esse parens.

PVERI IESV *cuna amabiles.*

## II.

Numinis ante sacras scelerum reus, accido cunas,  
Nec timeo offensi conscius arma Dei:  
Nam puer est, risuque volens placatur amico,  
Tâm teneræ nequeunt fulmina ferre manus.  
Et si ferre velint, saltem non stringat in hostes:  
Fascia, nè fulmen stringat, amorque vetant.  
Ignem veni mittere in terras, & quid volo,  
nisi vt ardeat? *Luc. 12.*

## III.

Ecce Deus fragiles hominis tenuatus in artûs,  
Paruulus infanti vagiit ore Puer.  
In stipulâ, stramenque super, fœnûmque jacebat,  
Hunc sua dum terris edidit alma Parens.  
Venerat, arsurum terris vt mitteret ignem;  
Debuit his paleis tam sacer ignis ali.

*Aliud.*

## IV.

Et fœnum & stipulam pressat, paleasque volantes;  
Nascitur in nostro dum Puer orbe Deus.

Venerat in terram flammis missurus, & ignem :  
Commoda materies ignibus illa fuit.

*CHRISTVS inter animalia oritur, inter  
latrones moritur,*

## V.

Et nascens medium, virtuti hæc debita sedes ;  
Et Christus moriens occupat vsque locum.

*CHRISTI stabulum in Templum vertitur.*

## VI.

Hic vbi, Christe, oreris regnantum maxime Regum  
Hei mihi ! longè alio digne sedere throno :  
Non hara, quod nuper fuerat, sed nobilis ara ;  
Non vt erat nuper caula, sed Aula fuit. (dos,  
Nempè hominū dux summus eras, summusq; Sacer-  
Ara sacerdoti conuenit, Aula Duci.

*Ad CHRISTVM nascentem.*

## VII.

Christe, veni, cupidæque volens innascere menti :  
Dulcia quid differs gaudia? Christe veni.  
Si stabulum, stabulique petis, Puer auree, sordes ;  
Ergo veni, satis est fordidus iste locus.

*CHRISTVS mediâ nocte oritur.*

## VIII.

Nocturnis inerant tranquilla silentia terris,  
Cum primū ex aluo virgine natus abis.  
Te licet in nostrum pariat feliciter orbem,  
Non tamen in lucem te parit alma parens.

CHRISTVS *in cunis vagiens.*

## IX.

Cœlituum quin turba taces? cur stella refulges?

Stella tace, posito pectine turba file.

Indice hîl opus est linguâ, nîl indice flammâ,

Vagitus Pueri nos satis antra docent.

*Ad CÆLITES de CHRISTO in præsepî  
nascente.*

## X.

Vix genitus caua saxa piis vagitibus implet,

Dignus in Attalia veste jacere Puer:

Semirutôque algens recti frigentis in antro,

Lactea subiecto stramine membra terit.

Vos, ô syderei, Geniorum cœtus, alumni!

Qui colitis spreto vile mapale polo;

Dura laceffitis mollite eubilia culmis;

Et stipulas famulâ sollicitate manu:

Aut humeris refecate leues plumentibus alas;

Fulciat vt tenerum culcitra mollis herum.

Tu ne sperne, Puer, fartum cœlestibus alis

Puluinum capiti supposuisse tuo:

Nam decet Aligeros, tua quos alit Aula, Ministros,

Ceruical Domino sternere tale suo.

*De CHRISTI Natali.*

## XI.

Vîsus erat nunquàm maior Natalis in orbe;

Natalis nunquam vîsus in orbe minor.

Ecce Agnus Dei. *Ioan. i.*

## XII.

Pastores, turbâmque inter malè notus agrestem,

Christe, quid in stabulo nasceris? Agnus eras.

## XIII.

Possset vt obscuro reperiri Christus in antro.  
Accendenda nostro lumine lampas erat.

*Ad Herodem.*

## XIV.

Plurimus ad Domini venit præsepia Pastor,  
Orbis ab extremo limite venit Arabs.  
Ipsi etiam Superi cælo venêre relicto,  
Quisque suum in cunis pronus adorat Herum:  
Tu tamen, Herodes, pigra remoraris in Aulâ,  
Effrænis, stabulum, bellua, nonne times?

*CHRISTO nato fontes olei & balsami erumpunt.*

## XV.

Sæcula formosum rursus rediistis in aurum,  
Christus in afflictam dum venit hospes humum:  
Nam sudant oleum quercus, opobalsama rupes,  
Et pretiosa novo flumina rore fluunt.  
Sedula, gratuito passim quod manat oliuo,  
Instrue, Virgo, tuam lampada, Sponsus adest.  
Ego sum pastor bonus. *Ioan. 10.*

## XVI.

Errantes dum quærit oues per devia Pastor,  
Et stabulum, & stabuli rudera iure petit.

*CHRISTVS ÆTERNI PATRIS FILIVS.*

## XVII.

Maiorum titulos, proauitaque stemmata jactet,  
Cui dedit antiquum clara propago genus:  
At tu supremo Soboles æquæua Parenti,  
Nunc fata Matre, pius nata Parente Deo;

Nec Proavos numeras, nec Auorū iusignia præfers,  
 Quæque solent reliquis grande parare decus.  
 Vnus Avus, Proauusque tibi, tibi gentis origo,  
 Vnus nobilitas est tibi tota Pater.  
 At licet è nullis ducas Maioribus ortum ;  
 Stirpe tamen nullus nobiliore fuit.

*Natali CHRISTI die viginti millia Christiano-  
 rum intra Templi ambitum Nicomedia  
 combusta, ne Ioui sacrificarent.*

## XVIII.

Quâ tu lucē oreris vitales, Christe, sub auras ,  
 Quo nobis paritur vindice certa salus;  
 Sacrilego scelerata Ioui nè turba litaret,  
 Christiadam accenso conflagrat igne cohors.  
 Regia festiuus cunabula nuntiât ignis ,  
 Debita Natali sunt ea signa tuo.  
 Iam fax irradians latè splendebat in alto  
 Æthere, quæ nati nuntia Regis erat.  
 Æmula terra suos feliciter excitat ignes;  
 Festiuo rutilus cùm micat igne Polus.

*CHRISTO nascente, tellus stillauit oleo.*

## XIX.

Athletis ceroma parat, dùm prouida rerum  
 Christiadis oleum pingue ministrat humus:  
 Dulcia mollitæ sudant opobalsama quercus ,  
 Leniat vt medicus vulnera nostra latex.

*Herodes CHRISTO insidians.*

## XX.

Regale in solium vertit præsepia Christus ,  
 Quem colit incuruo rustica turba genu:  
 Prouidus ad stabulum Pastores aduocat Agnus ,  
 Non procul Herodem senserat esse lupum.

Te nascente silent mutis Oracula Templis,  
Hæc te non decuit, Christe, tacente loqui.

VIRGO DEVS.

XXII.

Virgo Deus voluit Genitrice è Virgine nasci,  
Virgo Deus voluit viuere, Virgo mori.

*Puer IESVS in gremio Matris.*

XXIII.

Dùm collo applicitus Matris Puer vbera pressat,  
Et roscos niueos dùm terit ore sinûs :  
Lac fragis, ostróque niues, eboróque corallum  
Miscuit, & puris lilia pura rosas.

XXV. DECEMBRIS.

S. EVGENIA. *V. in veste virili sylua  
incola.*

I.

Induit Alcides olim cùm veste puellam,  
At tu mutarâ veste, Puella, virum :  
Et nemore in medio validæ sine robore clauæ,  
Tuta lupos inter viuis, & inter apros.  
Mascula, fœmineos, Virgo, deponis amictûs,  
Vt tener in ruto sit tuus vsque pudor.  
Semi-vir Alcides, victricis amore puellæ  
Captus, in infamem transtulit arma colum.  
Herculeos alii referant pleno ore triumphos ;  
Tu mihi, tu posthac Hercule maior eris.



*Versutum EUGENIÆ consilium.*

## I I.

Quàm catus Eugeniæ pudor est! quã callida virtus!  
Vir fit, vt effugiat Virgo pudica virum.

## XXVI. DECEMBRIS.

S. STEPHANVS *Martyr suo nomine*  
*Coronatus.*

## I.

CVM tot rettuleris superato ex hoste triũphos,  
Qui te saxorum duriter imbre petit:  
Te nascente, tuum nomen quicũque coronat,  
Ille futurorum providus Augur erat.

*Supplicij instrumenta in ornatũs vertit.*

## I I.

Ne sine re quis ferre putet te nomẽ inane,  
Diue, tui certum nominis omen habes:  
Nam dũ carnificum te saxeus obruit imber,  
Sponte tuum visa est cingere gemma caput.  
Nimirũ terrorum animos cœcauerat error,  
Ne decus aspicerent, Martyr honeste, tuum.  
Saxa tibi gemmæ, tibi pulchra corallia sanguis;  
Sicque lapillus erat quod lapis antè fuit.

*Lapidibus obruitur.*

## I I I.

In cœlum quæ saxa volant? lapidosa Gigantes;  
Fortè iterum rupto carcere bella mouent.  
Æmula terrigenis tortorum insania monstris,  
Proiicit in Stephanum saxa, grauèsque molas.  
Hoc dũ permolitur lapidum sub pondere, Christi  
Frumentum Stephanus se quoque iure vocet.

Ecce video cælos apertos. *Act. 7.*

IV.

Maſte animis, Heros, attolle in prælia vires ;  
 Mox domito-palmam victor ab hoſte feres.  
 Te Chriſtus ſuper aſtra vocat, vaſtâque ruinâ  
 Eſſe vides patuli mœnia fracta Poli.  
 Ingredere aſurgens, aditum tibi ſydera præbent,  
 Et tibi ſaxa gradus agglomerata dabunt.

STEPHANVS *nouus Orpheus.*

V.

Dùm Stephanus mollire animos dulcedine vocis  
 Tentat, & imperio ſubdere, Chriſte, tuo :  
 Æmulus antiquo, fidibus dùm luderet, Orpheo,  
 Ad te nîl præter ſaxa, ſerâſque trahit.  
 Domine, nè ſtatuas illis hoc peccatum. *Act. 7.*

VI.

Non pro ſe Stephanus, ſed pro tortoribus orat,  
 Tortores, non ſe, nouerat eſſe reos.

Obdormiuit in Domino. *Act. 7.*

VII.

Obdormit Stephanus, dulcique ſopore quieſcit,  
 Saxorum effultus mole recline caput.  
 Quàm placidû cervical erat!quàm culcitra mollis,  
 Tam citò quæ ſomnum conciliare poteſt!

*Ad D. STEPHANVM.*

VIII.

Tu nè cede malis, dabitur ſua meta dolori,  
 Eſt tibi vita labor, mors tibi ſomnus erit.

## XXVII. DECEMBRIS.

S. IOANNES EVANGELISTA qui supra  
pectus Domini in cœnâ recubuit. *Ioan.* 12.

## I.

Q Vi prius accumbens epulis, cœnæq; supremæ,  
Sederat in Domini sarcina grata sinu;  
Quique poli, de more Aquilæ, super alta volarat,  
Progeniem æquæuam dum docet esse Patri,  
Decursæ numerosa senex post tempora vitæ,  
Annorum tardo pondere pressus erat.  
Ergo iterum placidæ fruiturus pace quietis,  
Ambiit expertos rursus adire sinûs.  
Lazarus huic primæ sortis concecit honores:  
Ille sinum Abrami presserat, iste Dei.

Mulier, ecce filius tuus. *Ioan.* 19.

## II.

Cerneret Vnigenam dum fixum in stipite Mater,  
Icta pios gladio transfodiente sinûs;  
Sic Natum dicentem audit: Iam desino, Mater,  
Esse tuus, sed erit Filius iste tuus.  
Hæc ait, & nutu Iuuenem designat amatum,  
Ausus erat duram qui prope stare Crucem.  
Designat nutu Iuuenem, non indice dextrâ;  
Vincula nam geminas impediêre manûs.  
Illa nihil, tacitumque preniens sub corde dolorem,  
Tristis in oppositam lumina fixit humum.  
Hei mihi! quæ rerum pateris dispendia, Mater!  
Esse parens hominis incipis, antè Dei.

*Cum Perdice cicure ludens animum relaxat.*

## III.

Dùm regeret populosam Ephesũ venerabilis Exul,  
 Qui sacra ex ipso fonte fluenta bibit.  
 Mansuetæ colludit aui, mulcétque volentem,  
 Innocuis miscens serîa ritè iocis.  
 Si qua suo peccans deliret ab ordine penna,  
 Hanc proprio Senior reddit, vt antè, loco.  
 E syluâ Venator adest, & anhelus cundo  
 Contiguum carpit puluerulentus iter.  
 Dextra manus leporem, laxum gerit altera neruũ,  
 Ex humeris pharetræ pendet inermis onus.  
 Constatit, atque oculos ludentis in ora reflectens:  
 Lusus, ait, tantum dedecet ille virum.  
 O Fili! bona verba rogo, sed fare vicissim,  
 Otia, Diuus ait, cur tuus arcus agat?  
 Ille refert: Si nunquam arcũs ego tendere cessẽm,  
 Protinũs enerues neruus, & arcus erunt.  
 At Senior Venantem iterũ compellat, & aptâ  
 Retibus implicuit calliditate suis:  
 Arcubus interdum si conuenit otia fessis,  
 Conuenit & fessis artubus illa dari.

*Aquila D. I O A N N I S insignis.*

## IV.

Diue, volantem Aquilam, depicta insignia sumis,  
 Sic tua fit volucris, quæ Iouis ales erat.

## XXVIII. DECEMBRIS.

SS. INNOCENTES MM. *ab Herode occisi.*

## I.

**C**Vr nascente Deo; soboles denascitur infans;  
 Non benè Natali conuenit ille dolor.  
 Nimirum Sol Christus erat; vos sydera, Pupi,  
 Sole recens orto, protinus astra cadunt.

SS. INNOCENTES *Martyrum flores.*

## II.

Lilia materno nuper candentia lacte,  
 Purpureas sanguis vos facit esse rosas.  
 Fama olim fuerat flores è sanguine nasci,  
 Nascitur ex ipsis floribus ecce cruor.

*Pueri INNOCENTES funere immaturo prærepti;*

## III.

Rex Solymæ audierat nati cunabula Regis,  
 Quem castum enixæ Virginis vber alit.  
 In furias & in arma ruit, timidusque veretur;  
 Sceptra tener rapiat nè Solymæa Puer.  
 Scilicet vt vasto Sol vnus in æthere regnat;  
 Non patitur Reges vna corona duos.  
 Ergo iubet plenas numerofo funere cunas,  
 Proh facinus! Pueris esse feretra suis.  
 Vulneribus vix membra patet, nec flebilis amplum  
 Repperit in minimo corpore plaga locum:  
 Heu! Pueri primo genitricis ab vbere rapti,  
 Nescierant vitam, cum didicere mori.  
 Parua phalanx prærepta prius quàm luce fruaris,  
 Viuere quàm liceat, cogeris antè mori.  
 I tamen, astra super fuerat tibi lactis eundum  
 Tramite, sanguinè sed tamen ito viâ.

Tom. II.

M m

*Pueri INNOCENTES Christo nascente occisi.*

## IV.

Vt Pueri vidēre tuas, præsepia, cunas,  
Et Domino famulos molliùs esse suo:  
Erubete genis primùm, mox sanguine fuso,  
Transijt illapsus corpus in omne rubor.

*Aliud.*

## V.

Immatura neci, primæque in limine vitæ,  
Occidit immerito funere rapta Cohors.  
Námque super culmos durùm tibi, Chrìste, iacenti  
Cederet vt cunas, ambijt illa mori.

*Defuncti sunt, qui quærebant animam pueri.*

Matth. 2.

## VI.

Herodes animam Pueri dum perfidus ultor  
Quæreret, infelix perdidit ipse suam.

*Futurum est vt Herodes quærat Puerum ad  
perdendum eum. Matth. 2.*

## VII.

Cur tibi tantus amor, tanta est reperire libido,  
Si tamen inuentum perdere Numen aues?

*Caduntur INNOCENTES Christo nascente.*

## VIII.

Vix Deus humanos pueri tēnuiatus in artūs,  
Vifus erat nostro paruus in orbe Puer:  
Bethlemios latè Pueros furiata tyrannis  
Impetie, & cunis bella, necemque parat.  
Cur pueros perimit Christo nascente satelles?  
Debuerant, dùm Sol nascitur, astra mori.

*Herodis Epitaphium.*

## IX.

Te quondam potuit ridere superstitute nemo ;  
 Post tua iam nemo funera flere potest.  
 Quod serò pereas , teter grassator , id vnum ,  
 Quod de te Infantes iure querantur , habent.  
 Quam Pueri sensere rudes , viduæque parentes ,  
 Illa fuit cunis debita pœna tuis.  
 Si prius impresso cecidisses victima ferro ,  
 Victima tartareis debita iure focis :  
 Non visus foret ense Puer fodiente cruorem  
 Fundere , non lacrymas fundere visa parens.  
 At tumulum qui præter abis , absiste viator ,  
 Ne crudelis adhuc bellua virus agat.  
 Vsq; adeo irarum spirans exarserat æstu ,  
 Ardeat vt tectis ignibus ipse cinis.

*In terrâ pax hominibus.* Luc. 2.

## X.

Cum tantus Pueris belli superingruat horror ,  
 Cur pacem in terris nuntiat esse polus ?

*CHRISTVS in Ægyptum profugus.*

## XI.

Quancquã abeat Pharias Christus fugitiuus ad oras ,  
 Nè tamen indecori cedere Marte putes.  
 Exuperat fugiendo Deus , victorque recepto  
 Inclyta Parthorum prælia more gerit.

*CHRISTVS in Ægypto.*

## XII.

Non velut antè , suis illusa Ægyptus in hortis ,  
 In stabulo natum sed sciat esse Deum.

M m ij

## XIII.

Nos penitus toto profugos cur exigis orbe?  
 Cur petis armatâ vulgus inerme manu?  
 Tres sumus imbelles numero, sine viribus Infans,  
 Iosephusque senex, & sine fraude Parens.  
 Gloria nulla tibi victa est Virguncula, victus  
 Nulla senex, victus gloria nulla Puer.  
 In nostris tibi nullus honor, vel adorea damnis;  
 At tibi seruati gloria magna sumus.

*In somnis D. IOSEPHO a tribus Magis  
 apparent Angeli.*

## XIV.

Siue Magos adeant, seu te, Iosephe, Tonantis  
 Cælicolæ peragant vt data iussa Dei:  
 Vix furtiuæ audent modò se committere nocti,  
 Quos prius in mediâ cernere luce fuit.  
 Cum Deus aufugiat, nunquid Ianionis iniquas  
 Ipsi etiam Superi pertinuere minas?

## XXVIII. DECEMBRIS.

B. FRANCISCVS SALBSIVS *Geneuenfium*  
*Episc. in imagine depictus.*

## I.

Aspice tranquillo faciles in Præfule vultus;  
 Et formam imperio dixeris esse parem.  
 Explicat ingenuam sincera modestia frontem;  
 Pura verecundo ridet in ore Charis.  
 Oris ebur, frontisque niues, ostrumque genarum;  
 Pinxit Apellcâ nobilis arte manus.  
 Sed labor artificis species tantum extima, nam quod  
 Intus erat, pietas fingere sola potest.



## XXIX. DECEMBRIS.

S. THOMAS Cantuariensis Episc. ardente  
Londino, urbe patriâ, nascitur.

I.

NAsceris ipsa inter flammârû incendia, nè quis  
Obscuro genitum te putet esse loco.

*Ante aras obtruncatur.*

II.

Siste tuos rabiosa cohors; ah! siste furores,  
Nec sacra sacrilegâ pollue Tempia manu.  
Si tamen hæc animo stabilis sententia sedit,  
Præful vt impacto faucius ense cadat:  
Occidat ante suas, quibus antè litauerat, aras,  
Hostia iam factus, qui modò Flamen erat.

## XXIX. DECEMBRIS.

S. DAVID Rex & Propheta, Arcum, & Gladium  
ab amico Ionatha accipit. 2. Reg. cap. 18.

I.

Mos in amore nouus! gladium largitur, & arcum  
Spicula tantum aliàs qui dare norat amor.

*Absalonis in patrem DAVIDEM rebellis,  
crines.*

II.

Plurimus insequitur dùm me perniciter hostis,  
Iàmque mei propior terga fatigat equi;  
Quercetum per agreste feror, zephyrôque iocante;  
Dispersæ fluitant per mea colla comæ.  
Cæsariem mirata Drias, lususque comarum,  
Opposuit nostræ brachia longa fugæ.

M m iiij

Nam tulit implicitis, laquei me more, capillis,  
 Penfile, dum sonipes præterit, arbor onus.  
 Ambierat patriam capitis coma flaua coronam;  
 Debit infidum prima piare nefas.

*Ad DAVIDEM Pastorem.*

## III.

Pone pedum, cape sæptra manu regalia, Pastor,  
 Caula tibi fuerat, nunc erit Aula, domus.  
 Quisque greges ouium, sed iniquâ sorte regebas,  
 Sorte greges hominum nunc meliore reges.

*Fuerunt mihi lacryma mea panes die  
 ac nocte. Psalm.*

## IV.

Nocturnis plorat fidicen Iesſeus horis,  
 Nec vacat à lacrymis hora diurna suis.  
 Tota superfluis natat humida culcitra nimbis,  
 Vnda sitim recreat, recreat vnda famem.  
 Felices lacrymæ! felicia pocula! felix  
 Quisquis ab hoc sitiens sæpius amne bibis!

## XXX. DECEMBRIS.

S. PHILETÆRVS *M. flammæ inter & feras illasus.*

## I.

**R**aptatur medius pulcher Philetærus in ignes  
 Supplicium hoc pietas, hoc tulit alma Fides.  
 Excoctum ut fociis rutilantius emicat aurum,  
 Purior innocuo Martyr ab igne redit.  
 Traditur impastæ tigridi lacerandus, & vrsis,  
 Sed tenuere suas tigris & vrsa minas.  
 Res adeo miranda foret, cui flamma pepercit,  
 Nî quoque trux rabidæ parceret ira feræ.  
 Sed magis horrificum, tortor dum barbare vincis,  
 Velle homines flammæ vincere, velle feras.

## XXXI. DECEMBRIS.

S. SYLVESTER *summus Pontifex, balnea è  
puerorum sanguine, ad Lepram curandam  
Constantino dissuadet.*

## I.

**I**Am Constantiades Regali à corpore scdam  
Destinat infantum cæde fugare luem.  
Sylvester caput immensi, qua panditur, orbis,  
Intrepido Regem pondere vocis adit.  
Grande nefas, Auguste, paras; nullisque piandum,  
Te licet Oceanus lauerit omnis, aquis.  
An nouus Herodes turbæ nil tale merentis  
Cæde, nouercales vis scelerare manus?  
Quin eris horridior longè, nam cernere coram  
Quod iussit fieri, noluit ille nefas.  
Et mentem, & totum tabo maculabere corpus,  
An decet, hæc humeros purpura digna tuos?  
Ah! nimio pretiosa salus tibi sanguine constat,  
Si vitam innumeris cædibus vnus emas.  
Lactantùm lacrymis, lactentùm parce cruori,  
Et meliora, precor, balnea purus ama.  
Vnicus effuso te sanguine februet Agnus,  
Qui maculas hominum, qui scelus omne huius.  
Ah! malè multiplicis tibi cæde litabitur Agni!  
Vnicus optatam si dare possit opem!

## XXXI. DECEMBRIS.

S. COLUMBA V. & M. *in lupanar tracta  
ab urso defenditur.*

## I.

Flebat ad obscenum Virgo raptata lupanar,  
Proh pudor! Idaliæ virgo litanda lupæ.  
Ecce furens animi Princeps irrupit amator,  
Quem malè præ reliquis Virginis ardor agit.

252 ANNVS SACER POETICVS.

Illa nihil præter lacrymas tristata profudit,  
 Hoc clypeo tutus si queat esse pudor.  
 Nil lacrymæ mouere homines, sed bellua vindex  
 Irruit, & causam Virginitatis agit.  
 Námque verecundæ sortem miserata puellæ,  
 Dissipat infames vrsa patrona lupos.  
 Pone modum lacrymis, suspenso pone timori,  
 Quid trepidas vano tuta Columba metu?  
 Nil est quod timeas casti dispendia floris,  
 Si tegat ista tuum, Virgo, catella latus.

*Gladio caesa capite minuitur.*

II.

Qui lacerat teneram durâ feritate Columbam,  
 Ille vel accipiter, vel mihi milius erit.

*Ad Venerem, cui columba dicantur.*

III.

Quære aliam, Venus infamis, tibi quære columbâ,  
 Istâ Columba tuas non volat inter aues.

*Quis dabit mihi pennas sicut Columba? Psal.*

IV.

Quis mihi candidulæ pennas det habere columbâ,  
 Vt super astra comes, quò volat illa, volem?

XXXI. DECEMBRIS.

S. I O S E P H Patriarcha ex impura domina  
 manibus relicto pallio aufugit.

I.

Illecebras dominæ puer auersatus amantis,

Abiicit incestâ pallia tacta manu.

Amplius vrsisset Meretrix, cum veste relictam

Ipsam etiam pellem depositurus erat.

Qualis eris pugnando, Puer; retulisse triumphum,

Hoste triumphato, si fugiendo potes?

F I N I S.





**INDEX ANNI SACRI POETICI,**  
*Diutorum ordine Alphabetico complectens Nomina,*  
*quorum in hoc Semestri canuntur Elogia.*

**TOMVS SECVNDVS.**

<b>SS.</b>	<b>A</b>		ter. 6. Iul.	37
	Bdon & Sennen		Anno Episc. Colonienfis.	4.
	mm. 30. Iul.	41	Dec.	204
	Abibus m. 15. Nou.	178	Antoninus Augustinian. E-	
	Abrahamus Patriarcha.	9.	remita & m. 2. Sept.	98
	O&.	134	Apollinaris Episc. & m. 25.	
	Abundantius m. 2. Aug.	80	Iul.	34
	Adrianus m. 8. Sept.	24	Apollinaris Valentinienfis	
	Ægidius Abbas. 1. Sept.	89	Episc. 5. O&.	125
	Afra m. 5. Aug.	54	Ardanus Lindisfarnensis E-	
	Agapitus m. 18. Aug.	70	pisc. 31. Aug.	88
	Agapitus m. 21. Aug.	74	Arnulphus Episc. Augusto-	
	Agnellus Abbas. 14. Dec.	226	dunensis. 15. Aug.	66
	B. Agnes Augusta.	14. Dec.	Arsenius Eremita. 19. Iul.	23
	226		Assumptio Beatæ Mariæ	
	Agricola m. 4. Nou.	16	Virginis. 15. Aug.	65
	Aichardus Abbas. 15. Sept.	9	Athenodorus m. 16. Iul.	19
	Aigulphus m. 3. Sept.	90	Audoenus Rothomagenis	
	Albertus C. Carmel. 7. Aug.		Episc. 24. Aug.	77
	58		Audomarus Episc. Morien-	
	Alexander m. 12. Dec.	219	sis. 9. Sept.	94
	Alexius C. 17. Iul.	21	Augustinus Hipponensis E-	
	Amatus Episc. 31. Aug.	88	pisc. 28. Aug.	81
	Ambrosius Mediolanensis E-		Aurelius m. 57. Aug.	80
	pisc. 7. Dec.	212		
	Anacletus Pont. m. 13. Iul.	15	<b>B</b>	
	Ananias, Azarias & Mizael,		S. Acchus m. 7. O&.	119
	pueri Hebræi. 16. Dec.	228	Barbara V. & m. 4.	
	Anastasia m. 22. Dec.	232	Dec.	204
	Anatolia V. & m. 9. Iul.	12	Barlaamus m. 19. Nou.	184
	Andreas m. 17. O&.	140	Bartholomæus Apostolus	
	Andreas Fundanus. 6. Nou.		24. Aug.	76
	168		Bassa Coniugata. 21. Aug.	74
	Andreas Apostolus. 30. Nou.		Bauo C. 1. O&.	178
	197		Rob. Bellarminus è Societa-	
	Angelus Custos. 1. O&.	120	te Iesv. 17. Sept.	101
	Anna Matris Virginis Ma-		Benignus Sacerdos & m. 1.	
	Tom. II.		Nou.	167
			<b>N n</b>	

# INDEX

Bernardus C. 10. Aug. 71	Commemoratio omnium fidelium Defunctorum. 2. Nou. 163	
Berula Puer & m. 18. Nou. 183.	Commemoratio Crucifixi Berythenſis. 9. Nou. 171	
Bonaventura, Franciſcatus, Episc. Albanenſis & Cardinalis. 14. Iul. 16	Conceptio. <i>Vide</i> Virgo.	
Bononius Abbas. 30. Aug. 87	Conradus Episc. Conſtan- tienſis. 26. Nou. 19	
Brigitta V. 23. Iul. 31	Cordula V. & m. 21. Oct. 152	
Brigitta Vidua. 8. Oct. 131	Cosma & Damianus mm. 27. Sept. 112	
Bruno Carthuſianorum Fun- dator. 6. Oct. 126	Cunibertus Colonienſis E- pisc. 12. Nou. 176	
Bruno Episc. Colonienſis. 11. Oct. 135	Cyprianus Carthaginenſis Episc. & m. 12. Oct. 135	
C		
S. <b>C</b> æcilia V. & m. 21. Nou. 187	Cyriacus m. 8. Aug. 58	
Cæſarius Arelatenſis Episc. 27. Aug. 81	D	
Calliſtratus. 27. Sept. 111	S. <b>D</b> aniel Propheta. 21. Iul. 28	
P. Petrus Canilius Soc. Ieſv. 22. Dec. 233	Daniel Stylita. 11. Dec. 219	
Capraſius m. 20. Oct. 147	Daria m. 25. Oct. 155	
Carolus Boromæus Cardina- lis. 4. Nou. 165	David Rex & Propheta. 29. Dec. 249	
Casſianus Episc. & m. 13. Aug. 62	Decollatio S. Ioan. Bapt. 29. Aug. 82	
Catharina V. & m. 25. Nou. 191	Dedicatio B. Mariæ ad Ni- ves. 5. Aug. 51	
Charitas. 1. Aug. 48	Delphina Coniugata. 27. Sept. 112	
Chriſtiana Ancilla. 15. Dec. 221	Demetrius m. 9. Oct. 133	
Chriſtina V. & m. 24. Iul. 32	Demetrius m. 26. Oct. 156	
Chriſtophorus m. 25. Iul. 33	Deſiderius Alciſſiodoreniſis Episc. 27. Oct. 157	
Chryſanthus m. 25. Oct. 155	Dionyſius Arcopagita. 9. Oct. 131	
Chryſogonus m. 24. Nou. 190	Dominicus C. 4. Aug. 51	
Clara V. 12. Aug. 61	Dominicus Loricatus. 14. Oct. 137	
Clemens S.P. & m. 23. Nou. 181	Donatus Aretinus Episc. 7. Aug. 57	
Clemens Episc. Metenſis. <i>ibid.</i>	Septem Dormientes Fratres. 27. Iul. 39	
Colmannus m. 13. Oct. 136		
Columba V. & m. 31. Dec. 251		
Columbanus C. 21. Nou. 186		

# SANCTORVM.

E

S. Edmundus Cantuariensis Episc. [178](#)

Edmundus Angliæ Rex & m. 20. Nou. [185](#)

Eleuterius Abbas. 6. Sept. [92](#)

Elizabetha Lusitanorum Regina. 4. Iul. [8](#)

Elizabetha Vidua, filia Regis Hungariæ. 19. Nou. [183](#)

Elzearus Comes 27. Sept. [112](#)

Emericus C. filius Regis Anglorum. 4. Nou. [167](#)

Engelbertus Colonienfis Episc. & m. 7. Nou. [169](#)

Epimachus m. 12. Dec. [229](#)

Ermelindis V. [29](#). Oct. [159](#)

Euaristus P. m. 26. Oct. [156](#)

Eucherius Lugdunensis Arch. 16. Nou. [180](#)

Euerardus C. 15. Dec. [227](#)

Eugenia V. [25](#). Dec. [240](#)

Eulalia V. & m. 10. Dec. [217](#)

Euerrius Episc. Aurelianensis. 7. Sept. [23](#)

Euphemia V. & m. [16](#). Sept. [99](#)

Eustachius m. 20. Sept. [103](#)

Exaltatio S. Crucis. [14](#) Sept. [27](#)

F

S. Felicitas m. 23. Nou. [190](#)

Felix m. [30](#). Aug. [86](#)

Felix m. & Episc. Africanus [24](#). Oct. [154](#)

Ferreolus m. & miles. 18. Sept. [101](#)

Fides. 1. Aug. [48](#)

Fides m. 20. Oct. [147](#)

Firmina V. & m. 24. Nou. [192](#)

Firminus Ambianensis Episc. 25. Sept. [110](#)

Firmus m. 9. Aug. [12](#)

Florentinus Episc. Argentinensis. 7. Nou. [179](#)

Florus Episc. 4. Nou. [167](#)

Franciscus Borgiæ Soc. Iesv. 1. Oct. [119](#)

Franciscus Assisiæ. 4. Oct. [123](#)

B. Franciscus Salesius Geneuensium Episc. 28. Dec. [248](#)

Septem Fratres Martyres filij S. Felicitatis item m. [10](#). Iul. [12](#)

G

S. Gallus Claromontanus Episc. 1. Iul. [4](#)

Gallus Abbas. 16. Oct. [139](#)

Genesis Scriba. 25. Aug. [79](#)

Genesis Mimus. 25. Aug. [79](#)

Genesis Episc. Lugdunensis. 1. Nou. [162](#)

Geraldus m. 7. Oct. [139](#)

Geraldus C. 13. Oct. [136](#)

Gerardus Hungariæ Episc. & m. [24](#). Sept. [109](#)

Germanus Episc. Altrissiodorensis. [11](#). Iul. [46](#)

Goar C. 6. Iul. [9](#)

Godeleua m. 6. Iul. [10](#)

Goerrius Metensis Episc. 19. Sept. [102](#)

Golinducha m. 11. Iul. [13](#)

Gorgonius m. 9. Sept. [25](#)

Gregorius Thaumaturgus Neocæsariensis Episc. [17](#). Nou. [180](#)

Gregorius [24](#). Dec. [234](#)

Gualterus Abbas. 12. Iul. [14](#)

Guido C. [12](#). Sept. [26](#)

H

S. Henricus Imperator. 14. Iul. [17](#)

Hieronymus Ecclesiæ Doctor. [11](#)

# INDEX

Aor. 30 Sept.	116	Irenaeus m. 2. Aug.	80
Hilarion Abbas. 21. Oct.		Iustina V. & m. 13. Iulij.	15
<u>148</u>		Iustina V. & m. 16. Sept.	
Holaus Rex Noruegiae & m.	401	Iustina & Ruffina VV. &	
29. Iulij.	40	mm. 19. Iulij.	22
Homobonus C. 13. Nou.		Iustus m. 6. Aug.	56
<u>176</u>		Iustus Lugdunensium Episc.	
Hyacinthus C. 16. Aug.	68	2. Sept.	90
Hyppolitus m. 13. Aug.	63	Iustus m. 18. Oct.	146
I		Iuuenis Aegyptius Anony-	
Iacobus Nisibenus Episc.	18	mus m. 11. Dec.	221
15. Iulij.		L	
Iacobus Apostolus. 25. Iulij.		Lambertus Traiectensis	
34		Episc. 17. Sept.	100
Iacobus Intercisus. 27. Nou.		Landfrancus Episc. Cantua-	
<u>195</u>		riensis. 3. Iulij.	7
Ianuaris Episc. Beneuenta-		Landrada V. 8. Iulij.	11
nus. 19. Sept.	102	Largus m. 8. Aug.	18
Ignatius de Loyola. 31. Iulij.		Laurentius m. 10. Aug.	60
<u>42</u>		Laurentius Episc. Dublinen-	
Inpressio Stigmatum D.		sis. 14. Nou.	177
Francisci. 17. Sept.	101	Lazarus Christo imperante	
Innocentes Martyres. 28.		rediuuius. 17. Dec.	219
Dec.	145	Leodegarius Episc. Augusto-	
Inuentio S. Stephani Proto-		dunensis & m. 2. Oct.	121
martyris. 3. Aug.	50	Lucas Euangelista. 18. Oct.	
Ioannes Gualbertus Abbas.		140	
12. Iulij.	14	Lucia V. & m. 13. Dec.	210
Ioannes Cuzubita. 2. Oct.		Ludouicus Episcopus Tolo-	
122		sanus. 19. Aug.	70.
Ioannes C. 10. Oct.	134	Ludouicus Galliarum Rex	
Ioannes Bonus C. 22. Oct.		25. Aug.	77
131		Lupus Trecentis Episc.	14.
Ioannes Euangelista. 27.		Iulij.	40
Dec.	243	M.	
Iodocus C. Angliae Regis		Septem fratres Machabaei.	
filius. 12. Dec.	210	1. Aug.	48
Jonas Propheta. 21. Sept.		Macharius Romanus C. 23.	
105		Oct.	153
Ioscius C. 30. Nou.	198	Magdalena Penitens. 22.	
Ioseph Patriarcha. 31. Dec.		Iulij.	29
252		Malchus Conf. 11. Oct.	148
Iolue Propheta. 1. Sept.	89		



# SANCTORVM.

Mamas m. 17. Aug. 69

Marcellus Episc. Parisiensis. 162

1. Nou. 162

Margareta V. & m. 20. Iulij. 24

Maria de Victoria Lepantica. 118

7. Oct. 118

Martha V. 29. Iulij. 41

Martinianus & Processus. 7

2. Iulij. 7

Martinus Turonensis Episc. 173

11. Nou. 173

Martinus Pont. m. 12. Nou. 175

175

Matthæus Apostolus & Euangelista. 21. Sept. 104

Mauritius Andegau. Episc. 69

13. Sept. 69

Mauritius m. 22. Sept. 106

106

Maxellendis V. & m. 13. Nou. 177

177

Megengor C. 19. Dec. 231

231

Meminius Episcopus Catalaunensis & M. 21. Dec. 232

232

Mennas m. 10. Dec. 217

217

Michael Archangelus. 29. Sept. 114

114

Modestus Hierosolymitanus Patriarcha. 18. Dec. 230

230

Moses Legislator & Prophe- 4. Sept. 91

91

Myro Episc. 8. Aug. 59

59

N

NAgranos inter Mar- tyres Puer quinquen- nis m. 24. Oct. 154

154

Narcissus Hierosolimitanus Episc. 29. Oct. 158

158

Natalia m. 27. Aug. 80

80

Natiuitas B. MARIE Vir- ginis. 8. Sept. 93

93

Natiuitas Domini Nostri

IESV. CHRISTI. 25. Dec. 135

Nazarius & Celsus mm. 28. Iulij. 39

39

Nectarius C. 9. Dec. 217

217

Nemesius m. 19. Dec. 231

231

Nicasius Rhemenfis Episc. 1. Oct. 226

226

Nicetius Treuerensis Episc. 1. Oct. 118

118

Nicolaus Episcopus Myren- sis. 6. Dec. 210

210

Nympha. m. 10. Nou. 172

172

O

S. O Sualdus Rex Anglo- rum. 5. Aug. 54

54

Othilia V. 13. Dec. 224

224

P

S. P Antaleon m. 27. Iulij. 38

38

Paphnutius m. 24. Sept. 110

110

Pastor m. 6. Aug. 56

56

Pelagia Pœnitens 8. Oct. 131

131

Petrus ad Vincula. 1. Aug. 47

47

Petrus Episc. Aganienfis. 3. Aug. 50

50

Petrus Alexandrinus Episc. 26. Nou. 193

193

Petrus Chrysologus Episc. Rauennas. 2. Dec. 199

199

Philaretus Conf 1. Dec. 199

199

Philetærus m. 30. Dec. 250

250

Philogonius Episc. Antio- chensis. 20. Dec. 231

231

Phocas Olitor. 22. Sept. 107

107

Pius P. M. 11 Iulij. 13

13

Placidus m. 5. Oct. 126

126

Plato m. 22. Iulij. 28

28

Præsentatio B. MARIE Virginis. 21. Nou. 183

183

Proba V. 5. Sept. 92

92

# INDEX.

Processus & Martinianus. 2.	Julij.	41
Julij.	7	Serenus Seruus. 2. Oct.
Procopius m. 8. Julij.	11	Sergius m. 7. Oct.
Pulcheria Augusta & V. 10.		Seruulus C. 23. Dec.
Sept.	95	Seuerinus Boëtius m. 23. Oct.
		152
<b>Q</b> Vatuor Coronati		Sidonius Apollinaris Aruer-
Martyres. 8. Oct.		norum Episcopus. 23. Aug.
130		75
Quatuor Coronati. 8. Nou.		Simeon Salus. 1. Julij.
170		Simeon Srilites. 3. Sept.
Quiniacus Anachoreta. 29.		Simeon Confess. 8. Oct.
115		130
		Simon & Iudas Apostoli.
		18. Oct.
<b>R</b> Emigius Rhemenfis E-		158
pisc. 1. Oct.	117	Smaragdus m. 2. Aug.
Respicus m. 10. Nou.	172	Spes. 1. Aug.
Richardis Augusta. 13. Sept.		48
97		Spiridion Cypri Episc.
Robertus de Arbriscellis C.		14.
30. Aug.	87	Dec.
Rochus Alexicacus. 16. Aug.		125
67		B. Stanislaus Koscha Socie-
Romanus m. 18. Nou.	182	tatis I. E. S. V. 14. Aug.
Rosa V. 4. Sept.	91	63
Rosalba V. & m. 16. Julij.		Stephanus P. & m. 2. Aug.
19		49
Ruffina & Secunda Sorores,		Stephanus Episc. Diensis.
VV. & m. 10. Julij.	13	7.
Ruffina & Iustina VV. &		Sept.
m. 19. Julij.	24	93
Rumoldus 1. Julij.	3	Stephanus m. 28. Nou.
Rusticus m. 9. Aug.	59	196
		Stephanus Protomartyr.
		16.
<b>S</b>		Dec.
S. Abbas Abbas. 5. Dec.		241
209		Sufanna m. 11. Aug.
Festum omnium Sanctorum.		60
1. Nou.	161	Syluester Intercifus. 26. Nou.
Saturninus Tolosatium E-		194
pisc. 29. Nou.	196	Syluester S. P. 31. Dec.
Secunda & Ruffina, Sorores,		251
V. & m. 10. Julij.	13	Symphorianus m. 26. Julij.
Seonen & Abdon m. 30.		37
		Symphorianus m. 11. Aug.
		61
		Symphorianus m. 22. Aug.
		74
		Symphorosa m. 18. Julij.
		22
		<b>T</b>
		S. Harfilla V. 24. Dec.
		234
		Thecla V & m. 23. Sept.
		107
		Theo. ista V. 10. Nou.
		173
		Theodora Pœnitens. 11. Sept.
		95

# SANCTORVM.

Theodorus m. 9. Nou.	171	Villibaldus Eystetenſis E-	
Theodore m. 2. Aug.	49	pisc. 7. Iulij.	10
Theodolus C. 3. Dec.	203	Virgo Deipara ſine labe con-	
Therēſia V. 15. Oct.	138	cepta. 8. Dec.	215
Thiemo Episc. Salisburgēſis		Viſitatio B. M. MARIE Vir-	
& m. 28. Sept	113	ginis. 1. Iulij	5
Thomas Apoſtolus. 21. Dec.		Vitalianus Episc. Capuanus.	
232		17. Iulij.	10
Thomas Cantuarienſis E-		Vitalis m. 4. Nou.	165
pisc. 29. Dec.	249	Villelmus Abbas. 5. Iulij.	9
Tiberius m. 10. Nou.	172	Volfraugus Ratſponenſis E-	
Transfiguratio D. N. IESVS-		pisc. 31. Oct.	159
CHRISTI. 6. Aug.	55	Viſula V. & m. 21. Oct.	
Triphon m. 10. Nou.	172	149	
V		V Vilgēfortis V. 20. Iulij.	
S. V Alentina V. & m.		26	
25. Iunij.	36	X	
Varus m. 19. Oct.	146	X Auerius Indiarum A-	
Vdalricus Episc. Auguſta-		poſtolus 2. Dec. 200	
nus. 3. Iulij.	8	X Antus Pont. m. 6. Aug.	55
Venceſlaus Dux Bohemiæ &		Z	
m. 28. Sept.	114	S. Z Acharias Propheta. 6.	
Vemſrida V. & m. 3. Nou.		Nou.	168
164		Zenobius & Zenobia. mm.	
Victor m. 21. Iulij.	27	30. Oct.	159
Victoria V. & m. 23. Dec.			
234			

F I N I S.



